



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonComercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format


Adapt — remix, transform, and build upon the material

Speedy relief
free & free help


Speedy III

MP 3

1919



1909



9(47.925)

4-42

05 SEP 2011
19 Aug 2006

ՀՐԵՍԱՐԵՎՈՒԹՅԻՆ ՄԵԽԱԿԸՐ ԾԽԾԿԵՑՅԱԲ

ՊԱՏՄԱԿԱՆ ՔԱՂԻՄԾՆԵՐ

(Եղանակած «Հովի» տպարարերից)

Պատկ երրորդ

Եփրեմ կաթողիկոս.

Մաս I.

և Առաջ II

Կ Ա Զ Մ Ե Յ

Եղիշ ա. ք. Գեղամեանց


ԿՐԱՆԵ 40 ԿՐԱ

Историческія выписки

(Перепечатано изъ журнала „Овивъ“ (Пастыры)

Католикосъ Ефремъ

ч. III. Сост. прот. Е. Гегамянцъ.



Б А К Ս

Типографія Н. А. Эриванцова.

1 9 0 9.

6892

12 9 MAR 2013
1705 932 80
2005 604 81

ԳԱՅՈՒՄ ԵՐԵՎԱՆ

Հայութական օֆիս Հայութական

Հայութական օպերատոր



4 26857-60

ՍՈՅՆ ՊՐԵԿԻ ԳԼԽԱԿՈՐ ԱՂԲԻՒՐՆԵՐՆ ԵՆ՝

1. Մաերեանց. Պատմութիւն կաթողիկոսաց էջմիածնի, Մոսկու, 1874.
2. Երիցեանց. Ամենայն Հայոց կաթողիկոսութիւնը և Կոմիտասի Հայք XIX դարում. հատուր Ա. և Բ. Թիֆլիդ 1894 և 1895.
3. Акты археогр. комиссии հատուր V^ա և V^ե. VI, VII և VIII.
4. Եփրեմ կաթողիկոսի ձեռագիր կոնդակներ, որոնք հ. Գիւտ Աղանեանց ժամանակաւորակէս մեզ յանձնեց օգտւելու:
5. Жизнь Генераль-Лейтенанта князья Мадатова. С.-Петербургъ, 1863.
6. В. Потто, Генераль-Адъютантъ Иванъ Давидовичъ Лазаревъ, Тифлисъ. 1900.
7. В. Потто, Первые добровольцы Карабага, Тифлисъ, 1902.
8. Սիմեոն կաթողիկոս. «Զամբո» Վաղարշապատ, 1873.

ՀԳ.

Եփրեմ կաթողիկոսի երկրորդ գործն... իսկապէս նա էլ ոչ մի գործ չարաւ, եթէ չհաշտենք այն միջամտութիւնը, որ նա ունեցաւ 1813 թւականի ոռւս-պարակական դաշնադրութեան (Գիւլիստանի) ժամանակ, երբ աշխատում էր յօդուտ ոռւսաց, ինչպէս որ խնդրել և հրահանգել էին իրան թէ Պետերբուրգում և թէ Թիֆլիսում:

Ինչպէս յայտնի է՝ այդ դաշնադրութեամբ պարսից ձեռքից դուրս եկան և ոռւսաց ձեռքն անցան՝ Ղարաբաղը, Գանձակը, Շաքին (Նուխին), Շիրվանը (Շամալին), Դարբանդը, Ղուբան, Բագուն և Թալիշը:

Իսկ պարսից ձեռքը մնացին միմիայն Երևանի և Նախիջևանի խանութիւնները:

Գիւլստանի դաշնադրութեամբ՝ պատերազմական գործողութիւնները դադարեցան, երկրը խաղաղացաւ և ժողովուրդը սկսեց ազատ շունչ քաշել և անձնատուր լինել իւր առօրեայ, սովորական պարապունքներին:

Վանքի նիւթական քայլքայւած վիճակը վերականգնելու համար՝ Եփրեմը, Ներսիսի և ուրիշ սինօղականների թելադրութեամբ՝ կանոնա-

ւորեց և ընդարձակեց նւիրականութեան գործը:
Նրա նւիրակներն անդադար շրջում էին
տաճկահայերի, պարսկահայերի, հնդկահայերի և
ոռուսահայերի մէջ և մեծ ու փոքր քանակու-
թեամբ՝ նւէրներ և տուրքեր էին հասցնում
Մայր Աթոռին*):

Կաթողիկոսը նւիրակների համար յատուկ
կանոններ էր հաստատել, բաղկացած 18 յօդ-
ւածներից**):

Կողմնակի կերպով նկատենք այստեղ, որ
այդ յօդւածներից վերջինը պարտք էր դնում
նւիրակների վրայ, որ նրանք իրանց եղած տե-
ղերում «փոյթ ունիցին դհնագոյն գրչեայ գրեանս
ստանալ յաղագս գրատան Աթոռոյն, ևս և ար-
կանել քարոզութեամբ իւրեանց ի սիրտ ժողո-
վլոդեան զսէր ուսումնարանի և հիւանդանոցի
յամենայն տեղիս»:

ՀԴ.

Զնայած պարսկական գանձարանից իւր
տացած տարեկան 4000 ր. ոռոճիկին, չ
վանքի սովորական, թէպէտ և պատերազմի
պատճառաւ նւազած, եկամուտներին, չնայած
մանաւանդ նւիրակներից ստացւած առատ նւէր-
ներին, — այնուամենայնիւ Մայր Աթոռը գրամա-
կան մեծ տագնապի մէջ ընկաւ Եփրեմի կաթո-
ղիկոսութեան ժամանակ:

Պատճառը ահա թէ ինչ էր:

*) Պատմ. կաթող. էջմիածնի, եր. 81.

**) Նոյնը, եր. 81—83.

Եփրեմը վերին աստիճանի թոյլ ընաւորու-
թեան տէր մարդ էր, թէև շատ բարի: Սակայն
բարութիւնը նրանում ոչ կրօնական կրթութեան
արդիւնք էր, ոչ էլ գիտակցութեան, այլ անըն-
դունակութեան, մտաւոր ապիկարութեան: Կա-
ռավարչական ոչ մի շնորհք, ոչ մի ընդունա-
կութիւն նա չունէր: Ամենաշատը՝ նա կարող էր
մի հասարակ վանքի՝ հասարակ, սովորական վա-
նահայրը լինել, այլ ոչ ամենայն հայոց կաթողի-
կոս և Մայր Աթոռի վանահայրը: Եփրեմը ինքը
խոստովանում էր իւր ապիկարութիւնը, երբ
ժամանակ առ ժամանակ ներսիսի մասին խօ-
սելիս ասում էր «ի պատճառն նորա (ներ-
սիսի) իշխանութիւն իմ ոչ անցանէ քան զսեանս
սենեկի իմոյ. ոչ ներգործէ՝ ի լսելիս իմոց
յատկացեալ պաշտօնէից հոգեորականաց կամ
մարմնաւորականաց»:

Բայց չնայած, որ Եփրեմը այս աստիճան
անհամապատասխան էր իւր կոչմանը, 'ի վերայ
այսր ամենայնի նա, մի և նոյն ժամանակ, շատ
փառասէր էր և ամեն մի թոկից փախածի, ա-
մեն մի շողոքորթի, ամեն մի խորամանկի և
խորագիտի իրան ուղղած գովասանքներն՝ հա-
լած իւղի տեղ էր ընդունում:

Եւ ահա մասամբ նրա այդ փառասիրու-
թեան, մասամբ էլ պարսիկ կառավարութեան
նոր յաղաքականութեան պատճառաւ Մայր Ա-
թոռը մեծաքանակ պարտքի տակ ընկաւ Եփրե-
մի կաթողիկոսութեան մանաւանդ առաջին տա-

ըիներումը:

Նա իւր ձեռքն անցած մեծաքանակ գումարներն վատնում էր՝ ոչ թէ իւր և միաբանութեան վայելուչ ապրուստի և կենցաղավարութեան համար, ոչ թէ վանքի բարեզարդութեան, ոչ էլ կալւածների կարգաւորման համար, այլ իրան գովողներին, իրան շղղոքորթողներին և իրան պարտատէրներին ընծաներ տալու համար՝ որոց անդադար տալիս էր «զազգի ազգի բեհեզս, կերպասս, սփոցս նկարէնս ծաղկայօրինուծըս, ոսկեայ և արծաթեայ անօթս, մատանիս, տուփս պատւական քարամբը ընդելուզեալս, զորս բերել տայր ի Կոստանդնուպօլսոյ, Բեթրպուրդայ և ի Հնդկաց»*):

Այս մեծագին ընծաները Եփրեմը տալիս էր Մայր Աթոռի պարտապաններին, որոնք իրանց փոխ տաճ դրամների համար 30-ական տոկոս էին ստանում**): Մի և նոյն ժամանակ մուրհակները վեց ամսէնը մէկ փոխել էին տալիս: Եփրեմը իւր բոլոր կեանքում փող էր հաւաքում և բացի այն, որ գործ չկատարեց, այլ և մինչեւ մահն էլ անփող, մուրացիկ մնաց:

Բանն այստեղ հասաւ, որ նրա կաթողիկոսութեան առաջին 10 տարումը՝ Մայր Աթոռի պարտքը հասաւ 184,000 լուբլու:

Պարտատէրերի մեծագոյն մասը պարսիկ վաճառականներ էին, որոնք հայոց կաթողիկո-

*) Պատմ. կաթող. էջմիածնի, եր. 83.

**) Ամեն, 2, կաթող. հատ. Ա, եր. 169.

սին մտերմացել և նրան կեղեքում էին թելադրւելով ինչպէս իրանց ընչաքաղցութիւնից՝ նոյնքան, գուցէ և աւելի, պարսիկ կառավարութիւնից:

Պարզենք մեր միտքը:

Հե.

Մենք տեսանք, որ Աբբաս Միրզան ուսւացքաղաքականութեան ցըինակին հետևելով ըսկսեց Մայր Աթոռի գահականներին, միաբանութեանը սիրաշահել և նրանց գրաւելու համար՝ մի այնպիսի բարեկամական դիրք բռնել դէպի էջմիածնը, որ վաղուց, շատ վաղուց ի վեր տեսնւած չէր:

Պէտք է ասել, որ բացի քաղաքականութիւնից՝ Աբբաս Միրզան, մի և նոյն ժամանակ, էջմիածնը համարելով մի սրբավայր «տեղի Երկրպագութեան» որոշ հաւատ և ջերմեռանդութիւն էր տածում գէպի նա:

Մյապէն՝ նա առանձին հրովարտակով էջմիածնի Աթոռին պատկանեալ բոլոր գիւղերն ու կալւածները տպատեց թագաւորական ամենատեսակ հարկերից և վանքից խլած Աշտարակ գիւղը և մի քանի մանր կալւածներն՝ հրամայեց վերադարձնելու:

1809 թւին, սեպտ. 15-ին, Երևանից էջմիածնին գալով և տաճար մտնելով համբուրեց Աւատարանը, ս. Լուսաւորչի Աջը: Իջման տեղույն երկրպագութիւն արաւ, իւր սուրբ սեղանի վրայ դրեց և օրհնութիւն խնդրեց, խոստա-

նալով տաճարի համար բերել տալ «յԱսպահանէ կամ ի Խօրասանայ ըստ չափու յատակին հաւասարութեան եկեղեցւոյն՝ զխալիչաւ, կախել զկանթեղս և տալ զվաղփ»:

Ցետոյ «կապեաց օրհնութեամբ ընդ մէջ նորա զսուրն՝ տեղապահ սրբազան արքեպիսկոպոսն (Սիմէօն)»:

Յայտնի է, որ մի ժամանակ յայտնի Նադր Շահն ևս՝ Կրետացի Աբբահամ կաթողիկոսի օրհնութեամբ և նրա ձեռքով կախեց իւր սուրբ:

ՀԶ.

Աբբաս Միրզայի քաղաքականութեան բոլորովին հակառակը վարւեցաւ Երևանի նոր սարդար նշանակւած Հիւսէին Ղուլի խանը, որ Երեւանի խանութիւնը գրեթէ անձիշխանաբար էր կառավարում և երկրից ստացած տարեկան մօտ 90 հազար ոսկու հասոյթը գործ էր դնում ըստ իւր կամաց, Շահին տարէնը մի մի թանկագին նւէր ուղարկելով:

Աւասիկ հէնց այս Հիւսէին Ղուլի խանը կամենալով, որ ոսուները տեղիք չունենան խառնուելու Երևանի գործերում, ձղտում էր բարոյապէս նւաճել էջմիածինը և սրա գահակալին: Իսկ գրա ամենալաւ միջոցն համարում էր Մայր Աթոռը խեղդել պարտքերով այն էլ մասնաւոր, պարսիկ վաշխառուների ձեռքով և օրինաւոր համարուած ճանապարհներով:

Բայց որպէս զի էջմիածինը չկարողանայ երբէք վճարել այդ պարտքերը և միշտ կախումն

ունենայ սարդարի արբանեակներից, հարկ էր կտրել այդ վանքի այն հասոյթները, որ վանքը վաղուց վայելում էր ոչ միայն Աբբաս Միրզի, այլ և նրանից առաջ իշխողների հրովարտակներով:

Վերջապէս Հիւսէին Ղուլի սարդարը խլեց Աբբաս Միրզի էջմիածնին տւած արտօնութիւնները՝ գիւղերը հարկերից ազատ լինելու մասին և Աթոռային կալւածների վրայ 400 թուման (1600 ը.) մաղթա (հարկ) գրեց, իսկ գիւղացիների հտմար էլ 400 թուման բեկարայ կոչւած հարկը հաստատեց:

Տեսանք որ Աբբաս Միրզան հրամայել էր Աշտարակը վանքին վերադարձնեի:

Սակայն ստրդարը այդ հրամանը չկատարեց, վասն զի էջմիածնեցիք անձեռնաս գտրնեցան նրա պահանջած 1000 թուման նւէրը վճարել իրան:

Եղւարդ գիւղի հասոյթի վեց մասից՝ $4\frac{1}{2}$ մասը պատկանում էր էջմիածնին:

Սակայն սարդարը բոլոր հասոյթը իրան էր յատկացնում, պատճառ բերելով, որ Եղւարդի նախկին բնակիչների մեծ մասը՝ ցըիւ են եկել և այժմեան բնակիչները նա ինքն է բերել տւել և գրեթէ ամայացած գիւղը ինքը նորից շէնսացրել:

Մուղանլու կոչւած թաթարները՝ վանքապատկան հողերը վարում էին, բայց պայմանաւորեալ վճարը չէին տալիս:

Վանականք սարդարի օգնութեանը դիմե-

ցին: Վերջինս ստիպեց թաթարներին՝ հատուցանել վանքին նրա պահանջը, բայց ինքը՝ սարդարը վանքից նախապէս այնքան նւէր ստացաւ (500 թուման), որ զրեթէ հաւասար էր թաթարներից ստանալիք գումարին*):

Հէ.

Երկանի սարդարի արարմունքներն խափանելու համար՝ Եփրեմը թէ և դիմեց Աբբաս Միրզին, նոյն իսկ պատգամաւորների միջոցաւ, բայց զրանով ոչինչ չշահւելուց զատ՝ սարդարի բարկութիւնը ևս շարժեց իւր վրայ:

Իսկ սարդարը ոչ միայն քաղաքագէտ էր, այլ նաև Շահի և նրա ժառանգի նման փեսայու խնամի**): ունենալով ոչ ոքից երկիւղ չունէր և անարգել անում էր, ինչ որ ուզում էր:

Ուստի և անշեղ կերպով գործազրում էր իւր քաղաքականութիւնը, — այն է՝ նիրականապէս բոլորովին բայցայել Մայր Արոռը:

Կաթողիկոսը բոլորովին յուսահատւած էր և չէր իմանում, թէ էլ որտեղից կարողանայ փող ձեռք բերել:

Մի ժամանակ Ներսէսը Թիֆլիսից նրան օգնում էր, բայց վերջերում նա ևս վերջ տւեցիւր օգնութիւններին, նախ՝ որովհետև ուղարկւած դրամներն աննպատակ կորչում էին և երկրորդ՝ Կովկասի կառավարչապետ Երմօլովը՝ ար-

*.) Ամենայն հայոց կաթող. հատոր Ա. եր. 172—174.

**) Սարդարի քայլը Շահի կին էր, իսկ Աբբաս Միրզի աղջիկը՝ Սարդարի որդու կինը:

գելեց Ներսիսին Վրաստանի հայերից յօգուտ էջմիածնի դրամ հանգանակելու:

Կաթողիկոսի յուսահատութեան միջոցին՝ Երկանի Սարդարը՝ ինքը նրան օգնութեան հասաւ... մի բարեկամական խորհրդով:

Այդ միջոցին Շուշիում ապրող 500 տունի չափ հայերն վաճառականութեան մէջ շատ առաջացել էին և բաւականին հարստութիւն ձեռք բերել:

Նրանց մէջ կային այսպիսիներ էլ, որոնք ահազին, միլիոնաւոր կարողութիւն էին ձեռք բերել, կասպից ծովի ձկնորսութեամբ, նաւագնացութեամբ և Բագւի նավթահանութեամբ և մինչեւ Միրիրիա և Եւրոպա տարածւած այլ և այլ առևտորական ձեռնարկութիւններով:

Այս կարգի հարուստներն էին Թառումեանց և Հախումեանց տներն:

Թառումեան տունն եկւոր էր Շուշիում: Նրանք Երկանի կողմիցն էին և սարդարի բռնութիւններից փախչելով՝ գաղթել էին Շուշի և հարստացել:

Արդ՝ Երկանի սարդարը Եփրեմին խորհուրդ տւեց, որ կոնդակով, կամ յատուկ մարդով գիմէ Թառումեանցին և նրանից՝ գոնէ փոխարինաբար 4000 թուման խնդրէ:

Եփրեմը այդպէս էլ արաւ: Յովհաննէս անունով մի եպիսկոպոսի միջոցաւ նա Թառումեանց երկու եղբայրներին, — Զոհրաբ և Մարգոս, — մի մուրհակ ուղարկեց իւր և միաբանու-

թեան ստորագրութեամբ։ Սակայն Թառումեանները բաւականացուցիչ պատասխան չտւին։

Այդ միջոցին սարդարը կաթողիկոսին խորհուրդ տւեց, որ ինքը անձամբ գնայ Շուշի Թառումեաններից փողն ստանալու։

Սարդարը, առհասարակ, այս կարծիքի էր, որ Եփրեմ կաթողիկոսը իւր այս ճանապարհորդութեամբ՝ ոռւսահայերից մեծ գումար կը բերի էջմիածին*):

Սարդարի այս խորհուրդն ևս լսեց կաթողիկոսը և 1821 թւականի սեպտեմբերի կիսին էջմիածնից դուրս եկաւ՝ իրան ուղեկից ունենալով բաւականին մարդիկ, — եպիսկոպոսներ, վարդապետներ, սարկաւագներ, աշխարհականներ՝ իրանց ծառաներով։

Փակագծի մէջ ասենք, որ կաթողիկոսին ուղեկցող սարկաւագների թւում էր՝ դպիր Մեսրոպ Թաղիադեանցը, որ վերջերում յայտնի մատենադիր եղաւ մեր մէջ։

ՀԲ.

Կաթողիկոսը ճանապարհորդութիւնը սկսեց Նախիջևանի վրայով, որոյ խանը շատ փառաւոր կերպով՝ դիմաւորեց և ընդունեց նրան։

Քաղաքի և մօտակայ գիւղերի հայ ժողովրդականք լսելով, որ կաթողիկոսը Մայր Աթոռի պարտքը թօթափելու համար է ձեռնարկել իւր ճանապարհորդութիւնը, խումբ խումբ դաշլս էին (թերևս խանի կողմանկի թելադրու-

*.) Ամենայն Հայոց Կաթողիկ., հատ. Ա, եր. 188.

թեամբ) և իրանց լուման դնում նրա առաջ։

Այդ բանից խրախուսւած՝ Եփրեմը սկսեց մի շրջան գործել Նախիջևանի վիճակում և ամեն տեղ ժողովուրդը ընդունեց նրան սիրով և իւր լուման չխնայելով։

Բայց յանկարծ հոկտեմբերի սկզբին՝ էջմիածնից լուր հասաւ թէ՝ սարդարը գղջացել է, որ կաթողիկոսին թուլատրել է անցնել ոռւսաց սահմանը և այժմ մի հեծելագունդ է պատրաստում նրան իւր հետևորդներով յետ դարձնելու*):

Ճիշտ էր արդեօք այս լուրը թէ սարդարի կողմից մի խաղ էր՝ Եփրեմի շրջագայութիւնների առաջն առնելու և նրա ժամանումը ի Շուշի փութացնելու, — մենք չկարողացանք ստուգել։ Յամենայն դէպս՝ էջմիածնից եկած լուրը կաթողիկոսի վրայ սարսափ գործեց։ Եւ նա փութաց լեռնային և նեղ, բայց կարճ, ճանապարհով մտնել ոռւսաց սահմանը, ուր նա մուտք գործեց՝ առանց նախապէս ոռւսաց կառավարութեանը իմաց տւած լինելու։ Իսկ այդ բանը՝ նրան էժան չնստեց։

ՀՅ.

Եփրեմը գեռ ևս Տաթեռումն էր, որ Ղարաբաղի Մէհղի խանը գրեց նրան և խնդրեց, որ դէպի Շուշի առաջ չխաղայ, մինչև Երմօլովից թոյլաւութիւն ստացւին, եւ իւր այս կարգադրութեան մասին՝ խանը տեղեկացրեց Թիֆլիսի

*) Ամենայն Հայոց Կաթողիկ., հատ. Ա, եր. 188.

բարձրագոյն իշխանութեանը, կաթողիկոսն էլ զիմեց Ներսիսի միջնորդութեանը, որ Թիֆլիսի հայոց առաջնորդն էր:

Այդ միջոցում Երմօլովը Կովկասեան լեռնականների դէմ պատերազմ էր մղում կառավարչապետի պաշտօնավարութիւնը ժենեռալ Վելիմինովին թողնելով:

Ներսէսը յաջողեցաւ իրաւունք ստանալ, որպէս զի Եփրեմը գայ Շուշի համար այն պայմանաւ, սակայն, որ ոչ մի գործի ձեռնամուխ չինի, մինչև Երմօլովի կողմից կարգադրութիւն մնելն:

Նոյեմբերի վերջերին կաթողիկոսը իւր մեծ շքախմբով ժամանեց Շուշի և իջնանեց պ. Հայրումեանցի տանը: Եւ այստեղ սպասում էր Երմօլովի կարգադրութեանը:

Մինչդեռ նա, կաթողիկոսը, այս տարտամ, անորոշ զրութիւնում էր գտնուում Շուշիում,— այստեղ՝ էջմիածնում՝ Երևանի սարդարը միաբանութեանն էր նեղում, չարչարում՝ իբրև պատասխանատու կաթողիկոսի վախստեանը:

Այս մասին միաբանութեան կողմից հասած տրտունջներն ու թախանձանքները Եփրեմը հաղորդում էր Թիֆլիս Ներսիսին, բայց նա ինչ կարող էր անել առանց Երկրի իշխանութեան թոյտութեանը:

Բանն այստեղ հասաւ, որ Ներսէսը մինչև իսկ զարգարեց կաթողիկոսի թղթերին ուշադրութիւն դարձնելն՝ անպատճախանի թողնելով նրանց:

Ներսիսի այս վարմունքը մեծապէս վշտացը Եփրեմին, որ նրա դրութիւնը ըմբանելու անկարող լինելով կարծում էր, որ նա, Ներսէսը, անձնապէս խոռվել և երես է դարձրել իրանից:

Եփրեմը չէր կարող կամ չէր կամենում հասկանալ, որ նախ քան Երևանի սարդարի խորհրդով ոուսաց Երկրը մեկնելն՝ նա պարտաւոր էր գոնէ Ներսիսից խորհուրդ հարցնել:

Զ.

Վերջապէս 1822 թւականի սկզբներին Երմօլովը վերադարձաւ Թիֆլիս և անմիջապէս տեսնելով Ներսիսի հետ՝ բայտնեց նրան իւր սաստիկ անբաւականութիւնը կաթողիկոսի անսպասելի արարքի մասին:

Երմօլովը այն կարծիքի էր, որ Եփրեմին ոուսաց հողն անցնելն՝ պարսիկները կը համարեն իբրև Երմօլովի իրան սարքած բանը: Իսկ եթէ կաթողիկոսը շարունակէ մնալ Շուշիում և յետ չգառնալ էջմիածին,— զբանից թերեւ պատերազմ ծագի ոուսաց և պարսից մէջ՝ միանգամայն հակառակ կայսեր խաղաղապիրական քարքականութեանը:

— «Այսքան տարւայ աշխատանքս, — պարսից հետ հաշտ մնալու մասին՝ Եփրեմը իւր մի քայլովը ոչնչացրեց և այդ անհեռատես վարմունքի պատասխանատութիւնը ինձ վրայ է ծանրանում կայսեր առաջ»— զայրոյթով ասում էր Ներսիսին Երմօլովը և վճռաբար պահանջում, որ կա-

թողիկոսը անմիջապէս ոռւսաց սահմանից հեռաւ:

Ի զուր ներսէսը աշխատում էր համոզել ցոյց տալով Երմօլովին կաթողիկոսի յետ դառնալուց առաջանալի վտանգն թէ նրա անձի և թէ Աթոռի նըկատմամբ:

Երմօլովը իւր որոշման մէջ անփոփոխ մընաց: Նա, իբրև պետսկան անձն, ի հարկէ պետական շահն աչքի առաջ ունէր ամենից առաջ: Իսկ հայոց Մայր Աթոռին և նրա գահաժառանգին կը պաշտպանէր այնքան և այն ժամանակ, որքան և երբոր այդ պաշտպանութիւնիցն ևս պետութիւնը որևէ մերձաւոր կամ հեռաւոր օգուտ կարող էր ունենալ:

Ոռ այժմ մի այդպիսի օգտի ակնկալութիւն չունենալուց զատ՝ կառավարչապետը ընդհակառակը դեռ մնաս էլ էր տեսնում: Ուստի և պահանջելով պահանջում էր Եփրեմի յետ դառնալլ^{*)}:

Եւ այդ իմաստով Ներսիսին արած ազդարարութիւններովն ևս չբաւականանալով Երմօլովը ինքն իւր կողմից էլ մի նամակ գրեց կաթողիկոսին^{**:})

Պէտք է ասել, որ Երմօլովը առհասարակ իւր կարծիքներն ու զգացումները պատրւակել, կեղծել չգիտէր:

Նա շատ ուղղախօս մարդ էր: Դիւանագիտական կեղծ ու պատիր ձեւն նրան անժանօթ

էին: Եւ նա ամենքի հետ և ամեն տեղ վարւում և գործում էր անկեղծօրէն, անպատրւակօրէն:

Կովկասի այս կառավարչապետի ամբողջ գործունէութիւնը, նրա ամբողջ գրագրութիւնները՝ կենդանի ապացոյց են նրա այդ հոգեկան յատկութեանը:

Եփրեմ կաթողիկոսին ուղղած նամակն էլ՝ Երմօլովը իրան յատուկ պարզութեամբ էր գրել, պահանջելով, որ նա շուտով հեռանայ ուստաց հողից:

ԶԱ.

Եփրեմը Երմօլովի նամակին՝ մի ընդարձակ պատասխան գրեց, որի մէջ յայտնում է, որ «ժամանակի պատճառած բազմաթիւ գժբաղառութիւնները և չար գեպքերը» իրեն ստիպել են իւր «յոյսը դնել կայսեր գահոյից ողորմածութեան վրայ և գիմել Ղարաբաղում նորա բարերար հովանաւորութեանը, որպէս զի գալով ձեզ մօտ՝ ձեզ Աստուծոյ պարզեած իմաստութիւնից խորհուրդ ստանալի ինձ և էջմիածնի Աթոռը ապահովացնելու մասին»:

— «Բայց որովհետեւ, — շարունակում է Եփրեմը, — ուղիղ ճանապարհաւ ես յիի կարող պարսից աէրութիւնից առ այդ հրաման ստանալ, այդ պատճառաւ ստիպւած էի Ղարաբաղ զնալու պատրւակաւ արձակուիլ...»:

Եւ յետոյ խնդրում, աղաչում և պաղատում է Երմօլովին, որ իրեն թոյլ տայ Թիֆլիս գալու և անձամբ իրեն ներկայանալու: Իսկ եթէ դա

^{*)} ԱԿՏՅ, V. Եր. 450 № 603.

^{**) Նորնը, № 604.}

անկարելի է, —խնդրում է «Ներսէս արքեպիսկոպոսին ուղարկել ինձ մօտ, խորհրդակցելու համար, թէ իմ ձեզ մօտ գալու դիտաւորութեան վերաբերութեամբ և թէ այլ որևէ պատշաճաւոր տնօրինութեան մասին»:

Այս նամակը կաթողիկոսը ուղարկեց Սիմէօն եպիսկոպոսի հետ:

ՀԵՂՋ-ԸՆ
Սակայն ոչ նամակագրի աղաչանք պաղատանքը, ոչ էլ նամակատարի բանաւոր դիմումները չկարողացան երմօլովին շեղել իւր որոշումից: Ուստի նա՝ մարտ 24 թւակիր մի նոր նամակ գրեց Եփրեմին, ուր հերքելով նրա պատճառաբանութիւնները՝ աւելացնում էլ «քեզ համար չկայ մի ուրիշ անվտանգ և խելացի միջոց վայելուչ կերպով ազատելու այժմեան դժւարութիւններից, բացի այն, որ, հետեւելով իմ առաջւան տւած անկեղծ խորհրդին, առանց այլ ևս ժամանակ կորցնելու, վերադառնավ եցմիածին ձեր Աթոռը և այս ճանապարհաւ, հեռացնելով ձեզանից պարսից տէրութեան բոլոր կասկածները, գործին նախկին ընթացքը տաք*):


Կառավարչապետի այս նամակը վերջանում է մի նոր առաջարկութեամբ, —«Մինչև անգամ, —ասում է երմօլովը, —եթէ ձերդ վեհափառութիւնը, ըստ ձեր բարի կամաց, վճռէիր հրաժարվի պատրիարքական գործերը վարելու ծանր լուծը կրելուց, կամ այն պատճառաւ, որ Երևանի տեղական վարչութիւնը, չյարգելով ձեր

*) ԱԿՏԵ, V. եր. 450 № 604.

բարձր աստիճանը զանազան նեղութիւններով անպատճած է ձեզ, և կամ թէ զգայիք, որ զառամութեան և թոյլ առողջութեան պատճառաւ՝ ուժից ընկել էք, —յամենայն դէպս ոչ միայն քաղաքավարութիւնը, որ ամենայն տէրութիւններից սրբութեամբ յարգւում է, այլ և նոյն իսկ էջմիածնի վանքի շահերը, ըստ իմ կարծեաց, կը պահանջէին, որ ձերդ վեհափառութիւնը ձեռնամուխ լինէիք այդ գործին (կաթողիկոսութիւնից հրաժարւելուն), կամ, թէ կանխապէս վերադառնալով ձեր հօտին, ուր և էջմիածնի սըրբազան սիւնօդոսի հետ խորհրդակցելով, նշանակէիք ձեզ ժամանակաւոր յաջորդ ու պարսից տէրութիւնից համաձայնութիւն ստանայիք բոլոր գործերի վարչութիւնը նրան յանձնելու մասին»:

Այն ժամանակ ձեր հանգստութեան համար տեղ ընտրելն, եթէ մինչև անգամ այս երկրումը լինէր այդ վայրը, այլ ևս չէր կարող պարսից տէրութեանը կասկածների մէջ մտցնել և ուրեմն չէր վնասել երկու տէրութեանց բարի յարաբերութեանը:

«Գալով ներսէս արքեպիսկոպոսի Ղարաբաղ գալու թոյլտութեանը, պատիւ ունիմ ծանուցանել ձերդ վեհափառութեան, որ ձեր այս ցանկութեան մասին՝ ես պաշտօնական թղթով հաղորդեցի Նորին Երբագնութեանը: Եւ որովհետեւ ես ինձ իրաւունք չեմ համարում ոչ էլ ստիպելու նրան, այդ պատճառաւ ալդ բանը թոյլ եմ



տւած իւր սեպհական կամքին, նկատելով միայն՝
որ նրա կողմից քաղաքավարութիւնը և նոյն իսկ
իւր պարտաւորութիւնները պահանջում են, որ
յարգէ ձերդ վեհափառութեան կամքը»:

ԶԲ.

Կարծում ենք, որ ընթերցողի համար դըժ-
ւար չէ երմօլովի առաջարկութեան նպատակը
ըմբռնելն:

Երմօլովը Եփրեմին ճանաչում էր թէ ան-
ձամբ, երբ 1817-ին դեսպանութեամբ Թէհրան
գնալիս՝ մի ամբողջ օր Էջմիածնում անցկացրեց,
և թէ նրա զործերից: Կառավարչապետը համոզ-
ւած էր, որ Եփրեմը անընդունակ է որևէ օգուտ
բերելու կառավարութեանը կամ թէկուզ էջ-
միածնին,—ուստի նա բարոք համարեց Եփրե-
մին հրաժարացնել կաթողիկոսութիւնից՝ վանքի
կառավարութեան ղեկը մի ընդունակ, զործու-
նեայ եպիսկոպոսի յանձնելով:

Եւ որովհետև Երմօլովը ոչ իրաւունք ունէր,
ոչ էլ անտակտութիւն ուղղակի առաջարկելու
կաթողիկոսին, որ հրաժարւի, ուստի իւր նամա-
կով նա նրան միայն թելադրեց, որ հրաժարւի:
Մի և նորն ժամանակ դաս տւեց թէ՝ իւր հրա-
ժարականը ինչպէս պատճառաբանէ:

Այդ պատճառների մէջ կան կէտեր, որոնք
ժամանակին Երմօլովի ձեռքին պատրւակ և կամ
առիթ կը լինէին սարդարին և առհասարակ պար-
սիկ կառավարութեանը մեղադրելու:

Միւս կողմից՝ կաթողիկոսի հրաժարեցուց-

մամբ՝ Երմօլովը պարսիկ կառավարութեանը հա-
ւաստիացրած կլինէր իւր ի որտէ բարեկամու-
թեան մէջ իբր: Եւ նրա կասկածները՝ միանգա-
մայն փարատած:

Եւելորդ է ասելն, որ Երմօլովը Եփրեմի
մասին իւր արած կարգադրութիւնները, նրան
ուղղած իւր նամակները՝ անմիջապէս զեկուցա-
նում էր կայսրին: Կայսրն էլ միանգամայն հա-
ւանում և հաստատում էր կառավարչապետի ա-
րածներն^{*)}:

Վերեւում տեսանք, որ Երմօլովը յանձն էր
առնում Եփրեմին,—երբ սա կաթողիկոսութիւ-
նից հրաժարւի,—բնակութեան տեղ տալ ոռուսաց
հողում, իբրև մի սոսկ վարդապետի, մի հիւրի:
Այդ առթիւ էլ՝ ահա ինչ հրահանգ էին տալիս
Երմօլովին Պետերբուրգից:

«Նորին Մեծութիւնը հաւատացած է, որ
դուք ամեն շանք գործ կդնէք, որ պարսից տէ-
րութիւնը չկարողանայ մինչև անգամ մտածել,
իբր թէ պատրիարքի տեղափոխութիւնը մեր թե-
լադրութեամբ է եղած և կամ թէ մեր կողմից
որևէ քաղաքականութիւն է գործ դրւած այն-
տեղ, ուր խնդիրը միայն ծերունու խնդրած և
յանուն հիւրասիրութեան ապաստանարանի մա-
սին է^{**}):

ԶԲ.

Իւր որոշումների առթիւ կայսեր համու-

^{*)} Ակտե, V. № 602.

^{**) Նոյնը № 695.}

թիւնն առնելուց յետոյ՝ Երմօլովը, որ իւր նախորդների փայփայիչ և շոյիչ քաղաքականութեամբ՝ մի ձեռքով Շաքիի, Շիրվանի և Ղարաբաղի խանութիւններն էր ջնջում, միւս ձեռքով Վրաստանի, Գուրիայի և Իմերեթի թագակիրներին և իշխանազուններին նեղը լծում, — Երմօլովի համար ասում եմ, — դժւար չէր հայոց կաթողիկոսին, այն ևս Եփրեմի նման կաթողիկոսին, գահավէժ առնել մի կողմ շպոտել:

Ուստի նա, Երմօլովը ներսիսին գրաւոր պատւէր տալով Շուշի գնալուն նրանից պահանջեց կամ Եփրեմի վերադարձը Էջմիածին, կամ նրա հրաժարագիրը կաթողիկոսութիւնից:

1822 թիւ մայիսի սկզբներին ներսէը թիֆլիսից մեկնեցաւ Շուշի՝ ուղեկցութեամբ իւր մտերիմ Անտօն արքեպիսկոպոսի և Յովհաննէս վարդապետի, որոց Եփրեմը Շուշուց հրաւիրակ էր ուղարկել նրան, ներսիսին.

«Երքայտվայել իմն մեծափառութեամբ» ներսէը հազիւ Ղարաբաղի մայրաքաղաքն էր ժամանել, երբ ստացաւ ժեներալ Վելիսամինովից մի նամակ, որով նա՝ յանուն Երմօլովի յայտնում էր, «որ սուսաց տէրութիւնը այլ ևս չէ կարող պահել նրան (Եփրեմին) իւր սահմաններում պատրիարքական կոչմամբ, այլ կարող է ճանաչել նորան լոկ իրք սոսկական վարդապետի և այս աստիճանին վայելուչ յարգանքը տալով, թոյլ կուտայ նրան բնակւիլ, ուր և կը կա-

մենայշ*):

ԶԵ.

Ի կատարումն Կովկասեան իշխանութեան այս խիստ պահանջման՝ Եփրեմը՝ 1822 թւականի յունիսի 20-ին՝ տւեց հրաժարականը մի կողմակով յանուն իւր հետ եղած արքեպիսկոպոսների և վարդապետների*):

Կոնդակի գրովը կամ թելադրողը անշուշտ Ներսէս արքեպիսկոպոսն էր, որ ստիպւած լինելով թէ Երմօլովի կամքը կատարել և թէ, մի և նոյն ժամանակ, հայ եկեղեցւոյ կանոնը, — կաթողիկոսի ցմահ ընտրւած լինելն, — չխախտել, հրաժարագիրը այնպէս կարկատեց իրք թէ՝ կաթողիկոսը հրաժարւում է «ազատական ընտրուեամբ և իննայօժար, անբռնաբար կամօ»։ Թէ՝ հրաժարւելու պատճառը՝ կաթողիկոսի անձնական տկարութիւնը և յատկապէս ծերութիւնն է (Եփրեմը այդ ժամանակ 72 տարեկան էր)։ Սրանից առաջ էլ՝ Եփրեմը քանի քանիցս անգամ թէ բանաւոր և թէ գրաւոր հրաժարական տւած է եղել իրք թէ եայն։

Այս կարկատաններն արգելք չեղան, սակայն, որ մի քանի տարուց յետոյ Եփրեմը նուրից հայրապետական գահի վրայ նստի, ինչպէս իւր տեղում կտեսնենք։

ԶԵ.

Եփրեմը իւր հրաժարականը վերջացնում էր առաջարկելով իւր մօտ գտնւող հոգևորա-

*) Ակտы, V, № 606.

**) Ակտы, V, 453.

կաններին, որպէս զի նրանք էջմիածնի միաբանութեան և ազգի աշխարհականների հետ՝ մի ուրիշ անձն յատկացուցանեն ի բառնալ զինզու պաշտօնի և կոչւանս կարուղիկոսութեան և պատրիարքութեան ամենայն հայոց»:

Աւելացնում էր նաև, որ իւր հրաժարւելը փութով կյայտնէ նա և «իւրոյ կայսերական մեծութեան ամենայն ոռւսաց, ևս և թագաժառնոգի թագաւորութեանն պարսից և ամենայն հասարակութեան հոգեորականաց և մարմնաւորականաց հայոց, որք ի Ռուսաստան ևորիս Պոլիս և յամենայն սահմանս զանազան իշխանութեանց գտանին տարածեալից»:

Ամեն ինչ այսպէս ձեռաց, թղթի վրայ վրձուելով՝ Եփրեմը իւր հետ եղած հոգեորականների ուղեկցութեամբ՝ զուշից մեկնեցաւ Գանձակ գնալու համար:

Այդ մասին Ներսէսը վաղօրօք իմացրել էր Վելիամինովին՝ որին ուղարկել էր, մի և նոյն ժամանակ, Եփրեմի հրաժարականի պատճէնը:

Սակայն Եփրեմը Մելիք Յովսէփ Փըիդոնեանին պատկանեալ Գիւլստան գիւղը հասնելով ստիպւած եղաւ այլ ևս տռաջ լշարժւել:

Վասն զի արդաեղ Ներսէսը Վելիամինովից մի նոր նամակ ստացաւ, որով ժեներալը առաջարկում էր առ ժամանակ մի Շուշիում մնալ, մինչև որ ինքը Երմոլովից հրահանդ կստանալ հրաժարւած կաթողիկոսի բնակելու տեղի մասին*):

*.) Ակտы. V, եր. 452, № 608.

Բայց այս պատճառը՝ միակը չէր Եփրեմի ճանապարհորդութիւնը խափանելուն:

Վելիամինովը տակաւին չունէր իւր ձեռին Եփրեմի հրաժարականը յանուն կայսեր:

Ներսէսը, ինչպէս տեսանք, ոռւս ժեներալին, ուղարկել էր Եփրեմի այն հրաժարականի պատճէնը, որ ուղղած էր Կալիսկոպոսների հասցէին, իսկ կայսեր անւան ուղարկելի հրաժարականը Ներսէսը խոստանում էր շուտով պատրաստել տալ և ուղարկել:

Արդ՝ Վելիամինովը թերեւս կասկածելով, որ Ներսէսի խոստումը չիրականանայ՝ գրեց որ Կաթողիկոսը Շուշիում մնայ:

ԶԶ.

Վելիամինովի գրութեան պատճառաւ, չկարողանալով առաջ գնալ դէպի Գանձակ՝ Եփրեմը չէր էլ կարող յետ դառնալ դէպի շուշի:

Ուստի անձարացած նա հէնց Գիւլստան գիւղում գրեց իր հրաժարականը (1822 թ. յուլիսի 30-ին) կայսեր և պարսից գահաժառանգի անունով և ուղարկեց Վելիամինովին*):

Ստանալով այս հրաժարականը, Վելիամինովը Երմօլովի անունով հաղորդեց իսկոյն Ներսէսին, որ հրաժարւած կաթողիկոսին թուլատրւում է Գանձակ գնալ, սակայն այն պայմանով, որ հետը շատ ուղեկիցներ չունենայ:— Որովհետեւ Եփրեմը հրաժարւելով կաթողիկոսու-

*.) Ակտы. V, եր. 453.

թիւնից, բնականաբար հրաժարւում է և շքախումը ունենալուց։ Այսուհետև նա բաւականանալու է, իբրև սոսկ վարդապետ, իրան հետ մի երկու սպասաւորներ ևեթ պահելու, — զըռում էր Վելիամինովը*):

Ներսէսը նրան պատասխանեց, որ Եփրեմը չէ ուզում որ և է քաղաքում ապրիլ։ Այլ նա իւր մշտական բնականութեան համար Հաղբատի վանքն է ընտրել Թիֆլիզի մօս։

Երմօլովը միանգամայն հաւանեց այդ մըտքին, որը, ի դէպ, առաջին անգամ ինչն էր յայտնել, Վելիամովի յայտարարութիւններից մէկի վրայ դրած մակարական որոշմամբ**):

Սյապէս ահա 1822 թւականի աշնանը՝ Եփրեմը ստիռած եղաւ քաշւել, մեկուսանալ Հաղբատի կիսաւեր վանքը, որտեղ Ներսէսը ձեռաց մի երկու, աշնուք խուցեր պատրաստել տալով և վանքի բայքայւած պարիսպը նորոգելով, ինքը անցաւ գնաց Թիֆլիզ իւր գործին։

Հաղբատում մնացին Եփրեմը, նրա կոնդակագիր եպիսկոպոսը և մի երկու ծառայ։ Միւս եպիսկոպոսներին և վարդապետներին Ներսէսը իրանից առաջ Հաղբատից հեռացրել էր արդէն։
Զէ.

Հաղբատում Եփրեմը շարունակ զբաղւած էր... կոնդակներ զրելով, որոց տակ միշտ ստո-

*.) ԱԿՏԵ, V. Եր 454, № 611.

**) Նոյնը, Եր, 453, № 609.

րագրում էր «կարողիկոս ամենայն հայոց»։

Եթէ կոնդակը մօտիկ տեղ էր ուղարկւում, ուր մարդիկ կարող էին կաթողիկոսի հետ պատահած անցքերին տեղեակ լինել՝ կոնդակի գըրւած տեղ՝ ցոյց էր տրում Հաղբատը կամ Շուշին։ Իսկ եթէ հեռաւոր տեղեր, օրինակ Թոխատ, Բասրա և այլն՝ այն ժամանակ կոնդակը գրւած էր լինում իբրև թէ էջմիածնից։

Կոնդակների մէջ յաճախ շեշտուում էր թէ՝ «զոր էնչ ի դիմաց մեր յաղագս աթոռային տալեաց և առնելեաց զրել ունեցի քեզ Ներսէս արքեպիսկոպոս հաւատարիմն մեր, իբրև իսկական ի մէջն գրեալ ընկալիցից ահտարակոյն»։

Շեշտուում էր թէ՝ Ներսիսի գրւածներն պէտք է ընդունել «իրեն զիր սեպհական անձին իմոյ և սուրբ ժողովոյ մերում»*):

Ներսէս Աշտարակեցւոյն այս տեսակ կարթ—պլաններ (արտօնութիւն) տալովն ևս չբաւականացած՝ Եփրեմը ինքն ևս կարգադրութիւններ էր անում։

Ի՞նչ և որո՞նք էին այդ կարգադրութիւնները։

Նւիրակների հաշիւներն էր տեսնում, նւիրակներին փոխում, մեռածների գոյքերն ստանում, փոխանագիրներ քաշում, դանձանակադրամ և նւիրագրամ ժողովում, այս և այն «բարեպաշտի» վրայ եղած, կամ խոստացած ապառիկներն պահանջում, ստանում, իրան հինու նոր ծանօթներին, իրան շողոքորթողներին ըն-

*.) Եփրեմի ձեռագիր կոնդակներից։

ծայ տալու համար՝ ժամացոյցներ և այլ առարկաներ ապսպրում,—մի խօսքով Եփրեմը Հաղբատի մենաստանը գրեթէ մի առևտրական գըրասենեակի էր վերածել*):

Նրա ձեռքերը անդադար փողի հետ էին խաղում, նրա ուշն ու ուրուշը՝ դրամական հաշվաներումն էին դեգերում միշտ:

Այստեղ պէտք է յայտնենք ընթերցողին, որ Շուշում եղբարք Թառումեաններից Եփրեմը ըստացած էր նաև այն 4000 ոսկին, որի համար տակաւին էջմիածնից մուրհակ էր ուղարկել իւր և սինօդականաց ստորագրութեամբ:

Եւ թէպէտ այդ 4000 ոսկին Թառումեանք սկզբում իրեւ փոխարինութիւն տվին կաթողիկոսին, սակայն Մարկոս Թառումեանը իւր մահամերձ հիւանդութեան միջոցին՝ կաթուղիկոսի մուրհակը մի սկուտեղի վրայ դրած՝ իրեւ նւէր յետ ուղարկեց նրան:

ԶԲ.

Եփրեմը իւր հաւաքած այս մեծ ու փոքր գումարները էջմիածին չէր ուղարկում ի հատուցումն իւր պարտքերին, կամ գոնէ մասամբ ի սնունդ միաբանութեանը. ոչ էլ ինքն էր օգտագում այդ գումարներով:

Եւ ինչ բանի վրայ գործածէր:

Նա ինքը շատ սակաւապէտ անձն էր:

Նրան հարկաւոր էր միմիայն մնունդ, որ

*) Եփրեմի ձեռագիր կոնդակներից.

մատակարարում էին Թիֆլիսից Ներսէսը և տեղւոյն ազգայինները:

Վերջիններիս արգելած էր Հաղբատ գնալի տես և այցելութիւն իրանց «հոգեոր տիրոջ», ուստի նրանք գէթ իրանց առատաձեռն նւէրներով, զիսաւորապէս ուտելիքներով և խմելիքներով, շտապում էին միխթարել քաղաքական հաշվաներին գոհ գնացած իրանց ծերունի ու անձար հայրապետին*):

— Ուրեմն Եփրեմի հաւաքած փողերն, գոնէ նրանց մեծագոյն մասը, ուր էին գնում:

— Ներսէս արքեպիսկոպոսի մօտ, որ Եփրեմի «ամենաջերմեռանդ աջակիցն» էր: Կամ աւելի ճիշտը՝ բացարձակ կաթողիկոսութիւն էր անում:

Ներսիսի և նրա բազմագան գործունէութեան մասին իւր տեղում կը խօսուի, այստեղ պէտք է յայտնենք մեր ընթերցողներին, որ Ներսէսը իւր ձեռքն անցած մեծ և փոքր գումարներն առնասարակ գործադրում էր ազգային եկեղեցական գործերի վրայ և Եփրեմի պարտքերն էր վճարում**), թէպէտև նա էլ քիչ գումար չէ ծախսել յանապէտս և յումպէտս:

ԶԹ.

Եփրեմի կաթողիկոսութիւնից հրաժարուելն՝ բայց, մի և նոյն ժամանակ, իրեւ կաթողիկոս՝ աթոռային ամենատեսակ տուրքերն, նւէրներն

*) Եփրեմի ձեռագիր կոնդակներից.

**) ԱԿՏՅ, V. էր. 456.

իւր մօտ գանձելն՝ շատ նեղը լծեց էջմիածնի միաբանութեանը:

Վերջինս անդադար դիմում էր Եփրեմին և խնդրում, աղաչում որ կամ վերադառնայ գանքը և կամ իւր թողած պարտքերի հատուցման մասին՝ որ և է տնօրինութիւն անելով իրանց ազատէ պարտատէրների ձեռքից*):

Սակայն միաբանութեան թախանձանքներն միանգամայն ապարդիւն էին անցնում:

Միաբանութիւնից ոչ պակաս Երևանի Սարդարի համար էլ զգալի էր Եփրեմի բացակայութիւնը Մայր Աթոռից:

Զգալի էր այն պատճառաւ, որ նախ՝ նրա անձնական արդիւնքի աղբիւրն ևս ցամաքել էր. և երկրորդ, որ ամենազլխաւորն էր, քաղաքական տեսակէտով՝ պարսիկ կառավարութեան համար նւաստացուցիչ, կասկածելի. նոյն իսկ վտանգաւոր էր կաթողիկոսին ոռւսաց հողում գտնելը: Այն ևս՝ Ներսէս արքեպիսկոպոսի նըման մի մարդու անմիջական և զօրեղ աղդեցութեան տակ գտնւելն:

Իսկ թէ՝ Ներսէսը ոռւսաց քաղաքական շահերին նւիրւած անձն էր, — այդ ոչ ոքի համար, ևս առաւել պարսիկ կառավարութեան համար, գաղանիք չէր:

Ուստի և այդ կառավարութիւնը ուզում էր անշուշտ Եփրեմին վերադառնել էջմիածին:

Ելդ նպատակաւ էլ Երևանի Սարդարը գլ-

*.) Ակտы, V. Եր., 456.

րեց Երմօլովին, որ եթէ Եփրեմը չվերադառնայ, էջմիածնի միաբանութիւնը և պարսկահայերը ստիպւած կը լիսեն իրանց համար նոր կաթողիկոս ընտրել տալու*):

Երմօլովը փութաց պատասխանել Սարդարին, որ էջմիածնի կաթողիկոսին ընտրում են ոչ միայն պարսկահայերը, այլ և ամեն Երկիրների հայերը և թէ՝ կաթողիկոսի հաստատութիւնը կախւած է, ի թիւս այսոց, նա և ոռւսաց կայսրից, թէ՝ Եփրեմը, իբրև օծեալ կաթողիկոս, անփոփոխելի է**):

Անշուշտ ընթերցողը կը հարցնէ՝ չէ՞ որ Եփրեմը ոռւսաց կայսեր, պարսից գահաժառանգին և զուշիում իւր մօտ եղած արքեպիսկոպոսներին տւած հրաժարականներումը՝ գրականօրէն առաջարկում էր իրան յաջորդացու ընտրել:

Արդ՝ ինչո՞ւ այդ ընտրութիւնը տեղի չունեցաւ: Պատճառն ինչ է:

—Ահա ինչ:

Դ.

Ներսէս արքեպիսկոպոսի համար անկարելի էր նոր կաթուղիկոսի ընտրութեան հարցը բարձրացնել, որովհետեւ նա գիտէր հայ Եկեղեցւոյ այն կանոնը, որով հայրապետը ընտրում և օծւում է ցմահ: Եւ եթէ նա իսքը Եփրեմի հրաժարականների մէջ գրել տւեց, *որ ազգը թող մի այլ կաթողիկոս ընտրէ, — նա այդ արած էր Երմօլո-

*) Ակտы, V. Եր., 457.

**) Նոյնը, № 618.

Վի բարկութիւնը իջեցնելու, նրա կամքը կատարած լինելու համար։ Հակառակ դէպքում, այսինքն՝ եթէ Եփրեմը չհաժարւէր, նա անշուշտ պարտաւոր էր յետ դառնալ էջմիածին։ Իսկ վերադարձը ոչ Եփրեմն էր ուզում, ոչ Էլ Ներսէսը կամենում։

Թէ, արդարև, Ներսէսը Եփրեմին հրաժարած չէր համարում, — նա այդ չթագցրեց վերջերում և Երմօլովից, երբ սրան հաղորդում էր ի պաշտօնէ այն խօսակցութեանը, որ Ֆեթալիսան պարսից դեսպանի հետ ունեցաւ Թիֆլիզում*):

Ահա թէ ինչի Ներսէսը չէր կարող նոր կաթուղիկոս ընտրելու հարց բարձրացնել։

Միւս կողմից՝ հարկ էլ չկար մի այդպիսի հարց զարթեցնելու, քանի որ արդէն ինքը Ներսէսը անում էր կաթողիկոսութիւնը...»։

ԴԱ.

Երմօլովի համար էլ հարկ չկար նոր կաթողիկոսի ընտրութեան հարցը բարձրացնելու, կամ բարձրացնել տալու։

Վասն զի նա շատ լաւ տեսնում էր, որ ընարուած կաթողիկոսը չէ կարող ոուսաց թեկնածուն լինի։

Իսկ եթէ հարկը ստիպեց անպատճառ ոուսաց թեկնածուին անցկացնել. — հարկ կը լինի նորից ճնշում, նորից բոնութիւն գործ դնել ինչպէս հայերի — նոյնպէս և պարսիկ կառավա-

*) Ակտե, V. Եր. 455, ևս և Եր. 457, № № 618, 619.

ըութեան վրայ. — Իսկ այս բանը՝ միանգամայն հակառակ էր ոուս կառավարութեան այն ժամանակաւայ քաղաքականութեանը։

Նորանոր «Դաւիթ Դանիէլեան» շփոթներ առաջ բերել տալն՝ այն ժամանակ բնաւ ձեռնատու չէր,

Ահա թէ ինչ պատճառաւ՝ ոուս կառավարութիւնը Եփրեմի պաշտօնական հրաժարականը իւր ձեռին ունենալով շարունակում էր անպաշտօն կերպով նրան կաթուղիկոս ճանաչել դարձեալ։

Անշուշտ այդ քաղաքական հաշւի օգտին էր, որ Երմօլովը, կամ արտաքին գործոց նախարարը՝ չհասցըին ըստ պատկանելոյն՝ Եփրեմի այն հրաժարականներն, որոնք նա Գիւլստանից ուղղած էր յանուն պարսից գահաժառանգի և Կ. Պօլսոյ հայոց պատրիարքին և ժողովրդին։

Միւս կողմից՝ Երմօլովը շատ լաւ տեսնում էր, որ առանց կաթողիկոս կոչւելու՝ արդէն կաթողիկոսութիւն է անում Ներսէս արքեպիսկոպոսը, որին ամբողջ հայ ազգը ճանաչում է և սիրում է, որ Եփրեմի նման կամազուրկ, միխեղճ ու մոլոր անձն չէ, այլ ունի խելք, ընդունակութիւն, ճարպիկութիւն և որ քաղաքականութեան համար ամենաանհրաժեշտ բանն էր՝ Ներսէսը ունէր չերմ հայրենասիրուրին, պարսիկների ձեռից իւր հայրենիցը ազատելու աննկուն փափագ ու ցանկուրիւն։

Արդ՝ Ներսէս Մշտարակցու այս սբբազան

յատկութիւնները՝ ամենացանկալի առիթներ էին ընծայում ամեն մի սրբութիւն հարստահարող, ամեն մի վսեմութիւն շահագործող քաղաքականութեան համար:

ՂԲ.

Երբ պարսիկ կառավարութիւնը համոզւեց, որ իրան հաւատարմութեան երդում տւող Եփրեմը այլևս չի հեռանալ ոռւսաց հողից, — կամեցաւ նրան փայսցնել բռնութեամբ էջմիածին վերադարձնելու նպատակով*):

Սակայն Երմօլովի ձեռք առած զգուշութիւնները չաղբատի վանքի շրջակալիքում՝ պարսից այդ նպատակը ևս ի դերև հանեցին**):

Երմօլովը մինչև անգամ բացարձակ գրեց թէ Աբբաս Միրզին և թէ Երևանի սարդարին, որ ինքը չի թող տալ Եփրեմին վերադառնալ, մինչև որ էջմիածնի վանքը իւր միաբանութիւնով և իւր կալուածներով գուրս չը դայ սարդարի իրաւասութիւնից և կախումն ունենայ միմիայն գահաժառանգից***):

Այս միտքը Երմօլովին թելադրում էր Ներսէս արքեպիսկոպոսը:

Յանձին Եփրեմի հասած վիրաւորանքի՝ Երմօլովը վիրաւորւած էր համարում նրան հաստատող թագաւոր կայսեր պատիւը:

Հնթերցողը պիտի գիտենայ, որ Եփրեմը

*) Ակտы, V. Եր. 456.

**) Ակտы, V. № 616.

***) Նոյնը, №№ 620 և 622.

էջմիածնից դուրս գալուց առաջ՝ մի օր Երևան էր գնացել մի պարսկական տօն շնորհաւորելու սարդարին:

Կաթողիկոսը իւր կուրծքը զարդարել էր միմիայն ոռւսական չքանչանով: Սարդարը զայրացած՝ ասել էր Եփրեմին. «Եթէ միւս անգամ այդ չքանչաններով ինձ ներկայանաս, — կը կարգադրեմ որ հէնց այդ ժապաւէնով քեզ իւեղեն»:

Այս լուրը, իւր ժամանակին, Ներսէսը հասցըել էր Երմօլովի ականջին*): Այժմ Երբ առիթըն եկաւ, Երմօլովը սարդարի էլ, Աբբաս Միրզի էլ Երեսովը տուեց:

Երկնչելով Երմօլովի խիստ լեզուից, չկամենալով Եփրեմի պատճառով իւր յարաբերութիւնը նրա, Երմօլովի, հետ լարելու, — Աբբաս Միրզան 1825 թուականի մայիսին մի շատ փաղաքշական և ողորմած ֆերման ուղարկեց, որի մէջ չայոց կաթողիկոսին յուսագրում էր իւր պաշտպանութեան և անսահման ողորմածութեան մէջ:

Սակայն Ներսէսը և Երմօլովը այդ ֆերմանին ևս նշանակութիւն չտուին:

Նրանց համար կաթողիկոսական գահի ապահովութիւնը, արքարե, ունէր նշանակութիւն: Բայց աւելի նշանակութիւն ունէր այն տեսակէտով՝ թէ որ աստիճան կարելի է օգտուել այդ հարցով էջմիածնը և նրա շրջակայ գաւառները պարսիկներից ի բաց կորզելու համար:

Քաղաքական գէպերը իրականացրին այդ նպատակի իրականացումը.

*) Ակտы, V. № 606.

ԴԴ.

Յայտնի է, որ 1825 թուականի նոյեմբերի 18-ին Աղէքսանդր Ա. կայսրը վախճանուեց անգաւակ: — Հանգուցեալի եղբայր Կոստանդնի հըրաժարմամբ՝ գահ բարձրացաւ նրա կրտսեր եղբայրը՝ Նիկոլայ Պաւլովիչը, որի դէմ ապստամբութիւն ծագեց, որին մասնակցում էին թիկնապահ զօրքի մի քանի գնդերն:

Ոռւսաց պատմութեան մէջ այդ ապստամբները յայտնի են «գեկաբրիստներ» անունով, որովհետև ապստամբութիւնը ծագեց գեկտեմբեր ամսի 14-ին:

Թէն Նիկոլայ Պաւլովիչը զինու զօրութեամբ ձեռաց ընկճեց այդ ապստամբութիւնը, սակայն նրա համբաւը՝ չափազանցութեամբ և արագութեամբ տարածուեց ամեն տեղ, մինչև իսկ Պարուկաստան:

Աբբաս Միրզան շունչ ու հոգի առաւ: Պարսից գահաժառանգը մեծայոյս էր, որ շուտով Ռուսաստանում ներքին, եղբայրասպան պատերազմ կը ծագի, որի պատճառով ոռւս զօրքերը հարկադրուած կը լինեն թողնել կովկասը և քաշուել Ռուսաստան: Դա ամենայարմար առիթ կը լինի Աբբաս Միրզի համար՝ իւր զօրքը առաջ մղել և ոռւսների պարսիկներից խլած երկիրները յետ ստանալ:

Աբբաս Միրզի այս ծրագիրը, ինչպէս և պէտք էր սպասել, հաւանութիւն գտաւ պարսից ժողովրդի մէջ, որի հոգեորականները աշկարայ

գրգռում էին իրանց ազգակիցներին ոռւսաց դէմ:

Հնթերցողը պէտք է գիտենայ, որ մինչև այդ ժամանակ ոռւսաց և պարսից երկիրների նոր սահմանը՝ տակաւին վերջնականապէս որոշուած չը լինելով, այդ առթիւ դեռ շարունակում էին բանակցութիւնները երկու տէրութիւնների մէջ:

Եյդ բանը ձեռին լաւ առիթ բռնած՝ Աբբաս Միրզան մի կողմից իւր զօրքերը կամաց-կամաց ոռւսաց սահմանագլխին էր մօտեցնում, միւս կողմից թիֆլիզ գեսպաններ էր ուղարկում սահմանի խնդիրը լուծելու պատրուակով, — իսկապէս լրտեսելու և ներքին Ռուսաստանի դրութեան մասին՝ ճիշտ տեղեկութիւններ հաւաքելու համար*):

ՃՃ.

Մինչ այս մինչ այն՝ 1826 թուի փետրուարին Պերբուրգից դէպի Պարուկաստան ճանապարհ ընկաւ իշխան Մենչչիկովը, որ Նիկողայոս կայսեր ինքնածեռագիր նամակները տանում էր՝ Շահին և Աբբաս Միրզին, որոց մէջ իւր գահ բարձրանալը յայտնելով ոռւսաց կայսրը ցանկութիւն էր յայտնում խաղաղութիւնը հաստատուելու: Մենչչիկովին իրաւունք էր տրուած՝ սահմանի վերաբերեալ հարցը տեղն ու տեղը լուծելու և վճռելու, նոյնիսկ յայտնի զիջողու-

* Ամենայն հայոց կաթող. Ա. եր. 229—232.

թեամբ՝ Թալիշի խանութեան մի մասը Պարսկաստանին վերադարձնելով։

Բայց Մենչիկովը հէնց որ իւր ոտքը Պարսկաստան դրաւ՝ այնպիսի իրարանցումի, ժողովրդի այնպիսի ոգևորութեան, զօրքի այնպիսի զինաւորման ու շարժումների հանդիպեց, այնպիսի ատելութեան ցոյցեր տեսաւ դէպի ոռւսները, որոնք պարզ ապացուցանում էին իւր միսսիայի ապարդիւնութիւնը։

Դրանում կատարելապէս համոզուեց ոռւսիշխանը՝ նա մանաւանդ Շահին ներկայանալիս։

Շահը ոչ միայն սառը կերպով ընդունեց Մենչիկովին, այլ և Նիկողայոս կայսեր նամակը, — ընդունուած սովորութեան հակառակ — փոխանակ իւր ձեռքով ընդունելու, առաջարկեց դեսպանին մօտի եղած բարձի վրայ դնելու։

Մենչիկովը ունայնածեռն յետ դարձաւ դէպի Ռուսաստան։

Բայց... Երևանում նրան արգելեցին առաջ դնալու։ Եւ ոռւսական դեսպանը, հակառակ միջազգային օրէնքի, ստիպուեց մի ամսից աւելի պատուաւոր բանտարկելութեան մէջ մնալ, մինչև որ, ուր ուրեմն, Թաւրիզի անդիմական դեսպանի միջամտութեամբ կարողացաւ ազատուել։

Դեռ Մենչիկովը ոռւսաց սահմանը չէր մտած, որ պատերազմն արդէն սկսուած էր։
Ղե.

1826 թուի յուլիսի 16-ին պարսից մեծաքանակ բանակը՝ յանկարծակի թափուեց Փամ-

բալի և Շորագեալի սահմանապահ և սակաւաթիւ ոռւսական վաշտերի վրայ և անողորմաբար սկսեց ջարդել նրանց։

Եւ որովհետեւ այդ վաշտերը զետեղուած էին, ամենամեծ մասամբ, հայկական գիւղերում, — ոռւսական զինուորների հետ, հայերը ևս տղամարդիկ և կանայք, մեծերը և փոքրերը, քաջութեամբ դիմադրելուց յետոյ, վերջի վերջոյ, ընկնում, սրախողիսող էին լինում պարսիկներից։

Այսպէս Փամբակի և Շորագեալի բաղմաթիւ, ծաղկած հայկական գիւղերը մի քանի օրում անմարդաբնակ աւերակների վերածուեցան, որոնց թշուառ ընակիչների դիակների կոյտերը դէզ առ դէզ լցուած էին ամեն տեղ։

Թէ ոռւսական վաշտերի զինուորներից և թէ հայ գիւղացիներից կենդանի մնացած սակաւաթիւ անձինք՝ մազապուրծ Լօռուայ կողմերը ապաւինելով՝ Զալալօղի և Գարգառ գիւղերի միջ հաւաքուեցան ոգի ի բոին։

Փամբակի և Շորագեալի զլիին այս զուլումը բերողը՝ Հասան խանն էր — Երևանի սարդարի եղբայրը։

Հասան խանի հետ միաժամանակ պարսկական մի այլ բանակ էլ (60 հազար հոգի) Ղարաբաղ մտաւ Աբբաս Միրզայի իրան առաջնորդութեամբ։ Աւելորդ է ասելը, որ Ղարաբաղի տեղական թուրքերը անհամբերութեամբ սպառում էին իրանի գահաժառանգին։

Արբաս Միրզի առաջ խաղալը տեսնելով՝
ուսւ սահմանապահ գնդերը յետ քաշուեցին դէ-
պի Շուշի: Բայց պարսիկները հասնում էին ե-
տեներիցը և անխնայ կոտորում:

Պարսից կատաղութեան մասին մի գաղա-
փար կազմելու համար՝ բաւական է յիշել, որ
Սխղարշչայ գետակի մօտ՝ մի ուսական գունդ,
որ բաղկացած էր 1000 զինուորներից և 21
սպաներից, ամբողջապէս կոտորուեց:

Հայերի տներում և նրանց միջոցով թագ
կենալով ամբողջ գնդից ազատուեցան միմիայն
6 զինուոր և 2 սպայ*)

Գալով հայերին, — պարսիկները նրանց Տա-
թեկի հոչակաւոր վանքը աւերեցին և վանահայր
արքեպիսկոպոսին, — որ Ներսիսի սիրելին էր,
գերի տարան՝ շատ հայերի հետ միասին Թաւ-
րիդ, ուր նա յանկարծամահ եղաւ:

Թշնամու ձեռքից ազատուած ուսւ զինուոր-
ները մի կերպ բերդը (Շուշի) հասնելով՝ միա-
ցան այնտեղ եղողների հետ, — ընդամենը 1700
հոգի, գնդապետ Քէուտի հրամանատարութեան
ներքոյ:

Այդ քաջերը վճռեցին տեղական հայերի
հետ և նրանց օգնութեամբ. պաշտպանուել մին-
չե իրանց արեան վերջին կաթիլը:

Դժբաղդաբար բերդում ոչ բաւականաչափ
պաշար կար, ոչ ջուր և ոչ էլ վառօդ:

*) Այս ամենի մասին տես Ակտы, VI. 6. եր. 352—363, և
եր. 371 № 675. ևս և Ամենայն Հ. Կաթող. եր. 234—237.

Շատ չանցած պարսկական բանակը եկաւ և
բերդը շրջապատեց, շղթայեց:

Պաշարումը 41 օր տևեց: Թշնամու ամեն
տեսակ փորձերը բերդին տիրելու համար՝ ա-
պարդիւն էին անցնում: Սակայն պաշարուած-
ների դրութիւնը օր աւուր ծանրանում էր ա-
ռաւելապէս պաշարի, մթերքի չգոյութեան
պատճառով:

Ինչպէս միշտ՝ հայերը այս անգամ ևս մե-
ծամեծ ծառայութիւն էին մատուցանում բեր-
դապահ բանակին:

Եղան այնպիսի սրտոտ, քաջ հայեր որոնք
գիշեր ժամանակ բերդի ժայռերից թոկերով պո-
ղոսկում, ցածր էին իջնում և պարսիկներից ա-
զատուելով Թիֆլիզ Երմօլովին լուր էին հասցը-
նում, օգնութիւն խնդրում*):

Եղան հայ կորիճներ, որոնք իրանց ուսերի
վրայ բաննալով ցորինի տոպրակները՝ գիշերները
իջեցնում էին ջօշ գիւղի ջրաղացները, աղուն
անում և վերադառնում բերդը՝ շատ անգամ
թշնամու հետ ընդհարուելով և նրան մոլորեց-
նելով**):

Այդ քաջերից պակաս ծառայութիւն չէին
մատուցանում նաև Շուշուայ մի քանի հայ վար-
պետները՝ զօրքի համար օրական 30—40 գըր-
վանքայ վառօդ պատրաստելով***):

*) Վ. Պոտո.-ի գրաւածքներից.

**) Նոյնպէս.

***) Նոյնպէս.

Տեսնելով որ Շուշիի գրաւումը ձգձգւում է, Աբբաս Միրզան իւր բանակից 12 հազար զօրք Գանձակի վրայ ուղարկեց: Իսկ ինքը շարունակեց բերդի պաշարումը:

Հինգ որ այդ բանակը Գանձակին մօտեցաւ տեղացի թուրքերը նրա հետ միացան և բանտարկուածներին ազատեցին:

Այսուհետև սկսուեց կռտորածը:

Ռուս պաշտօնեաները, իրանց ընտանիքներով, գրեթէ ամենքն էլ սրախողին եղան: Շատքչերն ազատուեցան՝ հայերի տներում ապաւինելով:

Գանձակի մօտ եղած մի քանի գերմանական գաղութները—Ելէնէնդօրֆ, Աննէնֆելդ և Կատարինֆելդ, —աւերակ դարձան պարսիկների ձեռքով: Նոյն վիճակին ենթարկուեցան և Բոլնիսի ձորի հայ զիւղերը:

Ժողովրդին կոտորելով և զիւղերն աւերելով՝ կանանց, առաւելապէս գերմանուներին գերի տարան պարսիկները և վերջերում նրանց օգնութեան հասած մի քանի հազար սպառագինեալ քրդեր:

Երբ այս աղէտների լուրը Թիֆլիդ հասաւ՝ ժողովուրդը սարսափեց: Նրա երևակայութեան մէջ յանկարծ վերածնեց Աղա Մահմադ իսանի նախորդ արշաւանքը: Եւ ամեն ոք սկսաւ իւր գլխի ճարը տեսնել՝ իրանց գանձերը հորելով, Դուշէթ և այլ լեռնային տեղեր փախչելով ևայն: Թիֆլիզում եղած զօրքի քանակութիւնը

ընդամենը 3000-ի չէր համառւմ, որ ի հարկէ, անզօր էր դիմադրելու Աբբաս Միրզին, որին ժամ առ ժամ մարդիկ սպասում էին Թիֆլիզում: ՂԶ.

Բայց Աբբաս Միրզան Շուշին չվերցրած չէր կարող, կամ չէր ուզում առաջ խաղալ:

Իսկ զուշին ինչպէս յիշել ենք, ի շնորհս մի բուռ ոռուս զինուորների և տեղական հայերի բուռն դիմագրութեան՝ դեռ կանգուն էր և մըտքովն անզամ չէր անցկացնում անձնատուր լինել:

Հարաբաղի մայրաքաղաքի—Շուշի,—այդ հերոսութեանն է պարտական Վրաստանի մայրաքաղաք Թիֆլիզը, որ այս անգամ ազատ մնաց Աղա Մահմադ իսանի գործած խժդժութիւններն ու աւերածութիւնները վերստին իւր վրայ փորձելու:

Շուշիցիներին և նրանց անառիկ բերդին ուժով յաղթահարել չկարողանալով՝ Աբբաս Միրզան փորձ փորձեց խորամանկութեամբ հասնել իւր նպատակին:

ՂԵ.

Նախորդ գլուխներից մէկում մենք տեսանք, որ Աղուանից կաթողիկոսները՝ իրենց ինքնուրոյնութիւնը ունենալով հանդերձ՝ գտնուում էին ամենայն Հայոց կաթողիկոսի գերիշանութեան ներքոյ:

Տեսանք որ Մեծին Պետրոսի օրերիցն ըսկած՝ Աղուանից կաթողիկոսները սկսան քաղաքական հարցերի մէջ մտնել և Ռուսաց պաշտպանութեան վրայ իրանց լոյսը դնելով՝ սկսեցին

ոչ միայն ընդվզել էջմիածնի դէմ, այլ և աշխատում էին իրանց իրաւասութեան ենթարկել ողջ ոռւսահայերին:

Եւ եթէ Սիմէօն և ապա Ղուկաս կաթողիկոսների գործ դրած ջանքերը չինէին՝ Աղուանից կաթողիկոսները անշուշտ կը հասնէին իրանց նպատակին:

Եփրեմ կաթողիկոսի օրով Վրաստանի և առնասարակ Անդրկովկասի ոռւսահայատակ հայերի վրայ առաջնորդ նշանակուած Ներսէս արքեպիսկոպոս Աշտարակեցին՝ ոռւս կառավարութեան աջակցութեամբ՝ Աղուանից կաթողիկոսութիւնը միանգամայն վերացրեց և 1815 թուին Աղուանից Սարգիս կաթողիկոսին պաշտօնապէս հրատարակեց Գանձասարի կամ Ղարաբաղի արքեպիսկոպոս, կամ ինչպէս սովորաբար անուանում էին միարօպօլիտ*):

Այսուհետև Սարգիսը այդ համեստ տիտղոսով դրեթէ իրեւ մի սոսկ վանահայր՝ ապրում էր Գանձասարի վանքում:

ԴԲ.

1826 թուին երբ Աբբաս Միրզան յանկարձակի եկաւ և Շուշին պաշարեց՝ լուր ուղարկեց Սարգիս միարօպօլիտին և տեղական հայ մելիքներին, որ գան և իրան ներկայանան: — Ոչ միարօպօլիտը և ոչ էլ մելիքները չկատարեցին պարսից գահաժառանգի այդ առաջարկը:

Եւ դրանով նրանք ի հարկէ, շարժեցին Աբ-

*) ԱԿՏԵ, V6, եր. 437, № 518, և եր. 443, № 522.

բաս Միրզի բարկութիւնը:

Գահաժառանգը աւելի միարօպօլիտի վրայ էր զայլացած:

Նա գորք ուղարկեց Գանձասարը և ինչպէս միարօպօլիտին, նոյնպէս և մելիքներին բռնութեամբ պարսից բանակը բերել տուեց՝ Շուշուայ բերդի տակ:

Բանակը հասնելուց առաջ Ղարաբաղի նախկին տիրապետող Մէհմի Ղուլի խանը ճանապարհին բարեկամաբար հաղորդել էր Սարգիս միարօպօլիտին, որ ոռւսները թողնում են պարսիկներից գրաւած երկիրները և յետ քաշում Անդրկովկասից:

Մէհմի Ղուլի խանը միարօպօլիտին այս ևս հաղորդեց, որ ինքը արգէն բռնած ունի Երմօլովի այն նամակը, որով Կովկասի կառավարչապետը հրամայում է Շուշում պաշարուած գնդապետ Բէուղին՝ թողնել այդ բերդը և յետ քաշուել:

Մէհմի Ղուլի խանի հաղորդած այդ տեղեկութիւնը պարզամիտ Սարգիսը հալած իւղի տեղ էր ընդունել, երբ պարսից բանակն հասաւ:

Վերջինս այդ միջոցին իւղ ձեռքն ընկած հային զլսատել էր տալիս:

Եւ հայ արքեպիսկոպոսի աչքին, նախ քան Աբբաս Միրզին ներկայանալը, առաջին անգամ ընկան այն հայերը, որոնց զլսատելու հրամանը դեռ նոր պիտի գործադրուէր:

ՂԹ.

«Երբ այս երկիրը,—այս եղաւ միտրոպօլիտի տոռաջին խօսքը երբ ներկայացաւ Արքաս Միրզին,—եղած է պարսից կամ ոռւսաց իշխանութեան ներքոյ, բնակիչները հպատակ են եղած տիրողին:

Հիմա եթէ այս երկիրը պէտք է մնայ պարսից ձեռքին, բնակիչների ջարդելուց ի՞նչ օգուտա:

Այս և սրա նման յորդորիչ խօսքերից Արքաս Միրզան զիջաւ՝ կամ ձևացրեց թէ զիջաւ՝ և հրամայեց կալանաւորուած հայերին այլև չգլխատել, այլ ազատ թողնել: Միայն մի պայմանով, որ միտրոպօլիտը և մելիքը բերդի տակից՝ յորդորեն Շուշուայ հայերին անձնատուր լինելու:

Այդպէս էլ արին: Եւ միտրոպօլիտը շրջապատուած մելիքներով և պարսիկ իշխաններով բերդի տակից բարձր ձայնով սկսաւ կանչել. «Ինքը՝ Սարգիս կաթողիկոսն է և երդւում է իր սուրբ կարգով, որ պարսիկները չեն վնասիլ նոյն, եթէ անձնատուր լինեն»:

Սակայն բերդի հայերը՝ անշուշտ գիտնալով որ իրանց միտրոպօլիտը այդ քայլն անում է ստիպուած պարսիկներից՝ նրա խօսքերին ուշադրութիւն չդարձրին և անձնատուր չեղան:

Վերջերում մի կամ մի քանի չարամիտ մարդիկ ձայն ձգեցին՝ իրրե թէ Սարգիս միտրոպօլիտի հրաւերին Շուշուայ հայ կանայք և աղջկերք քարէ կարկուտով պատասխանեցին Սարգ-

սի երեսն ի վեր պոռակով իրը թէ՝ „այսուհետեւ դու մէք հոգեոր տէրը չես. այլ մօլլա Սարգիս ես»:

Ինչ էլ որ լինի, Սարգիս միտրոպօլիտը իր այս կամայ արդեօք թէ ակամայ վարմունքով՝ ազատեց ոչ միայն Գանձասարի վանքը այլ և շրջակայ հայ գիւղերն անխուսափելի աւերմունքից ու կոտորածից:

ՂԺ.

Սակայն Սարգիս արքեպիսկոպոսի այս վարմունքի վրայ այլ աչքով նայեց Երմօլօվը և չարամիտների հնարած առասպելը՝ իրրե իսկական իրողութիւն ընդունելով, երբ ոռւսները Արքաս Միրզին քշելով Շուշին ազատեցին, Կովկասի կառավարչապետը անմիջապէս ձերբակալել տըւեց Սարգսին և խիստ հսկողութեան ներքոյ՝ Թիֆլիզ բերել տալով՝ Ներսէս արքեպիսկոպոսին հետևեալ նամակն ուղղեց՝ գրուած դեկտ. 2-ին 1826 թուին*):

«Ղարաբաղի ապստամբութեան ժամանակ, երբ Տերութեան յոյսը մնացել էր միմիայն հայոց վրայ, որպէս իր կրօնակիցների, Սարգիս արքեպիսկոպոսը ոչ միայն նսեմացրեց իրան գարշելի դաւաճանութեամբ և անձնատուր եղաւ Արքաս Միրզին, այլ և յորդորում էր գործել նոյնը հայոց ժողովրդի աւագներին: Նա ներկայանալով Շուշուայ բերդի տակ, գովաբանում էր Ղաջարի (Արքաս Միրզայի) վեհանձնութիւնը և համոզում էր բերդը պաշտպանող հայերին ան-

*) Ակտы, V. եր. 456.

Ճատուր լինել։ Թշնամեաց բանակում, խաչը ձեռքին, նա Աստծու օրհնութիւնն էր հայոցում այն շարագործին, որ առաջնորդում էր աւազակներին և երբ սոքա սրին էին մատնում ձեռքներն ընկած թշուառներին»։

«Այսու ամենայնիւ, — շարունակում է Երմօլովը, — յարգելով նրա (Սարգսի) բարձր աստիճանը և պաշտպանելով այն նախատինքից, որին մըտադիր էին ենթարկել նրան բարեմիտ հայք, վասն զի երբ նա յորդորում էր հայոց դաւաճանել, սոքա բերգից կոչում էին նրան մօղա Սարգիս, — ես հրամայեցի ուղարկել նրան Թիֆլիս իրեն մի մարդու, որ արժանի է խիստ պատժի։ Այդ պատիժը ես կը սպասեմ ձերդ սրբազնութեան խստապահանջութիւնից, վասնզի դուք էք հայոց ազգի հաւատարմական զգացմանց պահապանը։

«Յաւելով պիտի ասեմ, որ մօղա Սարգսի գարշելի վարմունքը մեծապէս ազդեց հայոց վրայ, որոնք միշտ նշանաւոր են եղել իրանց հաստատ հաւատարմութեամբ առ տէրութիւնն, բայց որոց մեջ այս անզում երեւեցան ոչ սակաւ ուխտադրուժներ»։

«Այս եղելութիւնը պատմելով՝ տակ ու վերև է լինում սիրտա, ամենաարժանապատիւդ իմ հովուապետ, բայց ձեզանից յուսամ ուղիղ միջոց թնացինց անելու վարուց այդ ապականութիւնը, որ մի վասակար օրինակ է և որի նմանը Հարաբաղի վրդովմանց ժամանակ Երբէք չիեղած»։

ՃԱ.

Կովկասեան կառավարչապետի այս նամակի բովանդակութեան և յատկապէս մեր ընդգծած բառերի մասին խորհրդածելն՝ ընթերցողին իրան թողնելով մենք պէտք է նրան յայտնենք, որ Ներսիսի կատարած քննութեամբ Երմօլովի գըրածներից ոչ մէկն էլ չհաստատուեց, այլ երեան եկաւ այն, ինչ որ մենք այս հատուածի սկզբումը դուրս ենք բերել։

Այդ ժամանակ Երմօլովը փոխուած էր և նրան յաջորդել էր Պասկեվիչը, որին հաղորդելով իր քննութեան հետեանքը՝ Ներսէու աւելացնում էր հետեանը՝ «ալմապէս ահա բոլոր հանգամանքներից երեւում է, որ Սարգիս արքեպիսկոպոսը բոլորովին անմեղ է և մեղագրանաց ոչինչ առիթ չի տուած։ Վասն որոյ կամ բարեհամեցէք հաւաստիանալ այս մասին նորանոր քննութեամբ և կամ բաւականանալով վերսրերեալ տեղեկութիւններովս, թոյլ տուէք Սարգիս արքեպիսկոպոսին վերադասնալ իր բնակութեան տեղը՝ Ղարաբաղ»*）։

Պասկեվիչը բաւականանալով ներսիսի կատարած քննութեամբ՝ արձակեց միտրոպոլիտին**） որ հասնելով Դանձասար անկողին մտաւ, որտեղից այլևս չվերկացաւ մինչև հետեալ տարին, երբ և կնքեց իր մահկանացուն։ Նրան յաջորդեց նրա եղբօրորդի Բաղդասար արքեպիսկոպոսը։

*) ԱԿՏԵ, VII. Կ. 251.

**) Նոյնը, № 204. Ճանօթութիւնը

ՃԲ.

ՄԵՆՔ ՄԵՍԱՆՔ, ՈՐ պարսից յանկարծական յարձակումները շատ մեծ հոգս պատճառեցին ուռւս կառավարութեան, որ իր ձեռքի տակ բաւականաչափ զօրք չունենալով՝ անելիքը չէր իմանում:

Կառավարութեան հոգսը առաւել ևս բազմացաւ, երբ Անդրկովկասեան ոռւսանպատակ պարսիկները ևս, աշկարայ կերպով, միացան իրանց կրօնակից պարսիկ զօրքի հետ:

Տեսանք որ այդ կրկնակի չարագուշակ դէպքերը այն աստիճանն ներգործոցին տեղացի խաղաղ քրիստոնեայ տարրի վրայ, մասնաւորապէս Վրաստանի մայրաքաղաքում, որ նրանք սարսափահար սկսեցին լեռնալին կողմերը փախչոտել՝ հէնց որ Գանձակի պաշարումը լսեցին:

Երկրի և ժողովրդի այդ կրիտիկական վիճակին մի որևէ ճար անելու նպատակաւ՝ Երմօլովը իր մօտ զինուորական խորհուրդ կազմեց, ուր հրաւիրուած էր Հայոց առաջնորդ ներսէսը:

Այդ խորհրդում որոշուեց. ա) գէսից-գէնից մի քանի վաշտ զօրք ժողովել և ուղարկել Աղստաֆա պարսիկների մուտքը ի Թիֆլիզ արգելելու և բ) որովհետեւ Պետերբուրգից տակաւին կարգադրութիւն եղած չէր ի պաշտօնէ պարսիկներին պատերազմ յայտարարելու, ուստի և յանձնարարուեց ներսիսին, որ սա, իր կողմից, մի ընդհանուր շրջաբերականով հրաւեր կարդայ

կարդայ հայ ազգին սրտապնդուելու և պարսիկներին դիմագրելու:

Եւ շրջաբերականը խմբագրուեց և հայ թարգմանութեամբ հանդերձ ներսիսի ստորագրութեամբ 1826 թ. յուլիսի 29-ին՝ ցրուեց ազգի մէջ:

Շրջաբերականը սկսվում էր այսպէս՝ «Պատուաքժան Հայոց ազգին, որ միշտ հաւատարիմ հպատակ է եղած Քրիստոսասէր կայսրութեան ոռւսաց և բնակւում է Թիֆլիզում, Ելիսավեպոլում, Ղարաբաղում, Նուխիում, Շամախում, Բագւում, Դարբանդ և առհասարակ թէ քաղաքներում և թէ գիւղերում՝ հոգնորականաց և աշխարհականաց»:

Այնուհետև ներսէսը ծանուցանելով հայ ազգին, որ պարսիկները, հակառակ միջազգային օրէնքների, յանկարծակի մտել են «ռուսաց սահմանները և խոյս տալով ոռւսական սահմանապահ զօրքերից*). աւազակաբար յարձակվում են գիւղերում առանց ամենայն նախազգուշութեան բնակւող հայոց վրայ» յորդորում է նըրանց, — հայերին, դիմագրել թշնամուն և սրա արբանեակներին կամ ոռւսաց զօրքերի հետ և կամ թէ մի ուրիշ կերպ, որ աւելի յարմար կը լինի ներկայ աւազակօրէն յարձակմանց միջոցին; Հաւատացած եղէք, — շարունակում է ներսէսը, — որ Աստծոյ հրաշալի վրկութիւնը կը պահպանէ ձեզ ամեն վտանգից որպէս ներկա-

* Ներսէսը կարող էր չիմանալ, որ պարսիկները նախ սահմանապահ զօրքերին են կոտորում:

յումս, այսպէս և ազգէ ազգ, իսկ աստուածացին շնորհը և Թուսիոյ օգոստավիառ ինքնակալի ողորմած ուշագրութիւնը պատկներ կը հիւսեն թէ ձեզ և թէ բոլոր ձեր համազգեաց»:

Հնթերգողը պէտք է գիտենայ, որ Ներսէսը ինքը համոզուած էր և հայ ազգին էլ համոզում էր, որ Շիուսիոյ օգոստոսավիառ պետութիւնը իր հզօր բազուկը տարածեց մեր հայրենեաց վըրայ ոչ այնքան իր սեպնական օգսի համար, որին մեր անդորրուրեան և բարօրուրեան համար ու Քրիստոսի սուրբ կրօնը և եկեղեցին պաշտպանելու համար»:

«Շիուսիոյ տէրութիւնը տակաւին այն ժամանակները, երբ գեռ ոչ մեր երկրի և ոչ մեզ վրայ տիրող չէր, չեր բողնում մեզ առանց պաշտպանուրեան և խորտակում էր մեր բարօրութեան թշնամիներին,—միթէ հիմա, երբ Աստծոյ և ամբողջ աշխարքի առաջ հանդիսանում է նա որպէս պաշտպան և հովանի մեր ազգի և եկեղեցւոյն Քրիստոսի, միթէ հիմա, կրկնում եմ, կը թողնէ մեզ առանց հովանաւորութեան և պաշտպանութեան»:

«Ուստի,—ոգեսրվում է Ներսէսը և ոգեսրեցնում հայերին, —մեռնենք քաջութեամբ և առանց հայրենեացը դաւաճանելու և այսպիսով ժառանգենք մեր նախնեաց պանծալի անունն ու փառքը»*):

Ներսիսի այս շնչարերականի կամ կոչի ամբողջութիւնը տես «Ամենայն Հայոց Կաթող. եր. 237—248.

ՃԳ.

Բացի այս ընդհանուր շրջաբերականից՝ Ներսէս Աշտարակեցին այդ ժամանակներում մասնաւոր, անթիւ նամակներով դիմում էր ամեն տեղի ազգեցիկ հայերին*) և ոգեսրում ու խրախուսում էր չինայել կեանքը անդամ հայրենեաց ազատութիւնը ձեռք բերելու:

«Հասաւ ժամը,—զբում էր Ներսէսը իր բարեկամներին ամեն երկիր և ամեն տեղ, երբ աչքով պիտի տեսնենք Արարատեան աշխարհի և հայոց ազգի պատութիւնը. հասաւ ժամը, երբ Մայր Արոռը պիտի վերականգնէ իր վաղեմի անկախութիւնը. ոտքի կանգնեցէք, Հայոց քաջեր, թօթափեցէք պարսից լուծը, ուրախացը էք ալեզարդ Մասիսին, մի անդամ առինով ներկեցէք հայրենի հողերը և ապա ապրեցէք պատժամ է արդէն, օն անդը, հիմա կամ երբէք»**):

Ներսիսի այս պատասիրութիւնը, նրա այս ոգեսրութիւնը՝ ուստական քաղաքականութեանը համար շատ և շատ ձեռնառու էր: Եւ նա ոչ մի առիթ չէր բաց թողնում Հայոց ամենաազգեցիկ եպիսկոպոսի այս արամագրութիւնից օդտուելու:

Մենք գիտենք, որ միենոյն բանը անում էր կառավարութիւնը, մի ժամանակ, և Արդութեան Յովսէփ եպիսկոպոսի նկատմամբ:

*) Հնթերգողը տեսաւ. որ միենոյն բանը մի ժամանակ անում էր և Արդութեանց Յովսէփ արքեպիսկոպոսը:

**) Ամենայն Հայոց Կաթող. եր. 268.

Ճ. 1.

Պարսից հետ մղելի մօտակայ պատերազմին նախագիծ կազմելու համար՝ կոմս Դիբիչը Պետերբուրգից թիֆլիդ եկաւ:

Տեսնելով Ներսէս արքեպիսկոպոսի ոգեռութիւնը և ոռւս զօրքին օգնելու մեծ պատրաստակամութիւնը՝ կոմսը միջնորդեց կայսեր առաջ՝ և Նորին Մեծութիւնը 1827 թուականի փետրուարի 2-ին հետևեալ հրովարտակը տուեց Ներսիսին*):

«Քակտելն պարսից զիսաղաղութիւն և յանկարձակի յարձակել նոցա ի սահման Մեր առիթետուն ազգի Հայոց բնակելոց ի Վրաստան յայտնել իսկութեամբ զջերմեռանդութիւն իւր և զանկեղծաւոր անձնընծայութիւն մեզ։ Յայսոսիկ դիպուածս եցոյց նա՝ թէ զիտէ զգին բարերար հոգացողութեանց կառավարութեան վասն իւր, և թէ տեսանէ պարզապէս զներկայական վիճակ իւր գերազանցեալ քան զվիճակ բազմաթիւ հաւատակցաց իւրոց, որք սփոեալ կան յայլ և այլ կողմանս։

Յանձն առնեմբ Զեղ յայտնել ամենայն Հայոց եղելոց ընդ Զերով հոգեոր կառավարութեամբ զկատարեալ բարեհամութիւն Մեր, և հաւատարմացուցանել զնոսա կայսերական բանիր Մերով, թէ յարատեալ ունին առ նոսա յատուկ ողորմութիւնք Մեր։ Յորչափ ժամանակ տեսնեցէ անյողողդ հաւատարմութիւն ազգի Զերոյ՝ որ զը-

*.) Ամենայն Հայոց Կաթող. Եր 269.

տեալն է զրուսալի տեղի ապաւինի ընդ հովանեաւ գահին ոռւսաց, հարկ համարեսցուք Մեք հոգ տանել անյուն վասն բարեբաղդուրեան նորա եւ անդորրուրեան»։

«Վերաբերելով զգովանի ընթացս հոգեոր հօտի Զերոյ և առ ներգործութիւն հովուական յորդորանաց Զերոց՝ Մեք յայտնեմք Զեղ զկայսերական երախտագիտութիւնը Մեր և մամք կայսերական ողորմութեամբ Մերոյ բարեհաճ առ Զեղ»։

Ճ. 2.

Կոմս Դիբիչը անձամբ անձին յանձնեց հրովարտակը Ներսիսին և իր մամնաւոր խօսակցութեան հետեանքը՝ անմիջապէս տեղեկացրեց կայսեր ասելով թէ՝ «Հայոց արքեպիսկոպոս Ներսէսը բարձրագոյն հրովարտակը ընդունեց ամենախորին շնորհակալութեամբ։ Հրովարտակը կը կարդացուի եկեղեցիներում և կը հրատարակուի հայերէն։ Ներսէսը երաշխաւոր է լինում Հայոց ազգի հաւատարմութեան և ջերմեռանդութեան մասին և յոյս ունէ, որ եթէ յաջողութեամբ մտնենք Երևանի խանութիւնը, այստեղ հայերի մօտ զեռ բաւականաչափ պաշար կը գտնենք, որի մասին ես էլ հաւատացած եմ»։

Կայսեր հրովարտակը հանդերձ հայ թարգմանութեամբ՝ Ներսէսը տպագրել առեց այսպիսի վերնագրով «Հոչակ ողորմութեան ինքնակալի և կայսեր ամենայն Ռուսաց Նիկողայոսի Առաջնոյ առ ազգն Հայոց որ ի Վրաստան», և

հազարաւոր օրինակներով ձրի բաժանեց ազգի մէջ*):

«Հոչակի» մէջ Ներսէսը տպագրել տուեց նաև իր այն ճառը, որ ինքը պիտի ասէր կայսերական հրովարտակի ընթերցման հանդէսին փետրուար ամսի 22-ին։ Տպուած էր նաև Ներսիսի մի շրջաբերական տուաջաղութիւնը Թիֆլիսի աւագ և ժամորհնող քահանաների անունով, որով պատուիրում էր նրանց կայսեր այս հրովարտակի մասին՝ աւետարանել ամենայն ժողովրդեան Հայոց։

Եթէ ընթերցողը չի մոռացել՝ Ներսիսից ոչ պակաս ոգեսրուած էր մի ժամանակ Յովսէփ արքեպիսկոպոս Արդութեանը ևս, որ Կատարինէ կայսրուհուց ստացած ընծաներն ու հրովարտակը համարում էր հայ ազգի համար «ոսկէ դար», և մեծ ողորմութիւն «Յաբեթեան սերնդի» համար։

Եւ այդ „ողորմութիւնը“ բարձրաբարբառ «աւետարանում էր» մի ժամանակ Յովսէփ արքեպիսկոպոսը Պետերուրդի եկեղեցում, իսկ այժմ—Ներսէս արքեպիսկոպոսը Թիֆլիսի վանքում։

Եւ մինչդեռ Նիկողայոս կայսեր վերոյիշեալ հրովարտակը՝ ամենքին հասկանալի պարզութեամբ ասում էր, որ կառավարութիւնը նրա—Ներսիսի վրայ նայում է իբրև մի հոգեւորականի վրայ, իսկ հայ ժողովրդի վրայ՝ իբրև մի

*.) Ամենայն Հայոց Կաթող. Եր. 270.

«հոգեւոր հօսի» վրայ, — Աշտարակեցի հայ Արհին՝ ինքնիրան մի աշխարհիկ զօրապետի, կամ հրամանատարի տեղ գնելով ոչ միայն ոռւս կառավարութիւնից առաջ՝ պաշտօնէ Պարսկաստանին պատերազմ էր յայտարարում, ինչպէս տեսանք, այլև, այժմս էլ տէրութեանը խոստանում էր հայկական յատուկ գնդեր կազմակերպել։

Եւ այս ամենը Ներսէս Արհին անում էր առանց խորհրդակցելու՝ եթէ ոչ ո—էջմիածնի սինօդականաց, գոնէ իր աչքի առաջ նստած ամենայն Հայոց կաթողիկոսի հետ...։

ՃԶ.

Հայկական գնդեր կազմակերպելն արդէն մտնում էր կառավարութեան ծրագրի մէջ։ Ուստի և վերջինս ամեն աջակցութիւն ցոյց տուեց Ներսիսին փութով իրականացնելու այն։

Եւ իրականացաւ։

1827 թուականի մարտ ամսին սկսուեց հայ կամաւորների զօրաժողովը։ Մի քանի օրուայ մէջ՝ մի քանի հարիւր մարդիկ զինուոր գրուեցին։

Դրանք ոռւս բանակի առաջընթաց գունդն էին կազմելու։

Եւ Ներսէսը ինքը պէտք է առաջնորդէր նրանց Երևանի վրայ գնալու։

Նախ քան ճանապարհ ընկնելը՝ հայ վեղարաւոր զօրապետ Ներսէսը՝ Ղաբախ հրապարակի վրայ (այժմեան Աղէքսանդրեան այգին) զօրահանդէս կատարեց։

Երբ հայ զինուրները պատրաստի, զինուած շարուած էին՝ եկաւ Ներուէսը ձի հեծած, ողջունեց զինուրներին, մի ոգեորիչ ճառ խօսեց նրանց և վերջում հրամայեց որ ռազմական ձեռվ (պերուալնիմ մարշոմ) անցնեն իր առաջից:

Եւ երբ զինուրները անցնում էին՝ Ներսէսը քաջալերում էր ասելով «ասպիք, քաջեր, շնորհակալ եմ»: Երաժշտութիւնը և զինուրների «կեցցէ» և «ուռոա» կանչուոցները օդը թնդացնում էին և հանդիսատես ամբոխին զուարձացնում, հրճուեցնում*):

Չնայած որ հայկական գունդն արդէն կազմուած պրծած էր, բայց կայսերական հաւանութիւնը այդ մասին՝ դեռ ևս ստացուած չէր:

Մինչդեռ ոռուսական մի բանակ պէտք էր Թիֆլիսից դէպի Զալալ-Օղլի մեկնէր:

Բանակին անհրաժեշտ էր անշուշտ մի լաւ ուղեցոյց:

Այդ պաշտօնը վիճակուեցաւ Ներսէս արքեպիսկոպոսին, որ ուրեմն այսպիսով՝ փոխանակ հայկական գընդի հրամանատարը լինելու, ինչպէս որ կարծում էր, այժմ ստիպուած էր ոռուսական գնդին ուղեցոյցը լինելու:

Եւ եղաւ: Ներսէսը ճանապարհ ընկաւ Զալալ-Օղլի: Իսկ հայկական գնդի վերջնական կազմակերպումը յանձնուեցաւ մի յատուկ յանձնաժողովի՝ ընդ նախագահութեամբ Թիֆլիսի զի-

*) Ամենայն հայոց կաթող. եր. 272

նուորական նահանգապետ՝ ժեներալ ատիւտանդ Սիպեագինի:

Ճէ.

Մայիսի սկզբին ստացուեցաւ կայսեր հաճութիւնը հայկական գնդեր կազմելու մասին, որ և յայտարարուեցաւ հայ լեզուով տպուած առանձին թերթիկներով:

Արոշուեցաւ մայիսի 15-ին օրհնել հայկական գնդի դրօշակը և զինուրներին երդում տալ:

Այդ օրը վանքի մայր եկեղեցին լիքն էր հանդիսատես ժողովրդով, նոյնպէս և պաշտօնական անձնաւորութիւններով, որոնց պարագլուխը ժենեռալ Սիպեագինն էր:

Պատարագից յետոյ՝ հայ զօրքը շարուեց եկեղեցու գաւթում, ուր թափօրով դուրս եկած հոգեորականութիւնը՝ զինուրներին երդուեցրեց և նրանց դրօշակն օրհնեց:

Այդ միջոցին Յարութիւն քահանայ Արամդարեանը—յանձնաժողովի անդամներից մինը, — մի ճառ արտասանեց, որով հրաւիրում էր հայ զինուրներին ջերմեռանդութեամբ և հաւատարմութեամբ ծառայել:

Հայոց եկեղեցուց գունդը, թուով 600 հոգի, իր դրօշակով և երաժշտութեամբ զնաց Ղարախի հրապարակը, ուր Սիպեագինը ինքը մի զօրահանդէս կատարեց:

Մի քանի օրից յետոյ՝ հայ ժողովրդի մէջ ցըրուեցին Սիպեագինի մի պլոկամացիան, որով հայերին լաւ գովելուց յետոյ՝ ժենեռալ Սիպեա-

գինը ազդարարում էր, որ ինքը մի առաջա-
դրութիւն, կամ հրահանգ է կազմել Հայ գօրքի
համար:

Եւ թէ՝ այդ հրահանգի համեմատ պէտք է
վարուեն ինչպէս արդէն զինուոր գրուած և եր-
դում կերած հայերը, նոյնպէս այսուհետև զին-
ուոր գրուիլ ցանկացողները:

Ահա և այդ հրահանգը*).

ՃԼ.

1. Հայոց գօրքը կ'ունենայ բատալիօններ:
2. Բատալիօնի մէջ հայերը մտնում են ի-
րանց սեպհական ցանկութեամբ:

3. Զինուոր կարող են գրուել 18-ից ըսկ-
սեալ մինչեւ 30 տարեկան հայերը: Բայց այս
կանոնից կարող է բացառութիւն լինել, եթէ
զինուոր լինել ցանկացողի անձնական կազմը և
առողջութիւնը ներում են:

4. Զինուորի ծառայութեան մէջ գտնուած
ամբողջ ժամանակամիջոցում՝ նրա ընտանիքը՝
թագաւորական հարկ տալուց կամ այլ ծառայու-
թիւն մատուցանելուց՝ ազատ է մնում:

5. Նրանք պէտք է ծառայեն այնքան ժա-
մանակ, որքան ժամանակ որ կը տեէ պարսից
հետ ուսւաների ունեցած պատերազմը: Պատե-
րազմից յետոյ՝ նրանք կարձակուին իրանց
տները: Իսկ ցանկացողները կարող են գօրքի
ծառայութեան մէջ մտնել:

6. Զինուորների առաջ կը կարդացուին Մե-

ծին Պետրոսի սահմանած կանոնները և այն պա-
տիժները, որոնց կ'ենթարկուին զինուորները՝
պարտազանցութեան ժամանակ:

7. Նրանք երդվում են հաւատարմութեամբ
ծառայելու համար:

8. Եյս կանոններին ենթարկուող ամեն մի
ցանկացողը կարող է զինուոր գրուել: Եւ գան-
ձարանից կը ստանայ իր ապրուստն:

9. Ամեն մի բատալիօն կ'ունենայ՝

Շտապ օֆիցիէր	1.
Կապիտան	2.
Շտապա-կապիտան	2.
Պօրուտչիկ	4.
Պօդպօրուդչիկ	4.
Գանձապահ	1.
Ատիւտանդ	1.
Զուռնաչի	4.
Թմբկահար	4.
Ունտէր-օֆիցիէր	80.
Զինուոր	800.
Սայլապան	40.

10. Գլխաւոր գօրապետի հրամանով՝ ուն-
տէր-օֆիցիէրից ընտրվում են օֆիցիէրներ այնպի-
սիներից, որոնք յայտնի են լինում իրանց խելքով,
քաջութեամբ և ջերմեռանդութեամբ:

11. Օֆիցիէրական առաջին շինը՝ տրվում է
յատուկ քաջութիւնների համար:

12. Իւրաքանչիւր բատալիօնի մեծաւորը՝
շտապ օֆիցիէր կամ կապիտան, հայ պէտք է լինի:

*) Պատմ. կաթող. էջմ. եր. 111.

13. Մէն մի բատալիօն կ'ունենայ իր քահանան և տեղական հեքիմը—բժիշկը:

14. Ամեն մի բատալիօն բաղկանում է 800 հոգուց: Ամեն մի հարիւրեակը՝ տասը տասնեակից:

15. Ամեն մի զինուոր գանձարանից կը ըստանայ հրացան, թասմա գօտիով պարկ, 30 փամփուշտ և 10 չախմախի քար:

16. Ամեն մի զինուոր պիտի ունենայ իր սեպհական դաշոյնը և մի պարկ, որով իր ուսերի վրայ 4 օրուայ պաշար է կրելու:

17. Ունտէր-օֆիցէրները դաշոյնի փոխարէն՝ թուր պէտք է ունենան:

18. Օֆիցէրները պէտք է ունենան մի զոյգ ատրճանակ և թուր:

19. Շորերը լինելու են՝

Գորշ մահուդից չուխայ

Մութ գունանի արխալուխ

Շալրւար նոյն գոյնով.

Վրացու գտակ.

Եսավընձի:

20. Զինովիկները զինուորական աստիճանաւորների համեմատ ոռճիկ կը ստանան:

21. Շորի համար զինուորները կը ստանան 10 հատ արծաթ մանէթ մի տարումը. ունտէր-օֆիցէրները՝ 15 մանէթ: Այդ փողերով նրանք պէտք է իրանց շորերը պատրաստեն՝ մինչև գանձարանից իրանց յատուկ շորեր արուիլը:

22. Զօրքերին վրաններ կը արուի:

23. Իւրաքանչիւր տասն զինուոր կ'ունե-

նայ մէկ ձի՝ բեռ դարսելու համար վրան՝ պըղինձ և 2 փութ ու 25 ֆունթ սուխարի (պաքսիմատ): Քսան զինուորի համար կը արուի մի մշակ: Յիսունի համար՝ մի կացին և մի թի: Ամեն մի հարիւրից կազմվում է մի խումբ^{*}):

Եւ այն:

ՃԹ.

Բացի Ներսիսի ձեռքով կազմուած հայկական զօրագնդից, որ հետեւակ էր, կառավարութիւնը մի հայկական հեծելագունդ էլ Ղարաբաղի հայերից կազմել տուեց:

Բացի դրանցից՝ այդ ժամանակ նորից պատերազմական ասպարէզը հրաւիրուեցաւ Գրիգոր եպիսկոպոս Մանուչարեանցը^{**}) որ Շամշադինի վիճակի Հախում գիւղիցն էր, որի անունով զիւղն էլ յաճախ «Վարդապետի գիւղ» էր կոչվում:

Գրիգոր եպիսկոպոս Մանուչարեանցը դեռ ևս 1803 թուականին իշխան Ցիցիանովի Գանձակի վրայ արշաւած ժամանակ հոչակուեցաւ:

Իշխանի հրաւիրանոք՝ Գրիգոր եպիսկոպոսը Շամշադինի և Ղազախի հայերից 500 կտրիճ հայ երիտասարդներից մի հեծելագունդ էր կազմել և ինքը դարձել նոյց գնդապետ: Վեղարը և հոգեւորական տարազը ծալելով տանը՝ նա հագել էր շինականի չուխայ, ծածկել ոչխարի մորթի մեծ փափախ, կապել թուր և դաշոյն և հրացա-

^{*}) Պատմ. կաթող. էջմիածնի. եր. 193—197.

^{**)} Ամենայն Հայոց կաթող. եր. 243—247.

Նը ձեռքին, սպիտակ նժոյգի վրայ նստած՝ առաջնորդում էր իւր զնդին թէ Գանձակի և թէ Երևանի վրայ արշաւած ժամանակ:

Պարսից հեծելագօրքի հետ կախ սկսող և ճակատահար լինող՝ միշտ Գրիգոր արհին էր լինում իւր կտրիճներով։ Սարսափելի էր լինում այս հեղ և համեստ հոգեորականը պատերազմի դաշտում, թուրը հանած միջոցին։

Իշխան Յիցիանովը, որ առհասարակ հայերին չէր համակրում, բայց և այսպէս Գրիգոր եպիսկոպոսի գործած քաջութիւններին ականատես լինելով՝ նոյնիսկ կուի դաշտում կախեց նրա կրծքին Ա. Գէորգի չորրորդ աստիճանի զինուորական խաչը և 300 ըուբլի մշտական թոշակ նշանակեց։

1808 թուին էլ կոմս Գուգովիչը Երևանի վրայ արշաւելիս՝ իր հետ տարաւ նաև Մանուչարեանցին իր կտրիճներով։

Այստեղ, նախիջեանը վեր առնելիս, եպիսկոպոսը մեծ կոտորած անելով և թշնամու արեան մէջ շաղախուած՝ ինքն էլ վէրք ստացաւ և հազիւ մահից պըծաւ։

Կոմսի առաջարկութեամբ՝ կայսրը առանձին հրովարտակով նրան շնորհեց Վլադիմիրի և Աննայի շքանշանները և 300 ըուբլու փոխարէն՝ 600 ըուբլի թոշակ կապեց։

Պարսից հետ խաղաղութիւն հաստատուելուց յետոյ՝ Գրիգոր եպիսկոպոսը քաշուեց իր հայրենի Հախում գիւղը և աշխարքից մեկուսա-

ցած՝ նորից ստանձնեց իր վանահայրութիւնը մօտակայ վանքում, որ Վարագայ Ա. Նշանի անունն էր կրում։

Երբեմն-երբեմն միայն, երբ Գրիգոր եպիսկոպոսը լսում էր թէ թուրք աւազակները հայերից տաւար են գողացել կամ մարդ են սպանել, իսկոյն վեղարը փոխում էր փափախի և ձի հեծնելով թոչում էր չարագործների ետևից։

Թուրքերի վրայ Արհին առհասարակ սարսափ էր ձգել, իսկ հայերը, ինչ ասել կուզի, նրան շատ յարգում և ակնածում էին*)։

Ճ.

Երբ 1826 թուին պարսիկները ոռուսաց հողի վրայ յարձակուեցան՝ նրանց հրոսակալին խմբերը և տեղացի ապստամբ թուրքերը բռնեցին նաև Թիֆլիզի շրջակայ ճանապարհները, որ տեղերով աներկիւդ անցուդարձ անելը դժուացել էր։

Հաղբատի վանքում մեկուսացած Եփրեմ կաթողիկոսին թուրքերը կարող էին փախյնել, կարող էին նոյնիսկ սպանել։

Ուստի Ներսէսը փութաց օր առաջ՝ ծերունի կաթողիկոսին իր մօտ բերելու կարգադրութիւն անելու։

Այս դժուար գործը նա յանձնեց Մանուչա-

*) Շամախւայ դաւանի Քէշխուրդ գիւղում որանից 30 տարի առաջ մի հայ քահանա կար Աղէքսանդր Մանուէլեանց անունով, որ ճիշտ Գրիգոր եպիսկոպոսի գերն էր կատարում շրջակայ թուրք աւագակարարոյ խմբի դէմ պաշտպանելով իր հօտը։

ըեան Գրիգոր եպիսկոպոսին, որին ի մօտոյ ձանաշում էր:

Մանուչարեանցը 40 ձիաւորներով օգոստոսի սկզբին հասաւ Հաղբաթ և Եփրեմին վերցրած՝ յետդարձաւ ոլոր-մոլոր ճանապարհներով:

Սակայն չնայած ամեն տեսակ նախազգուշութիւններին՝ Բօրչալուի դաշտում, Խրամ գետի ափին, կաթողիկոսական խմբի վրայ պարսկական մի հեծելագունդ յարձակուեցաւ, որ բաղկացած էր 200 հոգուց:

Սկսուեցաւ անհաւասար կոփոր թրերով՝ Գրիգոր եպիսկոպոսի տակի ձին ընկաւ: Նա մի այլ ձիու վրայ թռաւ և ամենայն արիութեամբ շարունակում էր ինքը և իւրայինները կատաղի կոփոր:

Ի վերջոյ՝ Մանուչարեանցը իննը հոգի, Երկուսը իր ամենամօտիկ ազգականներն էին, կորցնելով՝ և բաւականին թուրք կոտորելով՝ կարողացաւ Եփրեմ կաթողիկոսին անմնաս Թիֆլիդ հասցնել:

Մանուչարեանցի այս քաջագործութիւնը Ներսիսից լսելով և նրա անցեալի մասին տեղեկանալով կառավարչապետ Երմօլովը ինքը և կամեցաւ օգտուիլ այս զարմանալի հայ եպիսկոպոսի ծառայութիւնից:

Ուստի խնդրեց նրան Շամշադիլ երթալ, տեղական թուրքերի ապստամբութիւնը զսպել և պարսից գերի տարած մի քանի հարիւր տուն զիւղացիների գերդաստուները վերադարձնել:

Մանուչարեանցը հաւաքեց իր 500 կտրիճներին և ամենայն արագութեամբ և անձնութութեամբ ի կատար ածեց կառավարչապետի ցանկութիւնը: Շատ կարճ ժամանակում ապստամբները խաղաղեցան և գերիները յետ տարուեցան իրանց տեղերը:

Թուրք տարրի վրայ՝ Գրիգոր եպիսկոպոսի անունը միանգամայն սարսափի էր բերում:

„Դակի քէշիշը“ (խենթ—տէրտէր), — այսպէս էին անուանում թուրքերը Գրիգոր եպիսկոպոսին, — թուրքերի համար մի առասպելական հերոս էր դարձել, որին դիմագրելը՝ նրանք անկարելի էին համարում:

Հասան-Սու գետակի մօտ՝ Երմօլովը անձամբ տեսնելով Մանուչարեանի կատարած գործերը՝ գրկեց նրան և համբուրեց՝ խնդրելով յայտնել իրան թէ ինչով է կարող իրան վարձատրել:

Ալին պատասխանեց, որ ինքը անձամբ ոչնչի կարոտ չէ, բայց անօրէնութիւն է համարում, որ թուրք աղալար և բէգ կոչուած աղնուականներն վաղուց ի վեր տէր են դարձել հայոց գիւղերին և նրանց կալուածներին և, ծանր հարկ առնելով, կեղեքում են հայ ազգաբնակութիւնը, այն էլ ներկայ քրիստոնեայ իշխանութեան տիրապետութեան ժամանակ:

ՃՃԱ.

Երմօլովի առաջարկութեամբ Մանուչարեանցը իր խնդիրը գրաւոր կերպով էլ ներկա-

յացրեց, որին կառավարչապետի կողմից հետևեց այս պատասխանը՝ „ըստ վկայութեան Վրաստանի Հայոց առաջնորդի՝ Զեր սրբազնութեան շերմեռանդ ծառայութեանց մասին առ պետութիւն՝ որին օգտաւէտ լինելու մշտական պատրաստակամութիւն էք յայտնած, ես հրաւիրեցի Զեր երթալ Շամշադիլի գաւառակը, ուր տեղի բնակիչները պարսից թելազրութեամբ վրդովման մէջ էին, իսկ թուրք տանուտէրներն էլ մեծ մասամբ մեզ լրաւաճանեցին: — Գիտենալով որ ժողովուրդն ընդհանրապէս Զերդ սրբազնութեանը յարգում է և հաւատ է ընծայում, ես ես խնդրեցի ձեզ խաղաղացնել բնակիչներին, որպէս զի նոքա իրանց միամտութեամբ չհետևեն ուխտազրուժներին: Դուքս ի կատարեալ բաւականութիւն իմ, բոլորովին արդարացրիք Զեր առաջնորդ հովուապետի թէ ընտրութիւնը և թէ Զեր մասին ունեցած բարի կարծիքը: Զեր անձը վտանգի ենթարկելով՝ Դուք սակաւաթիւ մարդկանցով դիմազրեցիք ապստամբներին քշելու, արտասահման տանելու հայ գերդաստունները: Առհասարակ Դուք ամեն կերպ օգնում էիք Զեր երկրի գլխաւոր վերակացու իշխան Թարխանովին տէրութեան կամքը կատարելու”:

«Զօրաց բանակի հետ գալով Հասան-Սու, ես խնքս վկայ եղայ Զեր գովիելի գործերին, վասնորոյ սուրբ պարտք եմ համարում ինձ յայտնել Զերդ սրբազնութեան ի դիմաց տէրու-

թեան կատարեալ գոհունակութիւն: — Հաճելի է ինձ յուսալ, թէ Դուք այսուհետեւ ևս չէք դադարիլ պատրաստ լինելու յօդուտ ծառայութեան թագաւոր կայսեր»:

“Յարգելով ձեր ինձ մատուցած տեղեկագրի մէջ յայտնած մտքերը, ես հրամանագրեցի Շամշադիլի գլխաւոր վերակացուին, որ նոյն գաւառակի հայերին բոլորովին ազատելով թուրքենի (ագնուականների) իրաւասութիւնից՝ արձանագրէ որպէս արքունի: Իսկ ինչ որ կը վերաբերի բոլոր հայոց ընդհանուր կախումն ունենալուն մնացած թուրքաբնակ գաւառակներում, ես այդ ևս անմիջապէս կը կարգադրեմ և պաշտոնապէս կը հրատարակեմ ի գիտութիւն ամենեցուն*):

ՃՃԲ.

Այսպէս ահա Ներսիսի կազմած հայկական հետևեակ գունդը, ղարաբաղցի հայերից կազմած հեծելագունդը և Մանուչարեան Գրիգոր եպիսկոպոսի 500 կտրիճները մեծամեծ, անգնահատելի ծառայութիւններ մատուցին ուսւաց բանակին 1826—1828 ուռւապարսկական պատերազմի նախօրեկին և ողջ տեղութեան միջոցին:

Հայ հոգեորականների և երիտասարդների ալդ շարժումը, նրանց պատրաստակամութիւնը, բնականաբար, շարժեցին և հայ ժողովրդին, որ Կուրի եղերքից մինչև Արաքսի ափերը՝ սկսումասնակից լինել պատերազմին ով ինչով որ կա-

*) Ամենայն Հայոց կաթող. եր. 247—248.

ըող էր, — հսգեռական և աշխարհական, կինարմատ և տղամարդ, մեծ և փոքր, անխտիր, ամենքն էլ:

Հայ ժողովուրդը չխնայեց իր տունը, անգամ կեանքը ոռւսաց յաղթանակները Արարատեան աշխարհում աւելի ևս փառաւոր անելու համար:

Այս վկայուած և հաստատուած է նոյնիսկ ոռւս ականատեսների և պատմաբանների գրածներով և պաշտօնական գոկումնեներով, այս վկայուած է և «Վէրք Հայաստանի» հեղինակի հետևալ տողերով՝ „ինչ որ պարսից կուի ժամանակ հայք արին, Աստուծոյ է յայտնի: Թէ մարդ չիմանայ, քարերը վկայութիւն կտան Հալբաթ որ մէկ արդար, անաչառ մարդ Վրաստանու պատմութիւնը կը գրի, Էն ժամանակը կերեի, թէ հայք ինչ արին, ինչ հաւատարմութիւն են ցոյց տւել տէրութեանը, ինչ արիւն են վեր ածել...»:

ՃՓԳ.

Աբբաս Միրզի բանակին Թիֆլիզ մտնելուն արգելք դառնալու համար՝ Երմօլովը այստեղից ու այնտեղից մի քանի վաշտ զօրք ժողովելով՝ Սիմօնիչ գնդապետի հրամանատարութեամբ Ղազախ ուղարկեց: Միքանի օրից յետոյ էլի միքանի նոր վաշտեր եկան թէն, սակայն պարսից զօրքի համեմատութեամբ՝ ոռւսական զօրքի քանակութիւնը շատ և շատ չնշին էր: Յուսահա-

տութիւնը տիրել էր ինչպէս զօրքին, նմանապէս և նրա հրամանատարին:

Բայց երբ յանկարծ լուր եկաւ թէ նոր հրամանատար է նշանակուած հայ ազգի իշխան Մադաթովը՝ զօրքի տրամադրութիւնը դէպի լաւը փոխուեց:

Մադաթովը արգէն յայտնի էր իր գործածքաջութիւններով՝ 1808—1810 թուականներում տաճիկների դէմ մղուած պատերազմների ժամանակի:

Նա՝ էլ աւելի յայտնի եղաւ 1812—1814 թ. Նապօլէօնի դէմ եղած կոփիւներում: — Եւ իւր կուրծքը զարդարած ունէր ոռւսական բազմաթիւ շքանշաններով:

Երբ եւրոպայում խաղաղութիւնը հաստատուեցաւ, իշխան Մադաթովը՝ նշանակուեցաւ, — 1815 թուականում, Զաքի (Նուխի); Շիրուան (Շամախի) և Ղարաբաղի գաւառների կառավարիչ և այդ ժամանակից սկսեալ նա մեծ հոչչակ էր ստացել՝ մանաւանդ տեղական թուրքերի մէջ, առաւելապէս Դաղստանում գործած քառութիւնների համար:

1826 թուականի ամառը իշխան Մադաթովը կովկասեան հանքային ջրերում բժշկվում էր, երբ պարսից արշաւանքի լուրն առնելով՝ յետ դարձաւ Թիֆլիզ և ստանձնուեց Ղազախում եղած ոռւսական սակաւաթիւ բանակի հրամանատարութիւնը գնդապետ Սիմօնիչի փախարէն:

Մադաթովի Հազախ հասնելն լսելով՝ ապստամբուած թուրք աղալարները խումբ-խումբ եկան նրա մօտ և խնդրում էին, որ իրանց ընդունէ իր մօտ ծառայելու:

Իշխանը այդ թուրքերից մի հեծելագունդ կազմեց, որոնք շատ անդամ յարձակվում էին իրանց հաւատակից պարսիկների դէմ:

Ճժիկ.

Հէնց այդ ժամանակն էր, որ Մադաթովի բանակին եկաւ միացաւ Մանուչարեանց Գրիգոր եպիսկոպոսը իր 500 հեծեալներով: Եւ ճանապարհը կապելով՝ չթողեց վերադառնալ պարսից Զոհրաբ խանին, որ զօրքերով ու ապստամբ աղալարներով մտել էր Շամշադիլի Ամիրլախ գիւղը:

Սրանով Գրիգոր եպիսկոպոսը ոռւսաց փոքրիկ բանակին միջոց և հնար տուեց՝ բոլորովին ջարդելու պարսիկներին և ապստամբներին: Այս յաղթութեան միջոցին, բացի բազմաթիւ սպանուածներից՝ շատ նշանաւոր ապստամբներ գերի բռնուեցան:

Բացի այդ՝ Գրիգոր եպիսկոպոսի հեծելագունդը՝ մեծապէս օգնեց վրացի կամաւոր զօրացը՝ ջարդել Ասրիկ գետի մօտ պարսից Մահմադ Զաման խանին և Շամշադիլի ապստամբ աղալարներին:

Եւ երբ հայ Արհին այս յաղթութիւններից յետ էր դառնում, ճանապարհին նա բռնեց և իշխան Մադաթովին յանձնեց այն չորս նշանա-

ւոր լրտեսներին, որոնք գնում էին Հարաբաղի և Բօրչալուի գաւառներում խոռվարար ֆերմաններ ցըռւելու:

Ճժիկ.

Մեպտեմբերի սկզբին Մադաթովը՝ իր ձեռքի տակ եղած 2000 հոգի զօրքերով յառաջ խաղաց դէպի Գանձակ: Ճանապարհին, Զագեամ գիւղի մօտ, նրա հանդէպ էր մօտ 12000 հոգուց բաղկացած պարսից բանակը:

Այստեղ, Շամքօր գետի ափին, սկսուեցաւ կուիը: Պարսիկները ի փախուստ դարձան դէպի Գանձակ, թողնելով պատերազմի դաշտում 2000 դիակ և մեծ աւար:

Մադաթովը հետապնդեց և ամսի 4-ին մըտաւ Գանձակ, ուր նրան դիմաւորեցին տեղացի հայերը և հոգեորականութիւնը խաչով ու խաչվառով:

Իսկ պարսից զօրքը հէնց նախընթաց օրը Գանձակից ևս փախել, խոյս էր տուել դէպի Հարաբաղ:

Պարսից այս մեծաքանակ բանակի ամօթալի պարտութիւնը Մադաթովի մի բուռ զօրքերից՝ պէտք է վերագրել նախ՝ այս իշխանի անուանը և հոչակին, որ ինչպէս յիշել ենք, շատ տարածուած էր թուրքերի մէջ: Եւ երկրորդ՝ որ հէնց պատերազմի սկզբում Մադաթովը խորտակեց բանակի այն մասը, որին դեկավարում էր Աբբաս Միրզի անդրանիկ որդին՝ Միրզա Մահմադը:

իսկ ամբողջ բանակի հրամանատար Ամիր-
խան Սարգարը, որ Սբրաս Միրզի քեռին էր ըս-
պանուեցաւ:

Զօրքը տեսնելով իր արքայազուն զօրավար-
ների հետ պատահած այս դժբաղտութիւնները՝
լքաւ, վհատեցաւ և ցաք ու ցրիւ եղաւ*):

ՃԺ. 2.

Սբրաս Միրզան կարեվէր վշտացաւ իր որդ-
ւոյ և քեռու և նոցա զօրքերի հետ տեղի ունե-
ցած այս անակնունելի պարտութեամբ:

Եւ լրտեսներից ստուգելով Մադաթովի զօր-
քի կարի սակաւաւթիւնը՝ անմիջապէս թողեց
Շուշին և 50,000 զօրքով առաջ խաղաց Մադա-
թովի վրայ:

Բայց այդ ժամանակ Մադաթովին օդնու-
թեան էր հասել ժենեռալ Իվան Ֆէօդորովիչ
Պասկեվիչը**), որ կայսեր կողմից նշանակուած
էր Կովկասեան զօրքերի ընդհանուր հրամանա-
տար և իր հետ բերել էր կայսերական թիկնա-
պահ (պարզիս) գնդերի այն վաշտերը, որոնք
մասնակցած էին անցեալ դեկտեմբերի 14-ին
կայսեր դէմ յարուցած ապրուամբութեան մէջ,
Նիկողայոս կայսրը իր թիկնապահներին ուղար-
կել էր պարւից դէմ կոռւելու և իրանց արիւ-
նով քաւելու իրանց յանցանքը:

Պասկեվիչի բերած այդ զօրքը, թէե փոք-
րաքանակ, սակայն իրանց յաղթանդամ կազ-

*) Акты, VI. №№ 673, 676, 677 և 678.

**) Նոյնը, № 660.

մուածքով, իրանց վիթխարի հասակով և գոյնըզ-
գոյն հազուսաներով, զարմանք և երկիւղ էին
ազդում տեսնողների վրայ, նամանաւանդ թուր-
քերի վրայ:

Պասկեվիչի գալստեամբ՝ Մադաթովը պար-
տաւորուեցաւ իր իշխանութիւնը նրան յանձնել:
Բայց Շամքօրի ափին իր տարած յաղթութեամբ
նա՝ Մադաթովը, արդէն նախապատրաստւել էր
և Սբրաս Միրզի բանակի խորտակումը:

Այդպէս էլ եղաւ:

Եւ պատեմբերի 13-ին Գանձակի առաջ տա-
րածուած դաշտում կատաղի կուռում Սբրաս
Միրզան ևս յաղթուեցաւ և օդապարիկ նժոյզի
վրայ հեծած՝ հազիւ հազ անձը ազատեց՝ թող-
նելով ոռուաց ձեռին 1000 դերի, մի քանի թն-
դանօթներ, չորս գրօշակ և այլ և մթերքներ:

Այս փաստեար յաղթութեան մէջ ամենա-
առաջին տեղը բռնեց Մադաթովը, ևս և Մանու-
չարեանի հեծելագունդը:

Ինչպէս ինքը Պասկեվիչը, նմանապէս և
Մադաթովը կայսրից ստացան բոիլեանաներով
զարդարուած սուր: Մադաթովը ստացաւ նաև
ժեներալ-լէյտենանտի աստիճան:

Գալով Սբրաս Միրզին՝ նա մէկզլուխ Ա-
րաքսն անցաւ և գնաց Թաւրիզ: Նրան հետևում
էին նրա ջարգուած բանակամասերը: Այնպէս
որ պատերազմի հինգերորդ որը՝ Ղարաբա-
ղում այլևս ոչ մի պարսիկ զինուոր չմնաց:

ՃԺԷ.

Մինչդեռ Շամքօթի և Գանձակի մօտ պարսիկները կովում էին ոռւսների հետ՝ Երևանի Սարդարի եղբայր Հասան Խանը՝ մի հոծ հեծելագնդով պատրաստում էր ոռւսաց վրայ գալ Դելիջանի կամ Լոռուայ կողմից։

Եյդ յարձակման առաջն առնելու համար՝ ինքը Երմօլովը մի քանի վաշտ զօրքով՝ Թիֆլիզից նրա դէմ գնաց և կարգագրեց, որ Դիլիջանի ձորը պահպանէ Մանուչարեանց Արհին, իսկ ժեներալ Դաւիդովը Զալարօղիով կենտրոնացած զօրքը վերցնելով՝ յարձակուի Հասան խանի վրայ։ Թէ Մանուչարեանցը և թէ Դաւիդովը գեղեցիկ կերպով կատարեցին Երմօլովի հրահանգը և Հասան խանի հեծելագունդը ջարդելով՝ իրան էլ ի փախուստ դարձրին։

Անյաջողութիւնից զայրացած Հասան խանը՝ իր վրէժը թափեց շրջակայ հայ զիւղերի վրայ թաղանելով և կողոպտելով ժողովրդին։

Ապա իջնելով էջմիածնի դաշտը՝ ուզեց կըրակ տալ, այրել նոյն իսկ Մայր Աթոռը, սակայն հետը եղած թուրք բէգերը չթողին։

«Սարդար,—ասաց ծերունի բէգերից մէկը,—ոռւսները երկու անգամ եկան Երևանը նուաճելու և երկու անգամ էլ պարտութիւն կըրեցին, բայց յետ քաշուելով՝ նրանք ոչ մի անգամ ձեռք չտուին մեր մէջիտներին։ Պու էլ մի քանդիր քրիստոնէից տաճարը։—Յիշիր, որ վար-

գապեաները օրհնեցին Շահզադէի (Աբբաս Միրզի) թուրք, որով նա յաղթեց տաճիկներին»։

Հասան խանին ի փախուստ դարձնելով՝ Դաւիդովը ուզում էր նրա ետևից կնալ և Երեւանը պաշարել։ Սակայն որովհետև արդէն ձմեռը մօտենում էր. ուստի Երմօլովը նրան յետ կանչեց Քալալօղի ձմեռելու։

ՃԺԸ.

Զինուորական խորհուրդը թէպէտ վճռեց Երևանի և Նախիջևանի խանութիւնների նուաճումը յետաձգել մինչև հետևեալ, 1827 թուականի, գարնանը, սակայն միենոյն ժամանակ, Մադաթովին հրամայուեցաւ որ նոյն իսկ ձմրան սաստիկ ժամանակը Արաքսն անցնի և նւաճէ Շախսեվան կոչուած այն խուժադում թափառական ցեղերին, որոնք ձմեռը քօչում գալիս էին Մողանլուի դաշտը և, մեծ մասամբ, աւազոկութեամբ էին պարապում։

Մադաթովին տուին մի վաշտ հետևակ և 600 ձիաւոր զօրք դազախ։ Դրանց հետ Մադաթովը միացրեց՝ Ղարաբաղի հայերից կազմուած հետևակ և հեծեալ զօրքը մօտ 600 հոգի, որոցմով դեկտեմբեր ամսին Արաքսն անցաւ և փոխանակ թափառական ցեղերին նուաճելու, մըտաւ Ղարադաղ և Ագար քաղաքին տիրեց։

Բայց այդ քաղաքի առումը՝ Ղարադաղի մի ժամանակական զիւղերի վրայ շատ թանգ նըստեց։

Հայ հետևակ և հեծեալ գնդերը իր հետ

Պարսկաստան տանելով՝ Մադաթովը ամենայարձար առիթ տուեց Ղարաբաղում եղած այլ և այլ թափառական թուրք տարրին, նոյնիսկ տեղացի խաղաղ, բայց աւազակաբարոյ թուրքերին յարձակուել և կոտորել ու կողոպտել անպաշտան մնացած հայ զիւղերն ու ժողովուրդը։

Եւ թէպէտ Մադաթովը 1827 թ. յունուարի կէսին՝ վերադարձաւ Ղարաբաղ, բայց արգէն ուշ էր։ Հայկական շատ զիւղեր բարուինդ եղած պրծած էին։ Եւ Կովկասեան իշխանութիւնը ոչ ժամանակ և ոչ ցանկութիւն ուներ յանցաւուներին գտնելու և պատճենու։

Վերսում ասացինք, որ Պասկեվիչը կայսեր կողմից ուղղակի նշանակուած էր Կովկասեան զօրքերի հրամանատար, թէպէտե կառավարչապետութիւնը էլի մնացած էր Երմօլովի վրայ։

Սակայն երբ պարսիկները Անդրկովկասից քշուեցան պրծան, կայսերական հրամանաւ 1827 թուի մարտի 29-ին Երմօլովը յետ կանչուեցաւ և նրան յաջորդ կարգուեցաւ Պասկեվիչը կայսեր շատ սիրելի անձն, քաջ, 29 տարեկան հասակում արգէն ժեներալի աստիճանին հասած, բազմատեսակ չքանշաներով կուրծքը զարդարած և... շատ փառասէր։

Ճժիկ.

— «Նա չէր սիրում իրանից մեծն ունենալ և նախանձում ու թշնամանում էր իր ստորա-

դրեալներին, եթէ սրանք որևէ փառքի արժանի էին լինում։

«Նա չէր թոյլ տալիս ոչ ոքին իր վրայ ազգեցութիւն ունենալու, լսած խորհուրդների միշտ հակառակն էր գործում, կամակոր էր, հըպարտ և չափազանց վրէժինդիր ու հալածող իր չսիրած մարդկանց»։

«Կովկաս գալու օրից՝ Պասկեվիչը մտքումը դրեց տապալել Երմօլովին։ Սիրելի լինելով կայսեր և օգուտ քաղելով ստացած իրաւունքից՝ բանակցելու կայսեր հետ ուղղակի և առանց նախարարաց միջամտութեան, — Պասկեվիչը ամենասկ գոյներով էր նկարագրում թէ Երմօլովին, թէ երկրիս գլխաւոր գործիչներին և թէ ոռուսաց տեղական զօրքին, որ այնքան քաջութիւններ էր գործել նամանաւանդ Դաղստանում։

„Պասկեվիչը անբաւական էր երկրի մէջ եղած կարդ ու կանոններից և ամեն բանի մէջ չարագործութիւն և գաւաճանութիւն էր գըտնում»։

«Բայց երբ Երմօլովին տապալելուց յետոյ ինքը դարձաւ կառավարչապետ չէր խղճահարւում գովել և երկինք բարձրացնել իր ամբաւանած զօրքի քաջութիւնները, օրինապահութիւնը և այն ամենը, ինչ որ վաղուց կարգել սարքել էր Երմօլովը»։

„Պասկեվիչի երկերեսանի վարմունքը նկատելի էր նրա ամեն մի քայլում, ամեն դրութեանց մէջ։ Ելիդաւէտօպօի յաղթութիւնից յեթեանց մէջ»։

առյ՝ զօրքերին տուած հրամանագրում նա հիանում էր Մադաթով և Վելիամինով գեներալների գործած քաջութիւններով. իսկ կայսեր գրում էր թէ գործը աւելի յաջողութիւն կունենար, եթէ Մադաթովը և Վելիամինովը չէին եղել և այլն»:*)

Ահա այսպիսի բնաւորութեան տէր մարդու հետ և նրա գլխաւոր իրաւասութեան ու հրամանատարութեան տակ՝ ներսէս արքեպիսկոպոսը պիտի գործէր և գլուխ բերէր իր ցանկութիւնը, որ էր „Տեսնել Արարատեան աշխարհի եւ Հայոց ազգի ազատութիւնը եւ Մայր Արոռի վաղեմի անկախութիւնը»:

Եւ իր այդ սրբազն նպատակին համանելու համար Նորին սրբազնութիւնը ոչինչ, միանգամայն ոչինչ չխնայեց, «առանց դադար ու հանգիստ տալու իր մարմնոյն, մտքին ու կամքին, ինչպէս որ վերջերում նա ինքը Բեսսարաբիայից գրում և բողոքում էր մինիստրին ի Պետերբուրգ:

Հետեւնք, ընթերցող ներսին՝ ոռոսական բանակում:

Ճի.

Ծրագրի համաձայն՝ ոռոս-պարսկական պատերազմը ի պաշտօնէ պիտի սկսուէր հէնց որ գարունը (1827) բացուէր:**)

Ռուսական գլխաւոր բանակը՝ Պասկեվիչի իրան հրամանատարութետմբ արշաւելու էր Երևանի վրայ: Նախիջևանում նրա հետ պիտի

*) Ամենայն Հայոց Կաթող. Կը. 266—268.

**) Ակտы, VI. № 684.

միանար Ղարաբաղում եղած զօրքը, որոնց մէջըն էր և տեղական հայերի հեծելագունդը:

Այդ միացեալ բանակները պիտի անցնէին Արաքսը՝ տիրէին Թաւրիզին և հասնէին մինչև Թեհրան, որտեղ Պասկեվիչը հաշտութիւն դաշն էր կոելու պարսիկների հետ:

Վերջիններս 40 միլիոն տուգանք պիտի վճարէին ոռուսներին, որոնց ձեռքն անցնելու էին նաև Երևանի և Նախիջևանի խանութիւնները: Երկու տէրութիւնների սահմանագիծը Արաքսն էր լինելու**:)

Եթէ պարսիկ կառավարութիւնը այս պայմանները չընդունէր, կամ ընդունելութիւնը ձգձգէր,—Պասկեվիչը շահի դէմ պիտի ապատամբեցնէր Արաքսի աջ ափում եղած պարսկահպատակ մի քանի մանը խաներին և նրանցից մի անկախ իշխանութիւն կազմէր ոռոսաց հովանաւորութեան ներքոյ:

ՃիԱ.

Գլխաւոր բանակի շարժուելուց առաջ՝ նրա մի յառաջնթաց գունդը ապրիլի 2-ին՝ ժեներալ Բենկենդորֆի հրամանատարութեան ներքոյ՝ Ղազախից ճանապարհ ընկաւ դէպի Երևան:

Գնդի ուղեցոյցը՝ ներսէս Արքեպիսկոպոսն էր: Նա ինքը հաւատացած էր և Պասկեվիչին ու Դիպիչին էլ հաւատացրել էր, որ Երևանի ըրջակայ հայ գիւղերում, նոյնպէս և էջմիածնի վանքում ոռոսաց զօրքի համար բաւականաչափ պաշար կը ճարուի:

*) Ակտы, VII, Կը. 540, № 502.

Այս պատճառով՝ Բենկենդորֆի գունդը պաշարի առանձին պատրաստութիւն չտեսաւ:

Հստ ծրագրի՝ նա պիտի համնէր Երևան և այստեղ հաստատուելով՝ յարձակումներ էր գործելու կամ Երևանի, կամ Սարդար-Աբատի բերդերի վրայ:

Մինչև զլլաւոր բանակի ժամանելը՝ նայառաջապահ գունդը, — պարտաւոր էր նաև պաշտպանել շրջակայ հայաբնակ գիւղերը, որպէսզի նրանք պաշտը հայթհայթեն զօրքին:

Սակայն... հակառակ Ներսիսի և Պասկեվիչի սպասածին՝ պարսիկները ձեռքները ծալած նստած չէին:

Մինչև Բենկենդորֆի և Ներսիսի գալը՝ պարսիկները աճապարեցին և Արարատեան դաշինայերին բռնութեամբ Արասի միւս ափը անցկացրին, յանդեռով Արանց գիւղերը և ոյնյացներով Արանց ունեցած պաշտը: Աշխանային ու գարնանային, ցանցեր անելը եւս՝ հայ գիւղացիներին վաղորօն արգելուած էր: Պարսիկները յմոռացան, հարկաւ, դատարկել նաւու Էջմիածնի հացի ամբարներն ու մթերէդէների շտեմարանները: Այսպէս, որ երբ ապրիլի 9-ին՝ Ներսէսը Բենկենդորֆի հետ Երևանեան դաշտը մըտաւ, այստեղ ուրիշ ոչինչ չտեսաւ, եթէ ոչ ամայացած և կողոպտուած հայկական գիւղերի աղէկտուր, անմարդաբնակ աւերակները...
Ճիբ.

Հէնց առաջին քայլափոխում զօրքի համար զգալի եղաւ պաշտը պակասութիւնը, որի առ-

թիւ Բենկենդորֆը հաղորդելով Պասկեվիչին՝ աւելացնում էր, որ եթէ անմիջապէս Թիֆլիզից պաշտը չուղարկուի զօրքին՝ վերջինս քաղցածութիւնից կը կոտորուի: Զինուորներն սկսել էին արգէն գեանի արմատներն ուտել*):

Սակայն յուսալով, որ էջմիածնում շատ կամ քիչ պաշտը կը ճարուի՝ Բենկենդորֆը առաջ շարժուեց,

Կէս ճանապարհից՝ Ներսէս Արքեպիսկոպոսը էջմիածին ուղարկեց Բիւրականցի մի երիտասարդի, — Յովհաննէս Ասլանեան անունով, որ ուսւներին ճանապարհ ցոյց տայ, նրանց գալը միաբանութեան աւետէ և մի քանի ուրիշ բերանացի յանձնաւորութիւններ:

Ծպտեալ Ասլանեանցը բռնուեցաւ պարսիկներից և քննութեան ենթարկուեցաւ:

Զնայած իրան տուած չարչարանք ու խոշտանգներին՝ Ասլանեանցը հրաժարուեցաւ յայտնել պարսիկներին թէ՝ Ներսէսը ինչ յանձնարարութեամբ է ուղարկել իրան էջմիածին:

Պարսիկները կտրեցին նրա քիթը, հանեցին նրա մէկ աչքը, ի վերջոյ կտրեցին լեզուն և արիւնի մէջ լուղացող կիսաշունչ դիակը դաշտի մէջ թողնելով իրանք հեռացան:

Մի քանի ժամ յետոյ՝ Ասլանեանցը ուշից գալով՝ հազիւ հազ էջմիածին հասաւ և նշաններով հասկացրեց միաբանութեանը՝ ոուս զօրքի հետ՝ Ներսիսի մօտ լինելը փանքին:

*Օ Ակտե, VII. եր. 259.

Քթից, աչքից ու լեզուից զրկուած բիւրականցի Յովհաննէս Ապահնեանցը, իր հերոսական հաւատարմութեան համար, ոուս կառավարութեան կողմից պարզեատրուեցաւ ոսկեայ մեղալով և տարեկան 100 բուրփի կենսաթոշակով*):
Ճիդ.

Ապրիլի 13-ին Բենգենդորֆի բանակը, Ներսիսի առաջնորդութեամբ, հասաւ Էջմիածին։ Հոգեորականութիւնը նրան դիմաւորեց զանգահարութեամբ և խաչու խաչվառվ։ Մտան տաճարը և Ներսէսը բեմ բարձրանալով՝ միաբանութեանը աւետեց թէ՛ աահա հասաւ աղատութեան պանծալի օրը, երբ Հայաստանի գարենը փառքը աշխարհիս վրայ նորից պիտի վերականգնի խաչի զօրութեամբ, որ իրանց հետ բերում են ոուս եղբայրները»։

Զօրքը տեղաւորուեց վաճքում, նրա պարսպում։ Բայց վաճքը թալահուած լինելով, ուտելու հաց չկար։

Բենգենդորֆի թախանձանքի համաձայն՝ Պասկեվիչը թէկ փութուց Վրաստանից զօրքին պաշար հասցնել, սակայն պաշարը բերում էին լեռնային, խորտուբորա ճանապարհներով և թըշնամու ձեռքն ընկնելու ահ ու տագնապով։ Ուստի և շատ դանդաղ էին շարժվում պաշար բերողները։ Մինչդեռ ոովածութիւնից գլխաւորապէս՝ զօրքի մէջ արդէն հիւանդութիւններ սկըսուեցան։ Ուստի Բենգենդորֆը, իր թռուցիկ խըմ-

բերով, մի կողմից հաց էր որոնում շրջակայքում, միւս կողմից Սարդար-Աբաղի բերդի վրայ յարձակում գործում։ Սակայն բերդը ամուր էր։

Բենգենդորֆի աշխատանքը ի զուր անցաւ։ Նա թողեց Սարդար Աբաղը և պաշարեց Երևանի բերդը, բայց նոյնպէս ապարդիւն։

Վերջապէս մայիսի 12-ին Թիֆլիզից գէպի պատերազմի դաշտը ճանապարհ ընկաւ ինքը Պատկեվիչը 500 ծիստոր հայ և վրացի իշխանների և ազնուականների ուղեկցութեամբ։

Առաջ շարժուեց ոուսաց գլխաւոր բանակը ևս։ Մայիսի 17-ին դուրս եկաւ Թիֆլիզից և հայկական հեծելագունդը իր դրօշակով։

Ճանապարհին հրձուանքով գիմաւորում էին հայկական գնդին գիւղացի հայերը և իրանք էլ յօժարակամ միանում էին գնդին, որոյ թիւը՝ դեռ Երևան չհասած՝ 1000 հոգուց անցկացաւ։

Երբ հայկական գունդը Էջմիածնին մօտեցաւ, նրա ուրախութեան ու ոգեսրութեան չափ ու սահմանն անցաւ։

Վաճքի պարիսպի վրայ ոուսական դրօշակն էր ծածանում այդ միջոցին։

Ճիդ։

Յուլիսի 8-ին Պասկեվիչը հասաւ Էջմիածին և խաչով ու խաչվառվ ընդունուեցաւ հոգեսրականութեան կողմից, ի հարկէ, Ներսիսի առաջնորդութեամբ, որի վրայ էր ծանրացել հիւանդ ոուս զինուորներին խնամելու դժուարին գործը։

*) ԱԿՏԵ, VII, ԷՐ. 492 և 443.

Իսկ հիւանդների թիւը, ժամ առ ժամ, աւելանում էր, թէ մնդի և թէ կլիմայի պատճառով։ Այնպէս որ Բենգենդօրֆի բանակում աւելի հիւանդներ կալին, քան առողջ զինուորներ։

Եւ այս ժենեռալի գունդը, իսկապէս, պատերազմական գործողութիւնների համար՝ գրեթէ անպէտք էր գրաձել։

Ուստի Պասկեվիչը Բենգենդօրֆի և նրա գնդի փոխարէն՝ ժենեռալ Կրասովսկուն և նրա գնդին յանձնելով Երևանի պաշարումը, ինքը գրւխաւոր բանակով անցաւ Գառնի և Շարուրի ամայի և անջուր անապատի միջով՝ հասաւ Նախիջևան և առանց արիւն թափելու՝ տիրեց։ Որովհետեւ պարսիկները Նախիջևանը անպաշտպան թողնելով իրանց ոյժը կենդրուացրել էին մօտակայ Արբաս-Արագ բերդում*):

Պասկեվիչը պաշարեց այս բերդը և սկսեց ոմբակոծել։ Վերջի ի վերջոյ յուլիսի 7-ին Արբաս-Արագը սաներին յանձնելով՝ պարսիկները «բորբոքեալ անհնարին զայրացուկս սրտի՝ սկսան կողոպատել, քանդել և հրձիգ առնել զբնակարանս Հայոց, որք փախուցեալ թագչէին յերեսաց կատաղութեան նոցա»**):

Երբ Պասկեվիչը Արբաս-Արագը ոմբակոծում էր, յանկարծ Արաքսի աջ ափում Երևեցաւ Արբաս-Միրզան 16,000 հեծելազօրքով և խաղաց Երևանի վրայ։

*) Ակտы, VII. եր. 259, 564.

**) Պատմ. կաթող. եջմ. եր. 90.

Նա մտադիր էր վերցնել էջմիածինը, ապա անցնել Վրաստան, աւելել Թիֆլիզը և յետոյ Գանձակի և Ղարաբաղի վրայով յետ դառնալ Պարսկաստան։

Պասկեվիչը ամենակին տեղեկութիւն չունէր պարսից գահաժառանդի այս առաջխաղացութեան և նրա մտադրութիւնների մասին։

Ճիե.

Բենգենդօրֆի զինուորներին չխնայող Երևանի կլիման, այն էլ ամառային ամիսներում, ի հարկէ չխնայեց Կրասովսկու զինուորներին ևս։ Մրանց մէջ ևս հիւանդութիւն սկսուեց և տարածուեց այն աստիճան, որ Կրասովսկին ստիպուած եղաւ Երևանի պաշարումը վերացնելով՝ զօրքը տեղափոխել Բաշ-Աբարանի բարձրաւանդակը։

«Տարաբախտութիւն երկրին Երևանայ, — այդ առթիւ գրում էր Ներսէսը, — դեռ ծանրանայ և ծանրացուցանէ զիրացն զանձկութիւն և զնեղութիւն։ Մինչև ահա լրանան Երեք ամիսք յորս ահաւոր զօրութիւնք ոռուաց տակաւին առանց իրիք արժանաւոր ներգործութեանց գտանին և ժողովուրդի առհասարակ մնան տարագիր յօսարուրեան և ի սարս և ի ձորս սահմանաց Օսմանցոց»։

«Այլ այսուամենայնիւ, — շարունակում է Արմին, — յուսով կամք թէ լրացին և տարաբախտութեանցն չափք և ի վերջին աւուրսն՝ օգոստոսի հասցեն խնամք Ամենաբաւականին և զօրութիւնք Ռուսաց սասանեցուցեն զթշնամիս և

զամբոցն Երևանու և եղիցի վաղճան Տարաբաղդութեան հայրենեաց Հայաստանի»:

Հէնց որ Կրասովսկին Երևանի պաշարումը վերացրեց և քաշուեցաւ Բաշ-Աբարանի բարձրաւանդակը՝ պարսիկները՝ քաջ գիտենալով որ ամառուայ վերջերում ոռուսները նորից պիտի գան՝ սկսեցին բերդի վնասուած տեղերը կարկատել և բերդը նոր ի նորոյ ամրացնել:

Միենոյն ժամանակ-Երևանի սարդարը որոշեց էջմիածինը ոսներից յետ վերցնել:

Այս դիտաւորութեամբ՝ սարդարը յուլիսի 4-ին մօտեցաւ էջմիածնին՝ հետն ունենալով, ըստ վերոյիշեալ գորութեան Ներսիսի, 1500 սարդար, 2000 ձիաւոր և երկու թնդանոթ:

Վանքից երեք վերստ հեռաւորութեան վրայ կանգ առնելով՝ սարդարը գրեց էջմիածնում եղած զօրքի մեծաւորին՝ իբր թէ Կրասովսկին յետ է քաշուել Վրաստան և չէ կարող օգնութիւն հասցնել, խորհուրդ էր տալիս չլսել «իսարերայ ներսիսին» և անձնատուր լինել, խոստանալով թողնել ոռու զօրքին ազատ երթալու, հակառակ դէպքում Սարդարը սպառնում էր վանքը քարուքանդ անել և մարդկանց բնաշխնջ անել՝ Աստծոյ առաջ այդ մասին պատասխանատութիւնը թողնելով ոռու մեծաւորի վրայ:

Ի պատասխանի Սարդարի այս գրութեան՝ վանքի պարսպից թնդանոթը որոտաց և ոռումը ընկաւ պարսից բանակի առաջ:

Սարդարը յետ քաշուեց, բայց նրա հեծե-

լագունդը բոնեց բոլոր ճանապարհները, որպէսզի վանքի յարաբերութիւնը միայնգամայն կը-արուի գրսի աշխարհի հետ:

Զնայած դրան՝ մի քանի կտրիճ հայ ձիաւորներ թռան Կրասովսկուց օգնութիւն խնդրելու:

Ժենեռալը երկու վաշտ զօրք և չորս թընդանոթ վերցրած շատավեց դէպի էջմիածին:

Կրասովսկու մօտենալը լսելով՝ Սարդարը իր զօրքը յետ քաշեց Երևան:

Կրասովսկին յետ դարձաւ:

Իսկ պարսից հեծելագունդը նորից ցըռւեցաւ էջմիածնի առաջ, սակայն չհամարձակուեց վանքին մօտենալ, անշուշտ կարծելով որ ոսները վանքում մեծ պատրաստութիւն ունեն:

ՃիԶ.

Երկար չտուեց այս դրութիւնը:

Օգոստոսի 4-ին, անսպասելի կերպով, Աբրամ Միրզան յանկարծ էջմիածնի դաշտում երկեցաւ 30,000 զօրքով:

Մի քանի թեթև ընդհարումներից յետոյ՝ գահաժառանգը համոզուեց, որ թէպէտ և Կրասովսկու բոնած գիրը ամուր է, բայց իր ձեռքի տակ ընդհամենը 4000 զօրք ունենալով չի վստահանում ցած գալ, ուստի ինքը օղոստոսի 15-ին իր բանակով եկաւ Օշական գիւղը, որպէսզի միւս օրը յարձակուի էջմիածնի վրայ:

Բայց հէնց նոյն օրուայ երեկոյին Աբրամ Միրզի զօրքը շրջապատելով էջմիածնը՝ իւսուփ խան զօրապետը առաջարկեց ոռու զօրքի մեծա-

ւորին անձնատուր լինել։ Մեծաւորը մերժեց։

Ապա խանը նամակով դիմեց Ներսիսին։ Սա սոյնպէս մերժեց։

Այս ժխտողական պատասխաններից յետոյ պարսիկները շարեցին իրանց թնդանօթները և գիշերուայ մթութեան մէջ՝ սկսեցին սաստիկ ոմբակոծել վանքը։

Դղբդում էր Արարատեան դաշտը և թնդանօթների որոտման ձախները համում էին Արայի լեռան՝ ստորոտում բանակած ոռւս զօրքին։

Կրասովսկին տագնապում էր՝ էջմիածնից աչ մի լուր չստանալով։

Քաջ զօրապետը չէր իմանում որ էջմիածնից իրան գնացած հայ սուրհանդակները՝ մէկզմէկու վրայ՝ խոչտանդվում և կոտորվում էին պարսիկներից, ոմանք զրկուելով իրանց աչքերից, ոմանք քթերից և ականջներից, ոմանք լեզուներից և ոմանքէլ տեղն ու տեղը սրախողխող լինելով^{*)}։

Չնայած հայ սուրհանդակների զլիսին եկած այդքան փորձանքներին՝ այնուամենայնիւ նրանցից մէկը կարողացաւ ողջմամբ ոռւսաց բանակը համնել և իրերի գրութիւնը հաղթողել Կրասովսկուն։

Այդ միջոցին ոռւս ժենեռալլ Երևանի նշանաւոր հայ մելիք Սահակ Աղամալեանից ևս լուր առաւ թէ՝ Արքաս Միրզան շտապում է էջմիածնիը քանդելով արշաւել Վրաստան։

*) Ակտы, VII, Կր. 491.

Ճիշ.

Կրասովսկու դրութիւնը շատ վատ էր։ Թիվ-լիզից նրան օգնութեան էին ուղարկել զօրք և մեծամեծ թնդանօթներ։ Բայց գրանք հազիւ երեք-չորս օրից յետոյ ժենեռալլ արամագրութեանը տակ կարող էին լինել։

Իսկ մինչեւ այդ ժամանակ էջմիածնը առանց տգնութեան թողնել, — միևնուն էր թէ պարսկաց կատաղութեանը զոհ բերել ոչ միայն էջմիածնը իր ամբողջ միաբանութեամբ, այլ նաև տյնտեղ զետեղուած հազարաւոր ոռւս հիւանդ զինուորներին և նրանց պահակ փոքրիկ զնդին։

Հէնց այդ միջոցին կրասովսկուն լուր հասաւ (թէի վերջերում իմացուեց որ լուրը ճիշտ չէր) իբր թէ էջմիածնում հացի պակասութիւնից էլ մարդիկ սաստիկ նեղվում են։

Թերևս աւելի մարդկային կարեկցութիւնից, քան պատերազմական հաշիւներից թելադած՝ ժենեռալլ Կրասովսկին օգոստոսի 16-ին, իրիկնապահին ճանապարհ ընկաւ դէպի էջմիածնին^{*)}։

Նա իր հետ տանում էր 1800 հոգի հետեւակ, 500 հեծելազօր, 12 թնդանօթ, 100 հեծեալ հայկական զնդից և մի քանի հարիւր սայլ, պաշարեղէնով բեռնաւորուած։

Բանակատեղում պահպանութեան համար միացին մի քանի հարիւր զինուոր և 10 թնդանօթ։

*) Ակտы, VII, Կր. 259.

Ճի՞՛.

Աշտարակից մինչև էջմիածին ~~20~~¹⁸₃₅ վերստ
հանապարհ է, որ շատ քարքարոտ էր մանաւանդ
այն ժամանակ, այնպէս որ բեռնակիր սայլերի
և թնդանօթակիր կառքերի ակները ջարդվում
էին: Զինուորները գրեթէ իրանց ուսերի վրայ
էին կրում սայլերի ծանրութիւնները: Աւելաց-
րէք դրա վրայ և այն, որ զօրքի անցած տեղե-
րում ջուր չկար: Ընդ նմին՝ արեք սաստիկ այ-
րում էր:

Ուսւները գնում էին Քասախ գետի ձախա-
կողմեան ափով: Իսկ գետի աջակողմեան ափով,
գրեթէ գուգնթացաբար, նրանց հետեւում էին
պարսիկները, — հետեակ գնդով և թնդանօթներով:

Վերջապէս ուռւաց զօրքը մտաւ մի նեղ և
քարքարոտ ձոր, ուր յանկարծ ինքզինքը շրջա-
պատած գտաւ ամեն կողմից պարսիկներից:

Սկսուեցաւ մի սարսափելի ջարդ:

Քաջութեամբ մեռնում էին ուռւա սվաճաներն
ու զինուորները, իսկ կենդանի մնացածները՝
քայլ առ քայլ սւխներով էին բաց անում իրանց
համար ճանապարհ՝ ձորից դուրս գալու նպա-
տակով:

Կրասովսկու տակ երկու անգամ ձին սպա-
նուեցաւ, ինքնէլ ճախ թեկից վիրաւորուեցաւ:

Յինուամենանիւ ժենեռալը շարունակում
էր կոռւել ի խրախոյս իր զինուորներին:

Ուր ուրեմն կոտորածից ազատուած ուռւա

զինուորները ձորից դուրս գալով սկսեցին վայր
իջնել դէպի էջմիածնի դաշտը, բայց այստեղ էլ
այդ խեղճերին նոր հարուած էր սպասում:

Ճիթ.

Շարաւից սաստիկ պապակուած, յոզնածու-
թիւնից հազիւ հազ շարժւել կարողացող զին-
ուորները իրանց առաջ մի պղտոր առու տեսնե-
լով առանց իրանց մեծաւորների հրաման ու
յորդորներին ահսալու, ագահաբար վրայ թա-
փուեցան:

Եւ ահա հէնց այդ ըոպէին նրանց վրայ յար-
ձակուեցան պարսիկները և նորից սկսուեցաւ
ուռւ զինուորների ջարդը^{*)}:

Վերջիններս այն աստիճան յոզնած, թու-
լացած էին, որ անդադար զլորվում և վայր էին
ընկնում և չէին կարող որքան և իցէ ընդդիմու-
թիւն ցոյց տալ՝ նոյն իսկ գլուխը կարելիս:

Պարսիկները ոչխարի նման մորթոտում էին
նրանց և կարած գլուխները ժողովում, տանում
էին Սրբաս Միրզին, որ,—ասում են, —խոստա-
ցել էր ամեն մի ոռւսի զլիի համար՝ տասը ոս-
կի, իսկ հայի զլիի համար՝ հինգ ոսկի^{**)}:

Ոյսպէս ահա կրասովսկու բանակի համար
այդ օրը (օգոստոսի 17) մի չարաբեր օր էր:

Զհաշուելով վիրաւորուածներին և 200 հո-

^{*)} Ակտы, VII, Կ. 560. № 517.

^{**)} Հաշուեթեան պայմանների մատին՝ Պատկերչի հաւատար-
մատար Գրիգորիովի հետ բանակցելիք՝ Սրբաս Միրզան Ժխուելով
ժխտում էր ոռւս զինուորներին մորթոտելը ուրասիկների ձեռքով:
Ակտы, VII, 555. № 516.

զի գերի ընկածներին, այդ օրը պատերազմի դաշտում մնացին ոռու 24 սպաների և 1150 զինուորների դժակներ։

Բայց ոռուների կորուստը անհամեմատ տաւել շատ կը լինէր, եթէ մի հայ մարդ, անսպասելի կերպով, օգնութեան հաստծ չլինէր ոռուներին։

Այդ հայը՝ Երևանցի Յակոբ Յարութիւնեանցն էր։

Ճ. 1.

Յակոբ Յարութիւնեանցը պարսկահպատակ էր և վաղուց ի վեր ծառայում էր Սարդարի թնդանօթաձիգ զօրքերում։

Նա յայտնի էր որպէս հմուտ ոմբաձիգ։ Ներկայ պատերազմում նրան յանձնել էին մի անդիական թնդանօթ։

Սկզբում նա հաւատարմութեամբ կատարում էր իր գործը, բայց կոռուի կատաղի ժամանակ տեսնելով քրիստոնեայ զօրքերի պարտութիւնը և քաջ գիտնալով որ այդ զօրքը ո. Էջմիածինը ազատելու համար է գնում, յանկարծ թնդանօթի բերանը շուռ տուեց և փոխանակ ոռուներին՝ սկսեց պարսիկներին կոտորել*):

Այսպիսով՝ Յակոբ Յարութիւնեանցը հնարաւորութիւն տուեց ոռուական մի վաշտի՝ անմաս պարսից ձեւըից խոյս տալու, ազատուելու։

Եւ այդ վաշտի ազատումն էր զիսաւորապէս, որով Յակոբի գործած յանցանքը յայտ-

*.) Ակտե, VII, եր. 491.

նուեցաւ։ Իսկոյն ևեթ նրան կալանաւորեցին։ Բայց կոռուի ընդհանուր շփոթի ժամանակ Յակոբը յաջողեցաւ փախչել։ Պարսիկները ման եկան, գտան, և նորից բանեցին։

Սարդարի հրամանով Յարութիւնեանցի աչքերը բրեցին, քիթը, շրթունքները, ականջները և ոտքերի կրունկները կտրեցին և վեր ձգեցին դաշտում զիսակների մէջ։

Ժամեր անցնելուց յետոյ՝ այս այլանդակուած ու տանջուած մարդը ուշքի եկաւ և ձեռքերի վրայ սողալով մի կերպ ինքզինքը էջմիածնի վանքը գցեց։

Յակոբ Յարութիւնեանցի արածներն ստուգելուց յետոյ՝ Պասկելիչը կարգադրեց նրան միանուագ 10 սակի, որ $31\frac{1}{2}$ ըուբլի էր անում, տալ։ Տարեկան էլ մինչ ցմահ 100 ըուբլի թռշակ սահմանեց։

Ճ. 2.

Յակոբ Յարութիւնեանցի շնորհիւ պարսիկների ձեռքից ազատուած վաշտի խուսափումը տեսնելով՝ էջմիածնում եղած զօրքերը նրանց ընդառաջ զնացին օգնելու նպատակով։

Այս բանը տեսնելով խուսափող վաշտին հետապնդող պարսիկները՝ յետ քաշուեցին և կոտորածը գաղարեց։

Այնուհետեւ կենդանի մնացած ոռու զինուորները, — ամենքն էլ ուժասպառ և այլայլուած, — խումբ-խումբ և անկարգ դիմեցին դէպի էջմիածին։

Վանքի պարոպի դռները բացուեցան, զանգակները հնչեցին և միաբանութիւնը խաչ ու խաչվառով դիմաւորեց իր ազատիչներին:

«Այս մի բուռն ոռուս եղբայրները, — ատենաբաննեց Ներսէսը, ճղեցին անցան երեսուն հազար կատաղի գօրաց միջից: Այս սակաւաթիւ գունդը անմահ փառաց արժանացաւ և ժենեռալ կրասովսկու անունը յաւիտեան ձնջնջելի կը մնայ Եջմիածնի տարեգրութեանց մէջ*):

Սակայն Եջմիածնի ճէնց այդ ազատումը՝ Կրասովսկուն, ապա և Ներսիսին, շատ թանգ նստեց:

Պասկեիչը, որ այդ ժամանակ Նախիջևանի կողմերումն էր և իր զլսաւոր բանակով պատրաստվում էր Թաւրիզի վրա արշաւել ուր և կարծում էր Արքաս Միքային հանդիպել, զարմանալով զարմացաւ, երբ լսեց յանկարծ, որ պարսից գահաժառանգը Երևանի կողմերումն է:

Մի քանի օր յետոյ՝ Պասկեիչը ստացաւ Կրասովսկու զեկուցագիրը և պատերազմի տիսուր նկարագիրը:

Թաւրիզի վրայ արշաւելու միտքը նա, ի հարկէ, ստիպուած եղաւ թողնել, կամ յետաձգել և դալ օգնութեան համնել Կրասովսկուն:

Զեկուցագիրն ընդունած օրուայ երեկոյին և թ՝ Պասկեիչը վերցրեց իր բանակի մեծ մա-

*). Բարձրագոյն թողարութեամբ՝ 1833 թ. մայիսի 9-ին եփրեմ և Յովհաննէս կաթողիկոսները, վանքի հաշուով, մի արձան կանգնեցրին 1827 թ. օգոստոսի 17-ին սպանուած ուսու զենուբների վրայ, Եջմիածնից 4 վերսու հեռու:

սը 20 թնդանօթով և ճանապարհ ընկաւ դէպի Եջմիածնին:

ՃԼԲ.

Սեպտեմբերի սկզբներին Արքաս Միքան սեց Պասկեիչի գալը և խկոյն հեռացաւ: Նա անցաւ Արքասը և Սուրբմալուի Ղարա-Ղալա կոչուած տեղում կանգ առաւ:

Իսկ Պասկեիչը ամսի 5-ին, գիշերուայ ժամը 10-ին իր զօրքով հասաւ Եջմիածնին, ուր նրան պատշաճաւոր յարգանքով դիմաւորեց Ներսէսը: Սակայն Պասկեիչը սառն կերպով ընդունեց, որովհետև Աշտարակեցուն իրան հումարում էր Աշտարակի պատերազմի զլիաւոր մեղաւորներից մէկը:

Եւ ահա հէնց այդ օրուանից ոկսվում է Պասկեիչի անբաւականութիւնը դէպի Ներսէսը:

Բայց որովհետև Պասկեիչը գեռ կարօտ էր Ներսիսին, — ուստի և զսպելով իր զայրոյթը՝ արտաքուստ դարձեալ շոյշոյում էր Աշտարակեցուն:

Հետեւեալ առաւօտը, սեպտեմբերի 6-ին Եջմիածնին եկաւ նաև Կրասովսկին, Թիֆլիզից եկած հասած զօրքերի և մեծամեծ թնդանօթների հետ:

Պասկեիչը յարձակուեց Կրասովսկու վրայ և բացատրութիւն պահանջեց, թէ ինչու էր նա շատապել Եջմիածնին օգնութեան գալու:

«—Որովհետև, պատասխանեց Կրասովսկին, ես վախենում էի, թէ թշնամին պարիսպը կը քանդէ և կը վեր առնէ վանքը»:

— «Ես տեսայ վանքի պատերը, — կոշտու-

թեամբ ասաց հրամանատարը, —և ձեր վախը ի զուր էր. աւելի լաւ էր թողնել թշնամուն առնել էջմիածինը, քան թէ նրա ազատութեան համար զօրքը վասնզի մէջ զցել: Ես աւելի լաւ կը համարէի զոհել վանքը, քան թէ անել այն, ինչ որ դուք արիք»:

Կրասովսկուն չի թոյլ տուեց Պասկեվիչը ու ընէ բացատրութիւն տալու, կամ արդարանալու:

Իսկ երբ նա իր ստորագրեալներին վարձատրելու հարցը բարձրացնելով՝ Պասկեվիչի առանձին ուշադրութիւնը հրաւիրեց իր զիխաւոր աշխատակից Ներսէս արքեպիսկոպոսի վրայ, — Պասկեվիչը հեգնեց ասելով «Ես մի յաւ կը ներկեալ պարոն արքեպիսկոպոսին, որ չհամարձակուի բանակը սխալների մէջ զցել մանաւանդ երբ ես այստեղ չեմ»*):

Ճկ.

Քանի որ Աբբաս Միրզան Արաքսն անցել յետ էր դարձել, քանի որ Թիֆլիզից ապսպուած զօրքերն ու մեծ թնդանօժներն եկել հասել էին և քանի որ աշնան գալով եղանակը բաւականին մեղմացել էր, — Պասկեվիչը վճռեց Սարդար-Աբագի բերդը վերցնել:

Սարդար-Աբագը գտնվում էր էջմիածնից ոչ այնքան հեռու, ինդամենը մի վերստ հեռաւորութեամբ Շահիրար գիւղից:

Բերդը 15 տարի առաջ կառուցել էր Երևանի Սարդարը մեծ մասամբ հայ գիւղացիների

*) Ամենայն Հայոց կաթող. եր. 298.

օգնութեամբ: Նա քառակուսի էր և ամուր ու բարձր պարիսպներով և աշտարակներով էր շրջապատւած: Շինութեան քարերը՝ Արմաւիր կարծւած պատմական քաղաքի մեծամեծ որձաքարերիցն էին:

Բերդը զինւած էր բազմաթիւ թնդանօթներով:

Բացի միքանի հազար պահապան զօրքերից, որոնց հրամանատարը նշանաւոր հասան խանն էր, պարսիկները բերդի մէջ ժողովել էին շրջակայգիւղերի հայ և թուրք բնակիչներին և կենսական ու ուազմական մթերքների մեծ պաշար:

Մինչդեռ ոռուսական բանակը իր քանակութեանը բաւարար պաշար չունէր և չէր էլ ճարվում:

Այս անհրաժեշտ կարիքից հարկադրուած հպարտ Պասկեվիչը զիջաւ և, յանկարծ մեղմանալով, դիմեց Ներսիսին խնդրելով, որ զօրքերի համար նա ինքը հաց ճարէ:

Ներսէը յժնձ առաւ պաշար ճարել, եթէ իրան հետ մի երկու գունդ զօրք ուղարկուի մինչև Սուրմալուի աղանաքը, — մինչև կողմ գիւղը:

Սեպտեմբերի 9-ին ամբողջ բանակը էջմիածնից դուրս եկաւ գէպի Շահիրար գիւղը ուղղուելով:

Այդ գիւղից զօրքերի մեծագոյն մասը Պասկեվիչի իրան հրամանատարութեամբ գնաց և Սարդար-Աբագը պաշարեց, իսկ փոքրագոյն մասը ժենեռալ Սուխտելէնի հրամանատարութամբ և

Ներսիսի առաջնորդութեամբ շտապ անցաւ Արաք-
սը, հասաւ կողք և պարսից ձեռքով այնտեղ
դիզած միքանի հազար սոմար ցորենն ու գարի
գրաւելով իսկոյն յետ դարձաւ և ամսի 12-ին
միացաւ Պասկեվիչի բանակին^{*)}):

Սուխտելենի յանկարծական յարձակումը
կողքի վրայ այնքան աղդեց մօտակայ Ղարա-Ղալա
կոչուած տեղում գտնուող Երբաս Միլզի վրայ, որ
իսկոյն հեռացաւ իր զօրքերով գէպի Մակու:

Կողբում Ներսէսը տեսաւ պարսից ձեռքով
ժողովուած մի քանի հարիւր հայ գերդաստան-
ներ Աշտարակ, Օշական և Փարաքար գիւղերից:

Պարսիկները գրանց քշել հեռացրել էին
իրանց գիւղերից, որպէսզի ուուներին օգնութիւն
չկարողանան անել:

Ներսէսը այդ բոլոր ընտանիքներին հետը
վերցնելով իրանց գիւղերն ուղարկեց^{**))}:

ՃՂԴ.

Պասկեվիչը շօշափելի փաստեր ունէր այս
մեծ ազգեցութեան նկատմամբ, որ ունէր Ներսէս
արքեալիսկոպոսը տեղացի ոչ միայն հայ, այլ նոյն-
իսկ թուրք ազգաբնակութեան վրայ:

Ուստի երբ արհին կողքից բանակը վերա-
դարձաւ, Պասկեվիչը խնդրեց նրան մի կոչ-պրօկ-
լամացիա ուղղել Սարդար-Արագի հայքնակիներին

^{*)} Акты, VII, Էր. 561, № 518.

^{**) Նոյնը,}

որպէսզից նրանք շուտով անձնատուր լինեն
ուսներին:
Հայերի օրինակին կը հետեւէին ի հարկէ, և
միւսները:
Եւ Ներսէսը գրեց և ցըռւեց հետեւեալ կոչը.
«Հայոց ընակելոց ի Սարդարաբատ, ի մէջ
բերդին»:

«Ծանուցանել ձեզ հարկաւոր համարիմ, զի
Նորին բարձր գերզանցութիւն գլխաւոր կառա-
վարին զօրաց ուուսաց որ յերևան իվան Ձէգրիչ
Պասկեվիչն այնպէս տնօրէնութիւն իւր կարգադր-
եալ յայտնէ վասն ամենայն եղելոցն ի մէջ բեր-
դիցն Սարդարապատու և երևանու զօրաց բերդա-
պահաց և ժողովրդոց ընակչաց, զի թէ յօժարեա-
ցին նոքա յառաջ քան զրօփաձգութիւնն զօրաց
ուուսաց, և յառաջ քան զկործանումն պարսպաց
բերդիցն ելանել յայտնի կամ անյայտ կերպիւ, և
թողուն զհակառակութիւնն և զպատերազմն ան-
օգտակար անձանց իւրեանց և սերնդոց և ժառան-
գաւորաց իւրեանց, այնպիսեացն տուեալ լինիցի
ազատ կամք՝ գնալ ապահովութեամբ, ուր և կամք
իւրեանց եղիցին և որ ի նոցունց մնացելոց իցէ
ի հպատակութեան կայսեր ուուսաց, ունիցի զրոյս
կատարեալ զի վայելել ունի զմեծ ողորմութիւն
նորա լիազոյն ապահովութեամբ, իսկ՝ որ ոք
կամիցի յամառիլ յուսով քաջամարտութեան
իւրեանց և ոչ յօժարեացի յառաջ քան զփորձա
պատերազմութեանց հոգ ունիլ վասն ի բաց
հեռացուցանելոյ զինքն ի հակառակութեանց և ի

թշնամութեանց ընդդէմ ահաւոր զօրաց սիեզերա-
սասան կայսերութեան ամենայն ռուսաց, այն-
պիսիքն ունին մատնիլի սուր աններելի վրէժիըն-
դրութեամբ։ Ապաքէն պարտաւորութիւն ինձ
համարեալ փութամ յայտնել ձեզ այժմ, զի ամեն-
այն կարելի եղանակաւ հնարս հնարեսջիք ծանու-
ցանել եղելոցն ի բերդի ընտանեաց ձերոց և
ամենայն ծտութից վասն այնպիսի կարգադրու-
թեանց կամաց զլսաւոր կառավարչին զօրաց
ռուսաց, զի որք կարողքն լինիցին հոգ կալցին
հեռացուցանել զանձինս և հանել ի պարսպաց
բերդիցն զինքեանս և ապրեցուցանել զկեանս
իւրեանց։*)

Ճկ.

Ներսիսի այս կոչը գրուեցաւ սեպտեմբեր
12-ին. Սարդարաբադի պաշարումը սկսուեցաւ
13-ին, իսկ ոմբակոծումը՝ 18-ին։

Միքանի ժամուայ պաշարումից յետոյ՝ հա-
յերը նախ խնդրանոք, ապա թախանձանօք ստի-
պում էին չասան խանին անձնատուր լինել։
Խանը թէև անձնատուր չեղաւ, սակայն նոյն
երեկոյեան մթութեան մէջ փախաւ բերդից իւր-
զօրքերի հետ միասին՝ Երևանի ճանքան բռնելով։

Խանի փախուստը ոսներին իմաց տալու
նպատակաւ մի հայ վազեվազ եկաւ բանակը և
կանչեց «սալդաս իդի, սարդար ստորայ»;**)

*) Պատմ. Հայոց կաթող. եր. 98.

**) Ամենայն հայոց կաթող. եր. 302.

Հեծելազօրքի մի մասը հետամուտ եղաւ
չասան խանին բռնելու, բայց ճանապարհը՝ մթու-
թեան մէջ՝ կորցնելով ունայնաձեռն յետ գարձաւ՝
գերի վերցնելով միմիայն 250 սարբազ։

Հասան խանի հեռանալուց անմիջապէս յետոյ՝
Սարդարաբադի հայերը բերդի դուռները բացին
և ոսներին ներս հրաւիրեցին։

Հայ ժողովուրդն ու հոգևորականութիւնը
խաչ ու խաչվառով դիմաւորեց և բերդի մէջ
ընդունեց Պասկեվիչին, որի ձեռքն անցան բացի
13 թնդանօթներից և այլ պատերազմական մթերք-
ներից, այլ նաև հացի մեծ պաշար*):

Պասկեվիչը, ի հարկէ, անմիջապէս ազատ
թողեց ինչպէս հայ, նոյնպէս և վրացի ու գերմա-
նացի (Կատերինֆէլտ կօլօնիայից) այն գերիներին,
որոց պարսիկները ժողովի բերդն էին տարել։

Վրացի գերիների մէջն էր Սպիրիդոն էսաձէ
անունով մի պատանի։ Ներսէսը սրան որդեգրելով
ուղարկեց իր հիմնած Ներսիսեան դպրոցը, որի
դասընթացը աւարտելուց յետոյ՝ էսաձէն մտաւ
պետական ծառայութեան մէջ և մինչև ժանդարմի
գեներալի պաշտօն ստացաւ։

Էսաձէն եօթանանական թուականներում
Թիֆլիզում մեռաւ. նա երախտագէտ էր դէպի
Ներսիսի յիշատակը և բարեկամ ու համակրող
հայերին։

Ճկ.

Նւաճած Սարդարաբադ բերդի պահպանու-

*) Ակտы, VII. եր. 561.

թիւնը մի վահու ոռւս զօրքի և հայկական գնդին յանձնելով՝ Պասկեվիչը վերցրեց մնացած զօրքը և Ներսիսի հետ գնաց Երևանի վրայ։ Սեպտեմբերի 25-ին չորս կողմից սկսուեցաւ և Երևանի բերդի ոմբակոծումը։^{*})

Բայց ոմբակոծումից առաջ էլ, նրա տեղութեան միջոցին էլ, Ներսէսը, ըստ յանձնաբարութեան Պասկեվիչի, անդադար բանակցում էր թէ քաղաքի և թէ բերդի մէջ գտնուած հայերի հետ, որոց թիւը 12 հազարի էր համառում և որոց մի մասը պարսիկները շըջականերից էին ժողովել բերել, որպէսզի ոռւսները նրանցմով չօգտուին։ Ժողովածների թւումն էր և էջմիածնի միաբանութեան մի մասը։

Սակայն պարսիկների հաշիւը սխալ Երևեցաւ։ Մի տեղ ժողոված հայերը չդադարեցան դարձեալ աջակցել ուսներին, որքան որ հնարաւորութիւն ունէին։ Իսկ զրանց գրդողը, ինչպէս ասացինք, Ներսէս Աշտարակեցին էր։

Հայ կտրիճները անդադար տանում և բերում էին Ներսիսի կոչերը, նրա նամակներն ու պատասխանները։

Կողմնակի կերպով յիշենք, որ հայ կտրիճներից միմեայն մէկը, — Աստուածատրեան ազգանունով, — Ներսիսի խոռովարար կոչերը բաժանելիս՝ բռնուեցաւ յանկարծ։

Պարսիկները նրան թնդանօթի մէջ դրին և կըսկ տուին։

*.) Ակտы, VII, եր. 564, № 523.

Այս թշուառ մարդու կնոջը Պասկեվիչը արւեց միանուագ 30 ոսկի. 30 ոռուբի էլ տարեկան կինսաթոշակ նշանակեց։

Այսպիսով ահա մի կողմից Ներսիսի կոչերըն ու խոսառումները և միւս կողմից ոռւսաց թնդանօթները, վերջի վերջոյ, սահմեցին ժողովրդին և սրա բուռն պահանջմամբ նաև Հասան խանին, որ Սարդարի — իր եղբօր փոխարէն ինքն էր բերդը պաշտպանում, անձնատուր լինել։

Քաղաքի դռները բացուեցան և ոռւսաց զօրքը ներս մտնելով՝ իրաւունք ստացաւ միքանի ժամ շարունակ կողոպտել ժողովրդին, ի հարկէ, անխտիր, հայերին էլ, թուրքերին էլ։

Հասան խանը, ուրիշ 7 խաների և 4000 սարբազի հետ՝ գերի ընկան։ Ուսների ձեռքն անցաւ նաև 4 դրօշակ 49 մեծ և 50 փոքր թնդանօթ։

Երևանի առման հետևեալ օրը՝ Երևանի պարսպի առաջ՝ Պասկեվիչի և ոռւսական բոլոր բանակի ներկայութեամբ՝ Ներսէսը մեծ հանդիսով գոհաբանական մաղթանք կատարեց հոկտեմբեր ամսոյ 2-ին։

Քաղաքի բնակիչներից՝ հայերը իրանց գերդաստաններով շարուել էին բերդի, արդէն խախտուած, պատերի վրայ և հանդիսին մտիկ անում։

Մաղթանքը վերջանալիս՝ ոռւսաց բոլոր թնդանօթները միաժամանակ որոտացին։ Որոտմունքից օդը դղըրդաց։ Պատերից մի երկուոր

փուլ եկան, իրանց տակ սպանելով՝ տասնեկաւոր
հայ ընտանիքներ։*)

ՃԼԵ.

Այն օրը, երբ Ներսէսը Երևանի առման
պատճառաւ՝ գոհաբանական մաղթանք էր կատա-
րում, — ճիշտ նոյն օրը՝ գեներալ իշխան իրիստովը,
ոռւսական մի փոքրիկ բանակով Աբբաս Միրզին
հալածելիս՝ պարսից Մարանդ քաղաքն էր համնում
և առանց արիւնհեղութեան տիրում։

Մարանզից Աբբաս Միրզան փախուստ տալով
դէպի Խոյ՝ Թաւրիզ հրաման ուղարկեց, որ այն-
տեղ եղած ուազմամթերքը դուրս հանեն՝ ոռւսաց
ձեռքը չձգելու համար։

Սակայն գահաժառանգի այդ հրամանից
առաջ՝ մի գունդ զօրք Մուրավեօվի հրամանատար-
ութեամբ՝ Թաւրիզի առաջ կանգ առաւ, ճանա
պարհին պատահած հայ գիւղերի բնակիչները
դիմաւորում էին ոսներին և նրանց համար եղ
և ոչխար մորթում։ Հոկտեմբերի 12-ին, նոյն
օրն ևեթ իշխան էրիստովը ևս եկաւ միացաւ
Մուրավեօվին։

Ոռւսաց բանակը տեսնելով՝ Թաւրիզի բնակիչ-
ներին ահ և սարսափ տիրեց։ Գժտութիւն ծա-
գեցաւ բնակիչների և սարբազների մէջ, որոնք
խումբ-խումբ սկսեցին փախչել, իսկ քաղաքացիք

ոչ յարմարութիւն և ոչ էլ ցանկութիւն ունէին
պաշտպանւելու։

Եւ ահա հոկտեմբերի 13-ին՝ Թաւրիզի
դոները բացւեցին և ոռւսաց զօրքին դիմաւո-
րելու համար՝ գուրս եկան նշանաւոր քաղաքա-
ցիներ, պարսից Մուրավեօվը և հայոց հոգեոր-
ականութիւնը խաչ ու խաչվառվէ։*)

Մուրավեօվը, որ պարսկերէն և հայերէն
ազատ խօսում էր և որ վերջերում Կովկասի
կառավարչապետ եղաւ, միիթարելով և յուսա-
դելով իրան դիմաւորողներին՝ պատուիրեց
խաղաղ մնալ։

Միքանինախազգգուշութիւններիցյետոյ՝ ոռւ-
սաց զօրքը հանդիսաւոր կերպով մտաւ Ատրպա-
տականի մայրաքաղաքը և իր ձեռքը ձգեց բացի
բազմաքանակ ուազմական մթերքից և 2 դրօշա-
կից նաև 40 հատ թնդանօթ։

ՃԼԲ.

Պասկեվիչը միանգամայն տեղեկութիւն չու-
նէր ոչ էրիստովի Մարանդ համնելուն, ոչ էլ
յետոյնը և Մուրավեօվի՝ միացեալ բանակներով
Թաւրիզ մտնելուն և տիրելուն։

Եւ հենց որ լսեց՝ իսկոյն հետը վերցնելով
իր բանակի հեծելազունդը՝ շտապեց դէպի Մա-
րանդ և այդտեղից Թաւրիզ, ուր շատ շքեղ հան-
դիսով մուտք գործեց հոկտեմբերի 19-ին։

*) Ամենայն հայոց կաթող. եր. 394.

*) ԱԿՏԱ, VII. 568 № 526.

Պասկեվիչը, որքան որ մի կողմից ուրախ էր թւում Թաւրիզի առմամբ, այն էլ այնքան դիւրութեամբ, նոյնքան ցաւումէր՝ որ Ատրպատականի մայրաքաղաքի առումը՝ իր ձեռով չըկատարուեցաւ:

Այդ իսկ պատճառով, և մասամբ իր փառասիրութեանը յագուրդ տալու համար, Պասկեվիչը նախ և առաջ՝ էրիստովին էլ, Մուրավեօվին էլ պարգևատրել տուեց, բայց յետու տապաշեց՝ էրիստովին բանակից հեռացնելով, իսկ Մուրավեօվին Ռուսաստան փոխդրել տալով,

Թերևս մեր ընթերցողներին յայտնի է, որ վրաց արքայազն իշխան Աղէքսանդրը՝ ոսների դէմ ապսպամբելով պարսից կողմն էր անցել և նրանց զօրքերի հետ կովում էր ոսների հետ բոլոր ժամանակ:

Ուսները Թաւրիզ մտնելիս՝ արքայազն Աղէքսանդրը գնացած էր տաճկաց Վան քաղաքը, ուր և հրոսակներ էր կազմում քիչ ժամանակից յետոյ կայանալի ոռւս տաճկական պատերազմում ոռւսաց դէմ գործելու նպատակով:

Արքայազն Աղէքսանդրի կինը, Մարիամ անունով, 23 տարեկան մի գեղեցկուհի, երեսնի յայտնի Մելիք Սահակ Աղամալեանի աղջիկն էր և ոռւսների Թաւրիզ մտած ժամանակ այնտեղ էր՝ իբրև իր ընակութեան մշտատեղին:

Կասկածելով մի գուցէ իշխանուհի Մարիամը Թաւրիզ մնալով տեղական հայերի վրայ, իր ամուսնոյ հրահանգով, որոշ ազդեցութիւն գործէ

ընդդէմ ոռւսաց, — Պասկեվիչը Մարիամին, իր հերակլ որդու հետ, Եղեան իր հօր տունը ուղարկեց:^{*)}

Այս այն Մարիամն էր, որ 80 թուականներում Թիֆլիզում վախճանուելով վանքի մայր եկեղեցամ թաղուեցաւ: Ճլթ.

Թաւրիզի վեր առնելը մեծ տպաւորութիւն գործեց թէ Զահի և թէ ամբողջ Պարսկասանի վրայ:

Ուստի պարսիկները ձեռնամուխ եղան հաշտութիւն կնքելու:

Սկսուեցան երկար բարակ բանակցութիւններ, հրամանատարների և նրանց հաւատարմատարների տեսակցութիւններ, բանակցութիւններն ընդհատուեցան յանկարծ, պատերազմը վերսկսուեցաւ, բայց, վերջի վերջոյ, պարսիկները չկարողանալով այլևս ոռւսաց յառաջնաղացումն արգելել՝ լսեցին Անդիհայի բարեկամական խորհրդին և 1828 թուականին փետրուարի 10-ին կնքեցին պատմութեան մէջ յայտնի Թիւրքմէն-չայի հաշտութեան դաշնագիրը:^{**)}

Թիւրքմէն-չայի դաշնագրութեամբ Երեանի և Նախիջևանի խանութիւնները դարձաւ ոռւսաց

*) Ամենայն Հայոց Կաթող. եր. 317. և 4 Ակտы, VII, եր. 568 № 527.

**) Այդ դաշնադրութիւնը հայ թարգմանութեամբ հանդերձ տես Ակսակով սобр. ակտ գրքի եր. 270—278

սեպհականութիւն։ Բացի դնանից Պարսկաստանը վճարեց 10 դուրուր կամ 20 միլիօն բուրլի պատերազմական ծախք։*)

Նոյն դաշնագրով (յօդ. 12) երկու տէրութեանց հպատակներին, որոնք Արաքսի այս և այն կողմը անշարժ կալուածներ ունէին, իրաւունք էր տրվում, երեք տարուայ ընթացքում, ազատօրէն ծախել կամ փոխանակել ըստ իրանց կամաց։ Իսկ 15-րդ յօդածով Ատրպատական աշխարհի բոլոր բնակիչներին մի տարի ժամանակ էր տրվում ազատաբար անցնելու պարսից աշխարհներից ոռւսաց գաւառները։ Նրանց թոյլ էր տրվում նմանապէս դուրս տանել կամ ծախել իրանց շարժական գոլքը, իսկ անշարժ կալուածները ծախելու համար տրվում էր հինգ տարի ժամանակ։

Թիւրքմէն-չայի դաշնագրի այս յօդուածները խմբագրուած էր յատուկ հայերի համար՝ թէն դաշնագրի մէջ հայ անուն չկայ յիշուած, այլ Ատրպատականի բնակիչ։

Հէնց դաշնագրի այդ յօդուածների տրամագրութեամբ էլ Պասկեվիչը՝ իրան աջակից և զօրավիդ ունենալով ներսէս արքեպիսկոպոսին, անմիջապէս ձեռնամուխ եղաւ պարսկահայերի գաղթեցուցմանը։

Ճի.

Մենք տեսանք, որ նախ քան պատերազմի սկսուելը պարսիկ կառավարութիւնը Արարատ-

*) Ակտы VII Եր. 540 № 502

եան դաշտի հայկական գիւղերի բնակիչներից շատ շատերին գաղթեցրեց Պարսկաստան, որպէսզի նրանք պատերազմի ասպարէզից հեռու մնալով չկարողանան այս կամ այն կերպով Ռուսերին օգնելու։

Ժողովրդի գաղթմամբը երկիրը, բնականաբար, ամայացաւ։

Աւելացրէք դրան՝ վրայ հասած պատերազմը իր տեսակ-տեսակ աղէտներով և դուք ճիշտ գաղափար կը կազմէք այն ամէն աւերմունքի և ամայութիւնների մասին, որ պատերազմը վերջանալուց յետոյ տիրում էր Արարատեան գաշտի երեսին, առաւելապէս նորանւաճ Երևանի և Նախիջևանի խանութիւններում, որոնք այնուհետեւ ի պաշտօնէ կոչուեցան Հայկական նահանգ (Արմանսկая область)։

Արդ՝ այդ աւերւած, ամայացած ու խոպանացած երկրին վերստին կենդանութիւն տալու համար անհրաժեշտ էր Պարսկաստանից յետ բերել՝ ինչպէս մի տարի առաջ այնտեղ քշուած հայերին, նոյնպէս և այնտեղի բնիկ հայերին։

Այս էր ահա Պասկեվիչի միակ նպատակը երբ Թիւրքմանչայի դաշնագրութեան մէջ՝ գաղթականութեան նկատմամբ յայտնի պարբերու, թիւններ էր մտցնում։

Եւ որպէս զի հայերի գաղթականութիւնը անարգել և շուտ գլուխ գայ, Պասկեվիչը ներսէս Արքեպիսկոպոսի օգնութիւններովը չբաւականալով՝ Ռուսաստանից իր մօտ բերել տուեց, իր

առանձին յանձնարարութեանց աստիճանաւորի պաշտօնով, մեծահամբաւ Լազարեան տոհմի ներկայացուցիչներից մինին, որ էր Ղազարոս Յովակիմեան, — Լազար Եակիմովիչ — Լազարեանց, որ թէև 28 տարեկան հազիւ կը լինէր, բայց արդէն գնդապետի աստիճան ունէր:

Լազարեանի հետ՝ Պասկեվիչը Մոսկուայից բերել տուեցնակ Սերոբէ վարդապետին, որ Կաթոլիկութիւնից վերադարձած Եփրեմի կաթողիկոսութեան հենց առաջի տարին Էջմիածին գալով միաբան զրուեցաւ և քիչ ժամանակից յետոյ՝ գնաց Մոսկուա Լազարեան ճեմարանում ուսուցչութեամբ պարապելու:

ՃԽԱ.

Լազարեան գնդապետը Պասկեվիչին գտաւ Նախիջեանում, իսկ երբ նա Կրասովսկուն օդնելու նպատակաւ գնաց Էջմիածին, — Լազարեանը մնաց իշխան Երիտովի բանակում։ Եւ նրա ու Մուրավեօվի հետ Թաւրիդ մտաւ, որտեղի հայերը տեսնելով իրանց նախակին հայրենակից Լազարեանների տոհմի Երիտասարդներկայացուցչին, ոգեսրուեցան և պատրաստ էին նրա ամեն մի առաջարկութիւնը կատարելու։

Երբ Պասկեվիչը Թաւրիդ եկաւ, իսկոյն Լազարեանին քաղաքապետ նշանակելով գաղթականութեան գործը նրան յանձնեց առանձին, յատուկ հրահանգով։

Եյդ հրահանգի մէջ ասուած է որ Լազարեանը իրա համար ընտրում է օգնական պաշտօնեաներ (կամ հայեր կամ հայերէն իմացողներ), որոնց ուղարկում է քրիստոնէաբնակ գաւառները գաղթականութիւնը ղեկավարելու։

Հարկ չէ ոչ ոքի ստիպել կամ բռնութեամբ գաղթեցնել, այլ համոզել, որ քրիստոնեայ կայսեր հապատակութիւնն ընդունելով՝ նրանք խաղաղ և երջանիկ կեանք կը վայելեն։

Յուսադրել նրանց, որ գաղթելով ոռոսաց Երկիրը առուտուրով պարապողները կարող են բնակուել քաղաքներում և այնտեղի առևտրականների հետ միևնույն իրաւունքները վայելել — իսկ երկրագործները բաւականաչափ հող կը ստանան և վեց տարի ազատ կը լինեն հարկերից և երեք տարի բեգարից։

Եյն գաւառներից, որտեղից ոռոսաց զօրքերը շուտով պիտի գուրս գան, նամանաւանդ Մարդարայից, հարկ է, որ թնակիյներն էլ շուտ զայթեն, որովհետև զօրքերի գնալուց յետոյ՝ պարսիկները կարող են նրանց նեղացնել և արգելել։

Ուրմիայի և Խոյի գաւառները առժամանակ պիտի մնան ոռոսաց ձեռքում իբրև գրաւական, մինչև որ պարսիկները վճարեն զայմանաւորուած գումարը, ուրեմն այս տեղերից կարող են զաղթել մինչև մայիսի վերջը։

Ամեն մի գաղթող զիւղ կարող է իր կողմից մի հաւատարմատար թողնել, որ նա պայմանագրուած ժամանակում կարողանայ ծախել գաղթողների անշարժ կալուածները։

Գաղթողները պէտք է շարժուեն տեղներից ամբողջ գիւղերով, խումբ-խումբ, ամեն մի խումբը 150—300 գերդաստան։

Գաղթականները պիտի բնակուին նախնանի և Երևանի գաւառներում, իսկ մի քանի գիւղերի բնակիչներին թոյլ է տրվում գաղթել Ղարաբաղ։*)

Այս հրահանգների հետ Պասկավիչը Լազարեանին 25,000 ըուբլի յանձնեց չքաւոր ընտանիքներին դրամական օգնութիւն տալու համար, բայց ոչ աւելի քան 10 ըուբլի, և այն էլ տաս տարուայ մէջ վերադարձնելու պայմանով։

ՃԽԲ.

Նորանւաճ Երկրի կառավարութեան համար Պասկեվիչը մի „ժամանակաւոր կառավարութիւն“ էր սահմանել Երևանում՝ նախադահութեամբ ժենեռուալ կրասովսկու. անդամներից մէկն էլ ներսէս Արքեպիսկոպոսն էր։

Հէնց այս „ժամանակաւոր կառավարութեանն“ էլ Պասկեվիչը հրամայել էր մի յանձնաժողով կազմել, որ պէտք է ցոյց տար գաղթականներին իրանց բնակուելու տեղերը և ընդհանրապէս օգնէր նրանց տեղաւորելու։

Այդ Յանձնաժողովին ևս հրահանգ էր տըրածած, բացի դրանից նաև իրաւունք, որ տուն շնուրու համար փողի կարտութիւն ունեցողնե-

*) Այդ հրահանգը տես, «Ծօր. Ակտօն» I. էր. 151—161.

րին՝ 10-ից մինչև 20 ըուբլի փող տայ այն պայմանով, որ 10 տարուայ մէջ վերադարձնեն արքունի գանձարանին առանց տոկոսի։

Այս կարգադրութիւններն ու հրահանգները տալուց յետոյ Պասկեվիչը կամենալսվ թոյլ չտալ ներսիսին որևէ ինքնազլուխ կարգադրութիւն անել, կամ միջնորդութիւն յարուցանել՝ մարտի 28-ին նրան մի այնպիսի նամակ գրեց*) «Գիտենալով որ Արքալատականից գաղթելու ցանկութիւն ունեցողներից շատերը ձեր սրբազնութեանն են զիմում և խնդրում, որ նրանց տեղ տաք Երևանի աշխարհում, ես հարկաւոր եմ համարում ուղարկել ձեզ՝ գնդապետ Լազարովին և Երևանի ժամանակաւոր վարչութեանը տւած հրահանգներիս պատճենները. և կատարելապէս կը յուսամ, որ ձերդ սրբազնութիւնը, ձեր ունեցած տեղեկութիւններով և խորհուրդներով կ'օգնէք Երևանի վարչութեանը յաջողութեամբ կատարելու այս գործը։

ՃԽԳ.

Այս ամենից յետոյ Լազարեանի կագգադրութեամբ ուղարկած բանակի շատ սպաներ, մեծաւ մասամբ հայեր, ցրւեցան հայաբնակ գիւղերը և սկսեցին ժողովրդին շարժել։

Ինքը՝ Լազարեանը իւր անունից մի կոչ հրատարակեց և Պարսկահայերի մէջ ցըւց։ Կոչը գրւած է ուերէն և հայերէն՝ գրաբառ, ու

*) «Ծօր. ակտօն» I. էր. 462.

ըլ մենք աշխարհաբառի վերածելով առաջ ենք
բերում այստեղ, տեղ տեղ, բառերը մեր կողմից
ընդգծելով։
«Քրիստոնեաներ, —այսպէս է սկսւում Լա-
զարեանի կոչը, —ինձ հասած հաւասափ լուրերից
տեղեկանում եմ, որ անբարեմիտ մարդիկ ոչ
միայն անմիտ և սուտ լուրեր են տարածում,
այլ և վախեցնում են դէպի օրհնաբանեալ Ռու-
սաստանը գաղթել ցանկացողներին։ Եւ դրանով
վերջիններիս սրտի ցանկութեան իրագործմանը
արգելք դառնում»։

«Այս ամէն սնոտի լուրերն ու երկիւղը
փարատելու համար ես, իրեն հայ ազգի հաւա-
սարմատարը, համաձայն մեր սպարապետի (Պաս-
կեվիչի) ինձ վրայ դրած պարտաւորութեան, սը-
րանով ահա յայտնում եմ ձեզ, որ Ռուսաց մե-
ծահոգի կայսրը ձեզանից գաղթել ցանկացողնե-
րին տալիս է իւր պետութեան մէջ՝ խաղաղ եր-
շամիկ և ապահով ապատանարան Նախիջևա-
նում և Ղարաբաղում, ուր որ ինքներդ ցանկա-
նում էք։ Եյդ տեղերում դուք կստանաք մեծ
տարածութեամբ արգասաբեր, հացալից հողեր՝
որոյ մի մայն արգէն սերմանւած է և որոնցից
հաւաքած պաղի մի տասներորդական մասը միայն
դուք գանձարանին տալու պարտաւոր կը լինէք։
Վեց տալի շարունակ դուք ազատ կը մնաք
ամէն տեսակ հարկաւութիւնից, իսկ ձեզանից
աղքատները՝ դրամական օգնութիւնն էլ կստա-
նան։»

(Այս կողմերում անշարժ կայքեր ունեցողնե-
րը՝ իրանց լնաւնից ուղարկելուց յետոյ՝ կարող
են իրանց հաւատարմատարները թողնել այստեղ
որպէս զի նրանք այդ կայքերն հինգ տարւայ ըն-
թացքում վաճառեն այստեղ, ինչպէս որ Թիւրք-
մէնչայի դաշնագրութեամբ որոշած է*):

Զեր նշանակած հաւատարմատարների ա-
նունները և ձեր կայքերի ցուցակը՝ ես կըներ-
կայացնեմ Նորին Բարձրութիւն Աբբաս Միրզի
ծօտ եղող՝ մեր դեսպանին կամ գործակալին,
որպէս զի նրանք, ձեր հաւատարմատարները, որ-
պէս մեր կայսեր հպատակներ, Նորին Մեծու-
թեան բարձր հովանաւորութեան տակ գտնւին։

Ռուսաստանում դուք կունենաք կրօնի ա-
զատութիւն և իրաւունքների հաւասարութիւն
կայսեր միւս հպատակների հետ։ Եւ կը մոռա-
նաք այն ամեն վշտերն ու նեղութիւնները, ո-
րոց մինչև հիմայ համբերել էք։ Այնտեղ դուք
կը գտնէք մի նոր հայրենիք քրիստոնեաներոի
քնակեցրած և ձեր սուրբ կրօնը այլ ևս ոչ մի
ձնչման չի ենթարկեի։ Այնտեղ դուք կապրէք

*) Պարսկահայերը և նրանց սրտացաւ զեկավարողները Լա-
զարեանի այս խօսքերը հաւած իւղի տեղ ընդունեցին և կատարե-
ցին։ Մինչդեռ աեսէք թէ այդ խօսքերին ինչպէս վերաբերեցին
Նեստորականները։ Ահա Լազարեանի իրան սեպհական խօսքերը
Պասկեվիչին տւած նրա տեղեկադրից (եր. 168): «Ամրապտակա-
նում բնակող բազմաթիւ Նեստորականներից, —առանձին ջանք
ու աշխատանք գործ գնելուց յետոյ, —հազիւ հազ ևս կարողացայ
հարիւր տուն գաղթեցնել, թէպէտ և ամէն ջանք գործ դրի, մին-
չև իսկ դրամական մեծամեծ նպաստ էլ խոստացայ, ամէնքին
գաղթեցնելու։ Սակայն ջանքերս ապարդիւն անցան։ Գաղթած 100

օրէնքի հովանաւորութեան տակ և կղդաք նրա բարերար ազդեցութիւնը: Վերջապէս դուք այնտեղ ձեր բարեկեցութիւնը կը կարգաւորէք, այժմեան ձեր կրած չնշին զոհողութիւնների փոխարէն՝ հարիւրապատիկ վարձատրութիւնով:

Ճշմարիս է, դուք թողնում էք հայրենիքը, որ ամէնքի համար առհասարակ սիրելի է, սակայն այս միակ միտքը, որ դուք քրիստոնեայ պետութեան մէջ էք ապրելու, թող ձեզ բերկրանքով ու ցնծութեամբ լեցնէ:

Պարսկաստանի զանազան գաւառներում ցըրւած քրիստոնեաները՝ մի տեղ կը հաւաքւեն և ձեզանից ով կարող է գիտենալ թէ Ռուսիոյ Մեծ Կայութը ինչո՞վ է վարձատրելու ձեր անձնւիրութիւնը:

Շտապեցէք, ժամանակը թանկ է: Ռուսաց զօրքերը շուտով Պարսկաստանի սահմաններից կը հեռանան, այն ժամանակ կը դժւարանայ ձեր գաղթումը և այնուհետև մենի յենի կարող երաշխաւորել ձեր ապահովուրիննը: Կարճ ժամանակով և քիչ բան զոհելով, դուք ձեռք կըքերէք ամէն բան և ընդ միշտ 30-ն մարտի 1828 ամիս Ուրմիա^{*)}»:

տուն Նեստորականների մէջն էին երկու յայտնի և շատ ազգեցիկ մելիքներ,—Սարիստա և Ալաւերդի անունով, որոնց եռ նշանաւոր դումար տուի: Գալով միւս Նեստորականներին, —նրանք դրականաբար յայտնեցին թէ իրանք երեխ և եղեներից չեն շարժել մինչև որ Ռուսաց կառավարութիւնը չվճարէ Ատրպատականում եղած իրանց անշարժ կաքերի արժեքը».

^{*)} Собрание актовъ относящихся къ исторіи арм., нород. Մասն II. եր. 163—166.

Ճի՞՞.

Իր հերթում Ներսէս արքեպիսկոպոսն էլ երկու հոգեորական ուղարկեց Պարսկաստան, որոնք պէտք է նպաստէին գաղթականութեանը^{*)}:

Այդ հոգեորականներն էին՝ Ստեփան Եպիսկոպոս Ենովքեան և Ղարաբաղցի Նիկողայոս վարդապետը, որոնք ամենուրեք շրջելով՝ յորդորում և համոզում էին ժողովրդին ազգասիրութեան անունով անշուշտ գաղթել, թօթափել պարսկական լուծը և անցնել ազատ տէրութեան՝ Ռուսաստանի ազատ երկիրը:

Այդ միջոցին Սալմաստի և Յարդուղիմէոս վանքի վանահայրն էր ոմն Խորայէլ Եպիսկոպոս: Այս հոգեորականը գաղթականութիւնը ազգակործման բան համարելով՝ ախոյեան կանգնեց Ներսիսի ուղարկած հոգեորականների հանդէպ և արձակ համարձակ յաղորդում էր հայերին տեղներիցը Հարժեել:

Խորայէլ Եպիսկոպոսի այս վարմունքը դիւր չեկաւ Ներսէս Աշտարակեցուն, որ փութաց մարտի 27-ին 1828 թ. Պատկեվիչին առաջ ամբատանել իր կարգակցին հետևեալ գրութեամբ:

«Այն անձինք, —գրում էր Ներսէսը, —որոց ես ուղարկել էի համոզելու և ճանապարհ ձգելու Ատրպատականից գէպի ոռւսաց սահմանները գաղթող հայերին՝ տեղեկացնում են ինձ թէ Խորայէլ Եպիսկոպոսը, որին էջմիածնի Հոգեորա-

^{*)} Акты, VII, եր. 609 № 570.

կանութիւնը նշանակել է Սալմաստի ո. Բարդու-
ղիմէոսի վանքում, մոռանալով իր ժիւտնէա-
կան պարտականուրինը, զաղսնի նենգուրեամբ
եւ բացարձակ սպաննալիիներով արգելում է
հայոց այս կողմը գաղթելու եւս եւ ուրիշ անկար-
գուրիններ է անում*):

«Վասն որոյ,— շարունակում է Ներսէսը,—
համաձայն հայոց պատրիարքի ինձ տած իշխա-
նուրեամբ հայոց բոլոր հոգեւոր գործերը կա-
ռուավարելու համար, ես խնդրեցի այնտեղի զօ-
րավար ժենեռալ մայեօր իշխան Զավչավաճէին,
որ գրէ Խոյի բերդապետին՝ յիշեալ Իսրայէլ ե-
պիսկոպոսին զինւորների խիստ հսկողութեամբ
ուղարկել էջմիածնի վանքը հոգեոր դատի են-
թարկելու և այս դէպքում ամենաին՝ յշաշշւել
նրա ասիհանն անպատճեղուց, որովհետև մինչև
որ նա չարդարացնի այստեղի հոգեորականու-
թեան առաջ իր գնացքը, մինչեւ այն ժամանակ
արժանի չէ իր աստիճանին վայել պատւի։ Այժմ
ես տեղեկանում եմ, թէ Խոյի բերդապետը պա-
տասխանել է, որ առանց ձերդ պայծառափայ-
լութեան հրամանի չի կարող կատարել իմ պա-
հանջմունքը։ Վասն որոյ ամենախոնարհաբար
խնդրում եմ հրամանագրել ում հարկն է, որ
շատափոյթ ուղարկեն Իսրայէլ եպիսկոպոսին**):»

*) Ներսէսը, սովորաբար, սիրում էր իրա հակառա-
կորդներին տապահելու համար կառավարութեանը դիմել և չէր
քաշում նրանց նոյնինկ զբարտելու։

**) Ակты, VII, եր. 607, № 568.

Ներսէսի այս գրութեանը Պասկեվիչը այս-
պէս պատասխանէց՝ «Ես ցաւում եմ, որ դուք՝
տեղեկանալով Սալմաստի Իսրայէլ եպիսկոպոսի
ամբարեմիտ վարմունքի մասին, չէք բարեհաճած
ուղղակի ինձ դիմելու։ Այն միջոցին ես Թաւրի-
զում զինելով՝ ամենայն յարմարութեամբ կարող
էի կատարել ձեր ցանկութիւնը։ Բայց այժմ ես
շատ դժւարանում եմ ձեր պահանջմունքը Իս-
րայէլ եպիսկոպոսի մասին լցուցանել, վասնզի
թէկ Խոյի գաւառը մի առժամանակ գրաւ է
թողնած մեզ մօտ, մինչև որ պարսիկները կը
վճարեն իրանց պարտքը, այնուամենայնիւ ա-
ռանց Սբբաս Միրզայի համաձայնութեանը չի
կարելի ոչ ոքի դուքս քշել, որովհետեւ դրանով
պարսից տէրութիւնը իրաւացի կերպով կարող է
բողոքել, որ մենք խախտում ենք դաշնադրու-
թիւնը։ Այդ պատճառով Ներկայ հանգամանքնե-
րում ես աւելի ոչինչ չկարողացայ անել բացի
այն, որ հրամանագրեցի ժենեռալ Պանդրատեվին
աշխատել համոզել Իսրայէլ եպիսկոպոսին, որ նա
գայ Ներկայանայ ձերդ սրբազնութեան՝ իր ա-
րարմունքի համար արդարանալու կամ դատա-
քննելու, Հրամագրեցի նաև յայանել նրան, որ
եթէ չշտապի գնալու, այն ժամանակ նա կը
զրկի իր ասիհանից եւ ես սիփողական կեր-
պով կը պնդեմ Սբբաս Միրզային, որ հարկադրէ
նրան գալ էջմիածին։ Սակայն կարծելով, որ

ձեզ ստորագրեալ հոգեսրականաց շրջանում
սորանից առաջ էլ երբեմնապէս պատահած պիտի
լինին պարտաւորութեանց այսպիսի օրինաղանցու-
թիւնք, ես կը ցանկայի գիտենալ, թէ ինչ եղանա-
կով էին դատի ենթարկում այդպիսի անբարեմիտ
անձինք և թէ Հայոց հոգեոր բարձրագոյն
իշխանութիւնը ինչ միջոցներ էր գործ դնում
ըմբոստացողների դէմ»*):

ՃԽԶ.

ԺԵՆԵՐԱԼ Պանգրատեվը՝ չկարողանալով
համոզել իսրայէլ եպիսկոպոսին յօժարակամ էջ-
միածին գնալու, աշխատեցաւ և ձեռք բերելով
Պասկեվիչին ներկայացրեց իսրայէլի՝ մի նամակը
յանուն Սալմատոի պարսիկ կառավարիչ Մուստա-
ֆա-բէգին, որ ոսներին ծածուկ համակրող էր
և ուզում էր գաղթել այնուեղ։ Իսրայէլը իր
նամակով համոզում էր Մուստաֆա-բէգին, որ
ոչ ինքը գաղթէ և ոչ էլ հայերին թոյլ տայ որ
գաղթեն։

Իսրայէլ եպիսկոպոսի այդ նամակը իր ձեռ-
քին գէնք առած՝ Պասկեվիչը որոշեց իր նախկին
ցանկութիւնը ի կատար ածել՝ այս է իսրայէլին
կարգալոյծ անել տալ։ Ուստի և 1829 թ. մայիսի
31-ին, № 1460 գրութեամբ դիմեց ուղղակի
Եփրեմ կաթողիկոսին, որին հաղորդելով Ներսիսի,
Չափշավաձէի և իրան ու Պանգրատեվի միջև եղած
վերոյիշեալ թղթերի բովանդակութիւնը և իսրա-

*.) Акты, VII, եր. 608, № 569.

յէլի՛ Մուստաֆա-բէգին գրած նամակի իմաստը,
իր գրութիւնը Պասկեվիչը եղբափակում է այս-
պէս՝ «Իսրայէլի եպիսկոպոսի այսպիսի անբա-
րենիս վարունեցը դէպի մեզ եւ վնասակար
ազդեցուրիւնն Հայոց վրայ, ստիպում է ինձ
ամենախոնաբար ինդրել Զերդ Վեհափառու-
թիւնից քննութեան ենթարկել այս հոգեորականի
արարքը և արդեօք չէք բարեհաճիլ պատշաճաւոր
համարել կարգալոյծ անել նրան եպիսկոպոսական
աստիճանից, որ նա ի յարն է գործ դնում, կամ
թէ մի ուրիշ պատճի ենթարկել»*):

Եթէ մեր ընթերցողները յիշում են՝ Պասկե-
վիչի նման մի ժամանակ էլ Երմօլովն էր պահան-
ջում Գանձասարի Սարգիս եպիսկոպոսին պատժել
գրեթէ համանման, կարծեցեալ յանցանքի համար։
Գառնանք գաղթականներին։

ՃԽԷ.

Թիւրքմանչայի հաշտութեան դաշնագիրը
կապելուց երկու տարի յետոյ մի ուսւ պաշտօն-
եայ Պասկեվիչին, ի միջի այլոց, գրում է՝
«Անցեալ 1827 թուի պատերազմի անմահ գործե-
րից մէկն է անշուշտ պարսկահայերին գաղթեց-
մելլ»։

Տեսնենք թէ այդ անմահ գործը ինչպէս
գլուխ եկաւ։

Մենք գիտենք, սիրելի ընթերցող, որ գաղ-
թականութիւնը ղեկավարելու գործը՝ Պասկեվի-

*) Акты VII եր. 632 № 603.

Հը յանձնել էր գնդապետ Ղազարոս Ղազարեանին,

Սա էլ իրան համար ոռւսաց բանակի միջից օգնականներ էր ընտրել հայ ազգի սպաներ դ հայերենագէտ այլազգիներ:

Ներսէս Աշտարակեցին էլ իր կողմից երկու կուսակրօն հոգեորականներ էր ուղարկել իրանց կողմից գնդապետ Ղազարեանի օգնականներին աջակցելու: Վերջերում այդ հոգեորականների վրայ աւելացան և մի քանի այլ վարդապետներ, նոյնիսկ ազգեցիկ քահանաներ:

Արդ՝ ոռւս կառավարութեան այդ աշխարհական և հոգեորական, հայ ազգի և այլազգի գործակալները, — ագենտները, — ցըռւեցան Պարսկաստանի ամեն մի հայաբնակ վայրերը, նոյնիսկ պարսից մասի Քիւրդստանի խորշերը, և սկսեցին հայերին դուրս քշել դէպի ոռւսաց նորանւաճ գաւառները՝ Է որ համոզելով և է որ ստիպելով:

Հաշտութեան դաշնագիրը, ճիշտ է, գաղթականութիւնը նախատեսել էր, բայց գաղթումը թողած էր ժողովրդի ազատ կամքին և ընտրութեանը:

Սակայն ի՞նչ խօսք կարող է լինել ազատութեան մասին, երբ խօսքի քամակին կանգնած է ոյժը, բոնութիւնը:

Թէ արդարե պարսկահայերի գաղթը ըստ մեծի մասին արւեստական կերպով սկսւեցաւ և գլուխ եկաւ, այդ մասին գոյութիւն ունեցող

բազմաթիւ պատմական փաստերից^{*)}) թարգմանաբար դնում ենք այստեղ պարսիկ գահաժառանգի մի նամակը ոռւսաց գորքերի Պանդըրատեվին^{**)}:

«Բարեհաճութեամբ ծանուցանում եմ,—զըրում էր Աբբաս Միրզան, — Ձեր գերազանցութեանը, որ Սալմաստում եղած ոռւսաց զօրքերի մեծաւորների մասին յաճախ ինձ լուրեր են համում, որ նրանք ամեն միջոց գործադրում են Սալմաստի հայերին գաղթեցնել՝ նրանց նեղելով և երկիւղ տալով, որով և համում են իրանց նպատակին:

Ամենայն օր ես տեղեկութիւն եմ ստանում որ հայերին բոնութեամբ քշել են տալիս: Եւ այդ տեղեկութիւնները ճիշտ են. ես նրանց հաւատ եմ ընծայում, որովհետև գաղթել ցանկացող հայերը, որ արդէն ձգել թողել են իրանց անշարժ կայքերն ու կալուածները, հեշտութեամբ կը յայտնեն իմ աստիճանաւորներին իրանց իսկական ցանկութիւնը»:

«Որովհետև Խոյի նահանգը մինչ օրս ձեր ձեռքին է, ուրեմն ձեր կողմից միանգամայն աւելորդ է նահանգի ամեն մի հայաբնակ գիւղը աստիճանաւորներ ուղարկել, որտեղ նրանք ստի-

*) Գնդապետ Ղազարեանի տեղեկագրից, որ 1829 թւի դեկտ. 24-ին նա ներկայացրել է Պասկեվիչին (սօբ. ակտօն, եր. 166—182) պարզ երկում է թէ, ինչպէս ինքը Ղազարեանը, նոյնպէս և նրա նշանակած հայ և հայախօս սպաները, 1828 թւի փետրվարի 28-ից մինչև յունիսի 11-ը որբան և ի՞նչ միջացներ են գործ դրել գաղթականութեանը գլուխ բերելու համար:

**) ԱԿՏԸ, VII, եր. 615.

պում են գաղթել ռուսաց երկիրը։ Ես կարծում
եմ, որ գաղթել ցանկացող հայերը՝ առանց ձեր
աստիճանաւորների ստիպման էլ կարող են գաղ-
թել։

Զեր գերազանցութեանը ի հարկէ յայտնի
են հաշտութեան պայմանները և զօրքերի դիմա-
ւոր հրամանատարի կամքը, որ, կարծեմ թէ,
հակառակ է ձեր վարմունքին։ Երեխ նա դժգոհ
կը լինի իր ստորագրեալների այդ վարմունքից։

Այս պատճառով ահա ես Սալմաստ եմ ու-
ղարկում Միրզա Մասուդին՝ յանձնարարելով նը-
րան պարզօրէն ծանուցանելու հայերին, որ նը-
րանը ազատ են գաղթելու կամ չգաղթելու։

Իսկ ձեզ ծանուցանում եմ, որ ձեր ստո-
րագրեալների արարմունքը հակառակ են թէ
հաշտութեան դաշնագրին և թէ երկու տէրու-
թիւնների նպատակին։ Հետևաբար հաճեցէք հը-
րամայել ձեր ստորագրեալներին վերջ դնել ի-
րանց արարմունքներին։ Իմացած եղէք, որ
ճնշման կամ ստիպման մասին ոչ բերան չէր
բաց անիլ, եթէ որ հայերը իրանց յօժար կամ-
քովը գաղթէին և ձեր աստիճանաւորներից գաղթ-
ման տոմսակներ ստանային։

Ես յոյս ունիմ, որ ձեր գերազանցութիւնը՝
իւր գործունէութեան ժամանակ պարտ ու պատ-
շաճ արդարութիւնը ձեռքից բաց չի թողնիլ»։

Ճիւլ.

Ահա նոյն հարցի առթիւ Աբբաս Միրզի և

մի այլ նամակը՝ գնդապետ լազարեանին ուղ-
ղած, որ մենք ռուսերէնից վերածում ենք հա-
յերէնի։

«Ստացայ Զեր ազնւութեան նամակը, որով
արդարացնում էք Զեր գործունէութիւնը հայե-
րի գաղթման հարցի մասին, որ ժենեռալ Պաս-
կեվիչի կարգադրութեամբ, ասում էք, Զեզ է
յանձաքարւած։ Այդ յանձնարարութիւնը ինձ
արդէն յայտնի էր։ Գիտէի, որ կառավարութեան
հրամանաւ՝ այդ գործը Զեզ է յանձնւած։ Սա-
կայն երկու տէրութեանց մէջ եղած դաշնագրու-
թեան պայմանները և երկու կայսրների բարե-
կամական յարաբերութիւնը պահանջում են,
գաղթել ցանկացողներին արդելք չդառնալ։ Այդ
հիման վրայ՝ ես ոչ մի արդելք չհանեցի այն մի
քանի թաւրիզեցի հայերի առաջ, որոնք ռուսա-
կան զօրքի այդ քաղաքից հեռանալուց և իմ
այնտեղ մտնելուց յետոյ, եկան և ինձ իրանց
ցանկութիւնը յայտնեցին թէ ուզում են գաղ-
թել։ Եւ գաղթեցին։ Իսկ դուք հակառակը վար-
ւեցաք։ Որտեղ որ ռուսական զօրք կար, տեղա-
կան հայերին ստիպեցիք գաղթել՝ իբրև թէ յօ-
ժարակամութեամբ։ Իայց եթէ խղճով դատելու
լինենք, անկարելի է ենթագրել, որ մի քանի
հազար ընտանիք սրանց և ինքնայօժար կամ-
քով յանկարծ թողնեն իրանց հազարաւոր տա-
րիների հայրենիքը, իրանց կայքերը, իրանց այ-
գիներն ու տները՝ բոլորովին տկլոր և անտէր
մնալու համար»։

«Զեր ասելով հայերը ցանկանում են գաղթել։ Սակայն երկու տեսակ ցանկութիւն կայ։ առաջինը՝ երբ ժողովուրդը իւր ցանկութիւնը ինքը կը արտայայտէ, իսկ երկրորդը՝ երբ այդ ցանկութիւնը երկիւղի և ստիպման հետևանքն է լինում։

Հաշտութեան դաշնագլում յիշւած ցանկութիւնը՝ յիշածս ցանկութիւններից առաջինն է։ Ուստի և ինձ զիմող Թաւրիզեցի հայերին՝ ես ինքս անցաթուղթ տւի։ Իսկ դուք, բարեծնունդ տէր, երկրորդ տեսակի ցանկութեան վրայ էք յենուում։ Դրա ապացոյցը այն է, որ գաղթման պարագլուխ հանդիսացան քահանաները։ Իսկ քահանաներին այդ պատւէրը տրւեցաւ էջմիածնում նստող առաջնակարգ եպիսկոպոսից (Ներսիսից), որ քահանաներին սպառնացել էր թէ բոլորին էլ կարգալոյծ կանէ և խիստ պատասխանատութեան կենթարկէ, նոյնիսկ հանդերձեալ կեանքում։

Հէնց այժմ, երբ Զեր ազնւութիւնը Սալմաստումն էք գտնուում ձեր զօրքերով, վերջիններս խստութեամբ փող են պահանջում այն հայ գիւղացիներից, որոնք գաղթել չեն ցանկանում, մինչդեռ գաղթել ցակացողներից ոչ միայն ոչինչ փող չէք պահանջում, այլ ընդհակառակը դեռ գուք ինքներդ էլ նրանց փող էք տալիս։ — Արդեօք խղճի ամենափոքը նշոյլ անգամ կայ այս գէպքում։ Էլ սրանից էլ աւել աշկարայ ստիպմունք կամ բռնութիւն կարող

է միթէ լինել։ Այն հայ գիւղերը, որոց բնակիչները գաղթել չեն ուզում, դուք այնքան զինւորներ և զազախներ էք ուղարկում, որոնցից սաստիկ նեղւելով ժողովուրդը թողնում հեռանում է հայրենիքից։

Զեր Ազնւութիւնը թող ինքը խղճի մտօք վկայ է թէ ո՞րքան քաղաքներ և ո՞րքան գիւղեր դուք ինքներդ շրջեցաք և անձամբ տեսաք թէ ոուս զօրքը ինչ աստիճան ճնշում և ստիպում է հայերին։ Այժմ, երբ արդէն պատերազմը վերջացած է և երկու տէրութիւնների մէջ հաշտութիւն և խաղաղութիւն է տիրում, — արդեօք ուրիշը ինչ նպատակ ունեն ձեր այդ եռանգուն շրջագայութիւնները գիւղից գիւղ, եթէ ոչ յորդորելու և խրախուսելու հայերի գաղթը՝ հակառակ գաշնաղրութեան և բարեկամութեան։ — Այս տեսակ վարմունքը՝ շատ տղեղ բան է և ժողովրդին ստիպմամբ զրկանքների ենթարկելն նոյն իսկ Աստծոյ հակառակ գործ է։

Զեմ կարծում թէ արդարասէր, ճշմարտասէր և վեհանձն Զեր մեծ կայսեր բաւականութիւն պատճառէ բարեկամ տէրութեան հետ Զեր այսպէս վարւիլ։ Զեմ կարծում նմանապէս, որ ժենեռալ Պասկեվիչն ևս Զեղանից գոհ մնայ։ Եթէ դուք արդարութիւնից չ'կամենաք շեղւել, չէք կարող ժիտել, որ այս գաղթականութիւնը երկիւղի և բռնութեան արդիւնք է։

Մինչև հիմայ Զեր գործունէութեան մասին ես լուս էի, սակայն ձեր նամակը ստանալով

հարկաւ որ համարեցի համառօտակի սրանով պատասխանել Զեզ: Մի և նոյն ժամանակ Ծուսական Տէրութեան այստեղի ներկայացուցչին ևս յայտնեցի*):

ՀԱՅԹ.

Պէտք էր կարծել, որ այդքան եռանգով հայ ժողովրդին Պարսկաստանից դուրս բերող ոռու կառավարութիւնը, յանձին Պասկեվիչի, որքան և իցէ նախապատրաստութիւն կտեսնի ինչպէս նրանց իրանց նոր հայրենիքը հասցնելու, նմանապէս և նրանց այնտեղ տեղաւորելու նկատմամբ:

Ոչ այս և ոչ այն: Պասկեվիչին հարկաւոր էր ժողովուրդ՝ իր նւաճած նոր երկիրները մշակելու, ծաղկեցնելու համար:

Մնացածը թնդ ինքը այդ ժողովուրդը հոգայ, — կարծես այսպէս էր մտածում Պասկեվիչը և ինքը քաշւում գնում թիֆլիդ՝ միքանի տասնեակ հազար ըուբլի տալով կազարեանին ի նըպաստ գաղթականների:

Այդ իսկ պատճառաւ այն թշւառների զոհաբերութիւնը՝ անօրինակելի էր: Նրանք թողել էին իրանց տուն ու տեղը, պատւական այգիները, ցանած դաշտերը, հացով լի ամբարները և ձմրան ցրտին (փետրւար ամիսն էր), ամենամեծ մասամբ ոտքով, շտապում էին դէպի Սրաքս:

*.) Կրակի օբզօր իշտ. արմ. պարտա, մասն VII, էլ. 207-209:

Ծերունիները իրանց ուսերի վրայ երեխաներին էին կրում, իսկ կնանիք, երկու-երեք օրւայ պաշար: Եւ այն հարուստ գիւղականը, որ երէկ փարթամացած էր ամեն մի բարիքով՝ այսօր յետին չքաւորի պէս՝ ոտքով տանում էր իր բազմաթիւ գերգաստանը՝ յուսալով թէ Սրաքսի ձախ ափում եղեմական դրախտը պիտի մտնի: Հայերի հարստութիւնը Պարսկաստանում՝ նրանց անշարժ կալւածներն էին, որ հիմա թողնում էին նրանք անտիրական: Ծախել չէին կարող, որովհետև պարսից կառավարութեան գաղտնի թելազրութեամբ՝ արգելւած էր հայերից որևէ է կալւած գնելը:

Ամենաունկոր անձինք անգամ դրամ չունէին ձի կամ աւանակ առնելու և մանր երեխաներին բարձելու: Լզար, անպիտան աւանակները 10—15 ըուբլիով չէին ճարվում և դրամ ունեցողները ևս մնացել էին տարակուսած: — Պասկեվիչից ստացած 25,000 ըուբլին Լազարեանը ըստիպւած էր դրամ չունեցողներին բաժանել 5—5 ըուբլիով, որպէս աղքատի՝ ողորմութիւն: Բայց երբ այդ դրամն էլ հատաւ, Լազարեանը ստիպւած էր թիֆլիզի հայ վաճառականների օգնութեանը դիմել, նրանցից 2000 ոսկի փոխ առնելով:

Ահա թէ որպիսի տառապանքներով գաղթականները Սրաքսն անցան, մտան ոռուսաց երկիրը:

Իսկ նրանց դրութեան մասին Սրաքսի այս

ափում թող խօսի ինքը գաղթականութեան դեկապար կազարեանը:

Ահա նրա № 237 գրութիւնը յանուն Պատկեվիչին^{*}):

ՃՇ.

«Շտապում եմ զեկուցանել Զեր պայծառափայլութեանը, որ ժենեաալ Պանդրատեվը ինձ գրած թղթերումը հաստատում է այն լուրերը, որ ես լսած էի Երաքսն անցնող հայերի դրութեան մասին: Հաստատում է որ Նախիջևանի և Երևանի գաւառներում հացի մեծ պակասութիւն կայ և տեղական իշխանութիւնը ոչ մի օգնութիւն չի կարողանում հասցնել մինչև անգամ այն 700 տուն հայերին, որոնք Մարաղայից գաղթեցին: Այս գերգաբատանները թողին ամեն ինչ և ամենից շուտ գաղթելով՝ չկարողացան վերցնել իրանց հետ մինչև անգամ իրանց սընդեան համար հարկաւորեալ հացը:

Իմ գրութիւնը շատ ծանր է: Յայտնի է, որ գաղթականներին օգնելու գործը յանձնւած է Երևանի ժամանակաւոր կառավարութեանը, որից ևս ոչ մի տեղեկութիւն չունիմ և չգիտեմ թէ ինչ անեմ:

Եթէ որ գաղթականութիւնը դադարեցնեմ, սրանով ևս ձեր կամքի հակառակ շարժած կը լինիմ: Իսկ եթէ փորացնեմ, զուիս բերեմ

առսկում եմ, որովհետեւ այս թշւառ գերդաստանն ները որ ամեն բան թօղնելով մեղ հետևեցին, դաժան սօվին զոհ կը դառնան:

Միակ ելքը, իմ կարծիքով, այս է, որ մենք դրական նպաստը շատացնենք, որպէսզի գաղթականները կարողանան հարկաւոր թւով կենդանիներ գնել՝ իրանց հացերը բեռնելու համար: Իսկ հաց՝ այստեղ շատ կայ, և միևնույն ժամանակ, էժան էլ է:

Այս անհրաժեշտ է գոնէ ձմեռայ համար, այսինքն մինչև նոր հունձը:

Սակայն, դժբաղդաբար, ես այդ դրական նպաստն էլ չեմ կարող տալ, վասնզի Զեր նշանակած նպաստազրամից ես միմիայն 8000 ոսկի եմ ստացել, որից, ըստ ձեր նախընթաց հըցամանի, 1500 ոսկի տւել եմ Թաւրիզի բնակիչներին: Մօտս մնացած գումարը բաւականութիւն չի անում՝ ոչ թէ գաղթականներին օգնելու, այլ նոյնիսկ սրանց տեղներիցը շարժելու, եթէ մինչև անգամ ընդունելու լինինք, որ որպանց համար այդտեղ, մեր նորանուած երկրումը, ամեն ինչ պատրաստ կը լինի»:

ՃՇ.Ա.

Լազարեանից և միւսներից ստացած այսպիսի բովանդակութեամբ գրութիւնները ստիպեցին Պասկեվիչին № 937 գրութեամբ զիմելու... Ներսէս արքեպիսկոպոսին՝ մեղագրելով թէ նա ինչու սկզբում առատօրէն խոստանում

*.) Ակտե, VII, եր. 611, № 573.

էր գաղթականների ծախքերը հոգալու՝ արքունի գանձարանին առանձին ծանրութիւն չպատճառելով, իսկ հիմա չի օգնում, եւ որովհետև, աւելացնում է Պասկեվիչը, —իւր հերթում գանձարանը ևս անկարող է օգնել, ուստի դարձեալ ներսիսին իրան եւ հայ հոգեւորականութեանն է մնում՝ հետեւ միջոց գտնել գաղթականներին սովամահ լինելուց ազատելու*):

Ընթերցողի սեպհական խորհրդածութեանը թողնելով Պասկեվիչի այս տրամադրութիւնն ու բարեխճանութիւնը, մենք կարդանք Լազարեանի մի այլ նամակը նոյն Պասկեվիչին՝ գրւած 1828 թ. մայիսի 21-ին Նախջևանից:

«Սրաքմն անցնող գաղթականների խղճալի գրութեան մասին՝ Խոյից եկողների**) միջոցաւ ինձ հասած տեղեկութիւնները՝ իբր թէ նրանք առանց հացի են մնացել և բաց երկնքի տակ, ինձ ստիպեցին շտապով գնալ այստեղ — Նախջևան։

Որքան էլ որ ինձ հասած լուրերը չափազանցեցրած էին, անուամենայնիւ եթէ Հայկական Նահանգական վարչութիւնը շուտափոյթ և կտրուկ միջոցների չդիմէ, գաղթականները անկարագրելի թշւառութիւնների կենթարկւեն։

Հայկական Կօմիտետի բաժանմունքը, որ

*) Ակտե, VII, եր. 615 № 582.

**) Դրանցից մէկն էր Անգլիական գեռապանատան քարտուղարը. որ հրապարակաւ կշտամբում էր գաղթականներին դեկամերներին՝ նրանց դատապարտելի և անիլոց անտարբերութեան համար։

այստեղ բացւած է շտապս կապիտան Նէվէրովսկի 2-րդի նախագահութեամբ՝ չնայած այս մարդասէր սպայի ցանկութեանն ու եռանդին, ոչ մի միջոց և նարաւորութիւն չունի գաղթականներին նախիջևանի գաւառում տեղաւորելու և հետզետէ եկող խմբերին միւս գաւառներն ուղարկելու։

Ընդ սմին՝ այստեղի կառավարութիւնը գաղթականներին տեղ չի յատկացնում բնակութեան համար՝ ասելով թէ գիւղերը պատկանում են կամ այստեղի էքսան իւանին և կամ նրա աղգականներին և թէ ամբողջ գաւառում միմիայն երեք գիւղ կայ. որ արքունի են։

Մեր կառավարութեան կամքը, որ Զեր պածառափայլութիւնը ծանուցած էր ինձ, թէ գաղթական քրիստոնեանները վեց տարի ժամանակաւ ազատւած են ամեն տեսակ հարկերից և բեգաններից, այստեղ չի գործադրվում, և ամեն մի մորթած կենդանու համար այստեղի կառավարութիւնը մի ոռութի է ստանում, որպիսի հարկ ոռուսական ոչ մի նահանգում գոյութիւն չունի*):

Համարձակւում եմ խնդրել Զերդ պայծառափայլութիւնից՝ բարեհաճել միջոց ցոյց տալ Հայկական Նահանգների Վարչութեանը և Կօմիտէտին, որ գաղթականներին տեղաւորեցնելու առթիւ Զեր արձակած հրամանները ճշտութեամբ կատարւին, որպէսզի Ռուսաստանի այս նոր և

*) Ակտե, VII, եր. 629.

աշխատասէր հպատակների գրութիւնը փոքր
ինչ բարւոքւի*):

ՃԾԲ.

Ահա մի այլ նկարագիր գաղթականների
ցաւալի գրութեան, որ տալիս է գաղթականաց
յանձնաժողովի նոր նշանակւած աւագ անդամ
իշխան Մովսէս Երկայնաբազուկ-Արդութեանը՝
Պասկեվիչն ուղղած № 368 յայտարարութիւ-
նում**):

«Դաղթականների բնակած տեղերը շրջելուց
յետոյ, — գրում է իշխանը, — ես կատարելապէս
համոզւեցայ, որ չնայած գանձարանից նրանց
տւած նպաստին՝ գաղթականները այնուամեռ
նայնիւ ամենամեծ կարօտութեան մէջ են:

Կարիք կայ գլխաւորապէս նախ՝ սերմացւի
Հայկական նահանգում, ուր արդէն 6500-ից ա-
ւելի գերդաստուն են տեղաւորել, առաջիկայ
1829 թւականում սովի առաջն առնելու համար
ամենաանհրաժեշտ է առնւազն 12 հազար չետ-
վերտ ցորեն և գարի: Մի չետվերտի գինը, մի-
ջին թւով, 6 ըուբլի հաշւելով կանի 72,000 ը.:

Երկրորդ՝ գաղթականների մէջ 2500 գեր-
դաստուն կայ, որոնք ուտելու ոչինչ չունեն:
Արդ՝ անհրաժեշտ է գրանց հաց տալ: Մէն մի
գերդաստանին կերակրելու համար՝ պէտք է տալ
3 չետվերտ պրոսո, որի գինը 2 ըուբլի հաշւե-

լով կանէ 15,000 ըուբլի: Ընդամենը ուրեմն
87,000 ըուբլի:

Այս գումարը, որ Զերդ պայծառափայլու-
թիւնից ես խնդրում եմ, ամենաանհրաժեշտն է
և ամենաչափաւորը: Առանց այս գումարին՝ ան-
հնարին է ազատ մնալ այլեալ անախորժ դէպ-
քերից:

Եթէ գրութիւնը այսպէս շարունակւի՝ գաղ-
թականների մի մասը անշուշտ՝ յընթացս երկու
տարւայ**), յետ կը գառնայ իւր նախկին հայ-
րենիքը:

Միւս մասը, որի հաւատն ու սէրը դէպի
թագաւոր կայսրն աւելի հաստատուն է, ան-
շուշտ զո՞ն կը գնայ իւր այս ազնիւ զգացմունք-
ներին:

Իսկ երրորդ մասը, որ իւր նախկին հայրե-
նիքի առաւելութիւններով գուցէ չի շանալ և
տոկունութեամբ կը տանի իւր այս նոր հայրե-
նիքի դառնութիւններին, — այդ մասն էլ ստիպ-
ած կը լինի երկար, շատ երկար սպասել իւր
վիճակի բարւոքմանը:

Ի վերջոյ պարտք եմ համարում յայտարա-
րել Զերդ պայծառափայլութեան, որ գաղթա-
կանների օգտին խնդրածս գումարը՝ այստեղ
պէտք է հասուցանւի նախօրօք, այն է առաջի-

*) Թիւրքմանչայի դաշնագրի գօրութեամբ՝ 2 տարւայ ըն-
թացքում ցանկացագները կարող են մի երկրից՝ միւսը գաղթել:
Բայց յետոյ Գրիբօեդովը բացատրեց և Պասկեվիչը ի պաշտօնէ
հրատարակեց, որ մի անգամ ուռւաց երկիրն եկողը՝ այլևս երա-
ւունք չունի յետ գառնալու: (Ակտы, Ալ, 645, № 619).

**) Ակտы, VII, եր. 627, № 596.

**) Ակտы, VII, եր. 645, № 619.

կայ սեպտեմբեր ամսւայ ընթացքում, ի հակառակ դէպս՝ ես անկարող կը լինեմ արդարացնել ձեր ընտրութիւնը*):

ՃՇԳ.

Հազարեանի, իշխան Արդութեանի, ևս և Դրիբոեդովի և ուրիշների կողմից հասած այս ամեն դառն նկարագրութիւնները կարդալով Պասկեվիչը եթէ ոչ պատասխանատութիւնից՝ գէթ անախորժութիւններից իւր անձը ապագայում ազատ կացուցանելու համար՝ հետեւեալ № 141 գրութիւնը ուղղեց Պետերբուրգ կոմս Դիպիչին:

«Դիտենալով թէ որքան դժուարին գործ է բազմաթիւ ժողովուրդ մի տեղից միւս տեղ փոխադրել՝ նամանաւանդ առանց որևէ նախապատրաստութեան և միջոցների և տեղափոխել ժողովրդին մի այսպիսի երկիր, որ սեպհական միջոցներ չունի, ընդ նմին պատերազմի պատճառու աւերւած էլ է, — ես չեմ կարող չնախատեսնել այս ամեն զրկանքները, որին կարող էին ենթարկել Ծորպատականից մեր կողմերը գաղթող միքանի հազար գերդաստուններ:

Երեանի նւաճելուց յետոյ՝ կարգադրւած և հաւաստիացւած էր, որ ներկայ գործում առանձին դժւարութիւն չի լինիլ և որ քրիստոնեա-

*.) Ասացինք, որ իշխան Արդութեանը նշանակւած էր գաղթականաց յանձնաժողովի աւագ անդամ:

ների գաղթումը, բացի Ռուսաստանին անպայման օգտակար լինելուց, կառավարութեանը առանձին հոգս չի պատճառիլ և ծախսի տակ չի ձգիլ:

Ի վերայ այսը ամենայնի ես այս գործի (գաղթականութեան) մանրամասնութիւնների մէջ շմտայ, մինչև որ հայ հասարակութիւնները իրանք, — Ատրպատականը մեր գրաւելուց յետոյ, — լատուկ հաւատարմատարներ էին ուղարկել ինձ մօտ, որոնք Դէյ-Կարխանում ինձ ներկայանալով խնդրեցին ինձ թոյլ տալ գաղթել մեր նոր նւաճած երկիրը՝ առանց որևէ պահանջի, առանց որևէ պայմանի, այլ միմիայն իբրև ըստորհ, ողորմութիւն*):

Ժողովրդի թախանձանքը լսելով և միևնոյն ժամանակ, համոզւած լինելով, որ նորանւաճ, դատարկ երկիրն այս ժողովրդի նման հու, աշխատասէր և ըստ հաւատոյ մեզ նւիրւած տարրով լեցնելն՝ կարող է Ռուսաստանին մեծ օգուտ բերել — ես երեսփոխաններին (ժողովրդի հաւատարմատարներին) վաղաքելով՝ իրաւունք

*) Պասկեվիչը մոռացել էր, երկի, որ գաղթականութիւնը յաջողեցնելու համար՝ Լազարեանին ինքն էր բերել տւել: Ինքն էր իւր սպաներին հայրենակ վայրերը ցրել, որ հայերին գաղթեցնեն, ինքն էր Խորայէլ եպիսկոպոսին պատժել ցանկացողը, վերջապէս ինքն է, որ, մի ժամանակ զրում էր նախարարին՝ և թէ մինչև 7 հազար հայ ընտանիք պարսկաստանից մեր սահմաններն անցան, — այդ ոչ թէ ներսիսի կարծեցեալ ազգեցութեանը պէտք է վերագրել — ալ գաղթականութեան համար իմ նշանակած սպանների ժրութեանն ու եռանդին, և նա մանաւանդ այն գրամական օգնութեանը, որ ես վճռեցի տալ գաղթականներին (Ակտы, VII, 260).

տւի գաղթել, բայց բնաւ երբէք ես նրանց չյուշ
սաղբեցի թէ իրանց որեւ տուանձին օժանդակ
կութիւն կամ այլ օգուտ կը լինի, բացի որոշ
շեալ ժամանակ հարկերից նրանց ազատ թողնելը:
Զնայած այս ամենին, չնայած Պարսիկների
կողմից կատարւած հակառակ գործողութիւննե-
րին՝ քրիստոնէից գաղթումը Ատրպատականից
դէպի մեր երկիրը,—ինչպէս ստացածս գեկու-
ցագրերը ցոյց են տալիս,—արագ կերպով է ըն-
թանում:

Եւ մինչ օրս Ղարաբաղում տեղաւորել են
279 գերդաստուն, իսկ Երևանի նահանգում 948
գերդաստուն: Գալով գաղթականների ընդհանուր
թիւն՝ ըստ վկայութեան Լազարեվի՝ 5000 գեր-
դաստունից աւելի է»:

Ապա թւելով գաղթման յաջողութեանը նը-
պաստող պարագաները, Պասկեվիչը շարունա-
կում է՝ «գաղթման այս յաջողութիւնը տեսնե-
լով հանդերձ և այս գաղթականութիւնից սպա-
սելի ակնյայտնի օգուտները մեր տէրութեան
համար գնահատելով հանդերձ ես միենոյն ժա-
մանակ չեմ կարող չնախատեսել*) ապագայ
դժւարութիւնները և խոշոր ծախքերը, որոնք
անխուսափելի կը դառնան գաղթականներին տե-
ղաւորելու ժամանակ:

Որովհետեւ հարկ կը լինի դրանց կերակրել
ի հաշիւ արքունի գանձարանին ոչ թէ միայն
մինչև այս տարւայ հունձը, այլ նաև մինչև գալ
տարւայ հունձը:

*) Ել ինչ նախատեսնեւ երբ արդէն իրողութիւն էր:

Բացի կը ամից՝ պէտք կը լինի գաղթական-
ներին սերմացու տալ, իսկ այդ ինձ համար շատ
և շատ դժւար է նետևեալ պատճառներով. Նախ՝
Երևանի և Նախիջևանի գաւառները, որ գաղ-
թականների բնակատեղ է յատկացրած, անցեալ
պատերազմի երեսից բոլորովին աւերւած լինե-
լով հացի բաւարար պաշար չունին:

Երկրորդ եղած պաշարն էլ ես յատկացրած
եմ ի անունդ զօրքին, որ իմ ուշադրութեան ա-
մենագլխաւոր առարկան է:

Երրորդ՝ տաճկական պատերազմը արգելք է
դառնում հաց գնել հարեան տաճկաց գաւառնե-
րից, որոց մեծ պաշար կայ: Եւ չորրորդ՝ Պար-
սիկները նոյնպէս ակամայից և դժգոհութեամբ
են թոյլատրում իրանց երկիրներում հաց գնելը:

Եյս ամենը ի նկատի առնելով ես թէպէտե
քրիստոնեաններին սովի չմատնելու համար,
ամեն միջոց ի գործ դրել եմ և մինչև անգամ
պատիրել եմ գնդապետ Լազարեվին, որ իրանց
տեղերից շարժւել չթոյլ տայ այն քրիստոնեա-
ներին, որոնք անկարող են իրանց հետ հաց
վերցնել մինչև նոր հունձը, այսինքն՝ մինչև յու-
լիսի մէկը, վասն զի աւելի լաւ է այդ քրիստո-
նեաններին Պարսկաստանում թողնել, քան թէ
մեր երկրում նրանց սովի և տառապանքների
մատնել*), այնուամենայնիւ ես չեմ կարող ե-
րաշխաւորել, որ բոլոր գաղթականներին ես կա-

*) Արդէն մատնած, պըծած էին, երբ Պասկեվիչը գրում
էր այդ սովերը:

բող կը լինեմ կերակրել այնքան ժամանակ, մինչև նրանք իրանց ցանածներով կարող կը լինեն կերակրւել. Եւ ակնյայտնի տեսնում եմ, որ նըրանց կերակրելու համար՝ մեծամեծ ծախքերի պէտք կան. թէպէտև ես ամեն կերպ կաշխատեմ, որ բարձրագոյն հաճութեամբ գաղթականութեան համար նշանակւած գումարի քանակութիւնից աւելի ծախք չանեմ*):

ՃԾԴ.

Մինչդեռ մի կողմից Պասկեվիչի և նրա ըստորագրեալների և միւս կողմից Պասկեվիչի ու մինիստրի մէջ այս ապարդիւն գրագրութիւններն էին տեղի ունենում,—գաղթական ժողովուրդը այստեղ և այստեղ թափւած, մերկ. սոված տապում ու տապակւում էր, ինչպէս ասում են, ինքը իւր իւրով:

Գաղթող ժողովրդի ընդհանուր թիւը հասաւ 8249 տան կամ մօտ 45,000 հոգու:

Այդ ահազին բազմութեանը կառավարութեան կողմից տրւած նպաստի համագումարը հասաւ ընդամենը 90,000 բուրլու, ուրեմն, միջին թւով, ամեն մի հոգուն երկու բուրլի, այն ևս՝ 10 տարւան ընթացքում վերագարձնելու պայմանաւ:

Այսպիսի նպաստները, այս տեսակ ինսամատարութիւնը, բնական է, որ գաղթականների համար ոչ մի խորուրդ և նշանակութիւն չու-

նէին: Եւ, խեղճէր, նրանք ճանճերի նման կոտորվում էին:

Տէրութեան կատարած վիճակագրութիւնից երեցաւ, որ կարճ ժամանակում 8249 պարսկահայ գաղթական գերդաստնից մնացել էին 6946 գերդաստուն, պակասել էր 1303 գերդաստուն կամ 10,000 հոգի:

Այսպէս թէ այսպէս գաղթականներին մի կերպ տեղաւորեցին՝ 7—8 հարիւր գերդաստուն երեանում, նախիջևանում և Օրդուբաթում, իսկ մնացածը Արարատեան դաշտի գիւղերում.—առաւելապէս Գառնի-Բասար, Դարձիչասար, Դարձագեղ, Կարբի-Բասար, Զանգի-Բասար, Շարուր և Սուրմալու և այլն*):

Գաղթականների տեղաւորումն էր, ի հարկէ առանց նեղութիւնների, առանց զրկանքների և զոհողութիւնների չկատարւեցաւ:

Այդ ամենի մասին ևս մեր ընթերցողներին մի թեթև գաղափար տալու համար քաղում ենք մի ուսւ պաշտօնէի, — Զուբարեօվ ազգանունիվ, Պասկեվիչին գրած տեղեկագրի հետևեալ տողերը: Զուբարեօվը գրում է 1830 թ. ապր. 20-ին**):

«Հայերը մի ժողովուրդ են, որ այս երկրում (խօսքը Ղարաբաղի մասին է) ամենից շատ են հաւատարիմ մեր տէրութեանը և կարելի է

*) Թէ պարսկաստանի և թէ վերջերում տաճկառանի գաղթականների թւի մասին, նոյնպէս և մանրամասն աղիւսակի մասին տես սօբր. ակտու, I մասն եր. 182, 185 և 387.

**) Ակտե VII եր. 460—465, № 411 և 413. և և Ամենայն Հայոց կաթող. եր. 333—335.

ասել, նրանք ամենաազնիւն են գոնէ հասարակ ժողովուրդի մէջ։ Պարսկաստանից գաղթած հայք նշանաւոր են օրինակելի աշխատասիրութեամբ։ Նոցա մեծ մասը արհեստաւոր են, շատ օգտաւէտ և շատ հազւագիւտ կովկասում։

Դժբաղդաբար այս օգտակար ժողովուրդը՝ յափից դուրս մնայիլում է Ղարաբաղում։

Մի կողմ թողնելով բնիկ հայերին, որոնք կեղեքում են թիւրք բէզերից, կը յիշեմ միայն գաղթականների մասին։ Ղարաբաղի տեղական (ոռուս) իշխանութիւնը Հայոց դէմ մի ինչ որ նախապաշտմունք ունենալով, աններելի կերպով նեղացնում է Արանց և մինչև այժմ Արանց յունեն հաստատ բնակութիւն։ Նրանց տեղ են շատ անքերրի հողեր, իսկ Մեղրի Գեօնէյի մահալում տած հողերն ել շատ քիչ են...

Որպէս ապացոյց թէ որպիսի թշւառ դրութեան մէջ են գաղթականները Ղարաբաղում, կը յիշեմ հետևեալը։ Տեղական (ոռուս) իշխանութեան կարգադրութեամբ՝ Մարաղայի հայերը սկզբում բնակութիւն ստացած էին, այժմ աւերակ, թերդա (Պարտաւ) քաղաքում։ Այստեղը, որ մի դաշտ է և անտառներում եղած զանազան թունաւոր սողունները այստեղ մահւան տեղ էին գարձնում կատարելապէս։ Մարաղեցիք՝ զով և առողջ կիմայի սովոր լինելով՝ չէին կարող տանել արեգակի խանձոր տապը և հիւանդանում էին։

Դիւղի տանուտէրը իզուր էր աղաչում թոյլ

տալ իրանց տեղափոխւել լեռնային կողմերը։ Նրանց թափանձանքները առանց հետևանքի մը նացին։ Զունենալով ոչ ջուր, ոչ էլ կերակուր, բնակւելով բաց երկնքի տակ և ենթարկւելով արեգակի կիզիչ տօթին, դժբաղտ հայերը զոհ գլնացին մահւան։

Ելեք ամսւան ընթացքում նրանցից մեռան 1012 հոգի։

Դեռ բաւական չէր. շրջակայ քոչող թուրքերը, գաղթականների հիւանդութիւններից օգուտ քաղելով՝ թալանեցին նրանց բոլոր գոյքն ու տաւարը։ Իզուր էին հայերը արդարադատութեան դիմում։ Նրանց ծեծով էին բաւականութիւն տալիս։

Առնասարակ հայերը այստեղ վերին ասիհամի նեղվում են թէ իրանց թուրք նայիբներից և թէ տեղական (ոռուս) իշխանութիւնից։

Եւ եթէ թշւառներից մէկն ու մէկը Շուշի էր գալիս խնդրամատոյց լինելու, նրան չարաշար գամակոծութեամբ էին պատասխանում։

Ճ՛ԾԵ.

Ղարաբաղի գաղթականների վիճակից աւելի վատթար են նկարագրում ոռուս պաշտօնեաները, Երևանի և Նախիջևանի կողմերում բնակեցրած գաղթականների վիճակը։

Այդ խեղճերը երկար շաբաթներ և ամիսներ բաց երկնքի տակ մնալուց յետոյ՝ մասամբ տե-

ղաւորւեցան թըքաբնակ գիւղերում։ Բայց թուրքերի համար ծանր էր այդպիսի հարևանութիւնը, ուստի և նրանք արտնջալ սկսեցին։

Երկիւղ կրելով այդ արտունջների շատանալուց ու բարդւելուց՝ ոռւս իշխանաւորները հայերին հիմա էլ այդ գիւղերիցն էին քշում գեպի այլ վայրեր, մեծ մասամբ անհամապատասխան գաղթականների մեծ մասի կարիքներին։

Այս մէկ կողմից։

Միւս կողմից ոռւս տեղական իշխանաւորները ոչ միայն բարոյապէս փչացած, կաշառակեր էին, այլև միանգամմայն անընդունակ, անհամապատասխան իրանց պաշտօնին։ Ոռւս պաշտօնեանների տգիտութիւնն ու անընդունակութիւնը այն աստիճանի էր համում, որ 1828 թւին, երբ լիազօր դեսպանի պաշտօնով նշանաւոր Գրիբօեդովը Թեհրան էր գնում։ Հայկական նահանգի գաղթականների վրայ կարդւած այդ ոռւս պաշտօնեաններին տեսնելով և նրանց կատարած գործերի հետ անցողաբար ծանօթանալով, խորհուրդ տւեց ի պաշտօնէ Պասկեվիչին, որ սա «գոնէ թիֆլովի չայոց (ներսիսեան) դպրոցի աշակերտներիցը» մի քանի հոգի, իբրև պաշտօնեանների պաշտօնակատարներ, ուղարկւեն այն կողմերը։

ՃՇԶ.

Մենք գիտենք, ընթերթող, որ Պասկեվիչը ինչպէս կրասովսկի ժենեռալից նոյնպէս և ներ-

սէս արքեսլիսկովոսից սաստիկ ցաւած էր, նըրանց համարելով պատճառ այն մեծ ջարդին, որ կերաւ ոռւս փոքրիկ բանակը Օշականի ձորում, երբ գնում էր Էջմիածինը ազատելու^{*})։

Սակայն ի նկատի առնելով ժամանակը և պատերազմը՝ Պասկեվիչը առ երեսյթս բարեկամ էր ձևանում Ներսիսին՝ նոր ի նորոյ օգտւելու նրա աղղեցութիւնից և շահագործելու նրա ազգասիրական եռանգը։

Այդպէս էլ եղաւ։

Ծնթերցողը նախորդ զլուիններում տեսաւ թէ Ներսէսը որքան և քանի տեսակ ծառայութիւններ արաւ Պասկեվիչին պատերազմական գործողութիւնների բոլոր ժամանակամիջացում և յետոյ։

Պատերազմը վերջանալուց յետոյ՝ հաշտութեան գաշնազը առթիւ՝ Ներսէսը մի քանի խորհուրդ տւեց Պասկեվիչին որ ի հարկ է, նա արհամարեց՝ մտքումը նոր ի նորոյ վշաանալով հայ եպիսկոպոսի անտեղի միջամտութիւններովը պետական քաղաքական գործերի մէջ։

Ի վերայ այսը ամենայնի՝ Պասկեվիչը իր վիշտը գարձեալ թագցըք Ներսիսից։

Վերջինս էլ այնուհետեւ սկսեց իր միջնորդութիւնները յօգուտ հայերին Պասկեվիչի առաջանել գնդապետ Լազարեանի միջոցաւ՝ անդապար նրան ուղղած իր նամակներով։

Լազարեանն էլ Ներսիսի նամակների բովանդակութիւնը յայտնում էր Պասկեվիչին, որ Իր

^{*}) Ակտե, VII, եր, 259, № 214.

մտքում թէ Լազարեանին և թէ Ներսիսին ծաղրելով հանդերձ պատրաստակամութիւն էր ցոյց տալիս՝ Ներսիսի առաջարկները ի կատար ածելու, ինչպէս ասում են, նրանց գլխների տակ փափուկ բարձեր գներով:

Եւ Լազարեանը, որ մի անփորձ երիտասարդ էր, շտապում էր աւետել և ուրախացնել Ներսիսին գրելով թէ՝ «զոր ինչ գրեալ էիք՝ ինձ վասն սիրելի մեր ազգին և սահմանաց Երևանու՝ ևս նորին բարձր գերազանցութեան» (Պատկեվիշին) վասն այս խօսեալ եմ, որ ասաց ինձ թէ՝ միտքն ու դիտաւորութիւնն իւր Կայսերական Մեծութեան նոյն է. նա ևս ինքն նորին բարձր գերազանցութիւնն հետեւելոց է այս բանին լաւագէս կատարել: Եւ ես իմոյս կողմանէ՝ ինձ առաջին և սուրբ պարտաւորութիւնն կը համարիմ այն է՝ որ լինիմ օգուտ ազգին մերոյ*) :

ՃԾԷ.

Ներսիսի և Լազարեանի մէջ եղած բարեկամական յարաբերութիւնը տեսնելով՝ Պատկեվիշը դրանից էլ ուզեց օգտաւել:

Նա ուզում էր, որ նորանւաճ բերգերը (Աբաս-Աբագ, Սարգար-Աբագ և Երևան) հայ զինւորների պահպանութեանը յանձնի՝ նախապէս այդ նպատակի համար ժողովելով հայերից մինչև 2000 երիտարդ:

Դրանց մէջ մանելու էին պատերազմի ժամանակ զործող՝ հայկական գնդից կենդանի մընացած սակաւաթիւ հայ զինւորները:

*) Ամենայն Հայոց կաթող. Եր. 315.

Պատկեվիշի այդ նպատակի պատճառները երկու էին:

Առաջին այն, որ ուսւ զինւորները ամառայ տօթերին սաստիկ հիւանդանում էին և յաճախ էլ կեանքից զրկվում:

Արդ՝ հայ զինւորներով փոխարինելով իր ուսւ զինւորներին՝ Պատկեվիշը, ուրեմն մի մարդասէր և խելացի գործ կատարած կը մինէր:

Երկրորդ պատճառը այս էր:

Ուսւ-պարսկական պատերազմը դեռ չէր կերջացել, որ ուսւ-տաճկական պատերազմի շլշուներն սկսւեցան: Եւ յիստի. Նիկողայոս Առաջինը հաստատապէս որոշել էր յարձակւել Տաճկաստանի վրայ:

Ուստի Թուրքմէնչայի հաշտութեան դաշնագիրը կոտելուց անմիջապէս յետոյ՝ Պատկեվիշին հրամայեցաւ պատրաստւել Օսմանցիների վրայ յարձակւելու Փոքր-Ասիայում:

Պատերազմի ծրագիրը կազմելիս՝ Պատկեվիշն ուզում էր իր կողմն ունենալ նաև պարսից զահաժառանգին, Աբբաս Միրզին:

Վերջինս այս միտքը ինքն էր առաջինը արտայայտել Պատկեվիշին:

Եթէ այս միտքը հաւանութիւն գանելով իրագործէր և Աբբաս Միրզան, իբրև ուսւաց դաշնակից, իր սուրբ օսմանցիների գէմ ուզզէր, — այն ժամանակ, ըստ ծրագրի Պատկեվիշի, նա պիտի սահնար ի արիտուր իր ծառայութեան՝ վանը և Մուշը*):

*) ԱԿՏԻ, VII, Եր. 691, № 764

Ահա այդ ժամանակ Ռուսաստանը՝ այլիս Պարսկաստանի կողմից ոչ մի երկիւղ չունենալով՝ ռուսական ամբողջ բանակը կ'ուզէր օսմանցիների դէմ:

Իսկ պարսիկներից նոր գրաւած բերդերի պահպանութեան համար 1500 կամ 2000 հայ զինուրներն էլ շատ բաւական էին:

Արդ՝ որպէսզի Ներսէսը այդքան զինուրացու հայ երիտասարդներ ժողովի՝ Պատկեվիչը Լազարեանի միջոցաւ խոստացաւ նրան, Ներսիսին Ս. Աղէքսանդր Նեվսկու առաջին աստիճանի չքանչանը (որ և բերել աւեց)*:

Պատկեվիչի այս ցանկութիւնը Լազարեանը Ներսիսին յայտնեց հետեւեալ նամակով**):

ՃԾԲ.

— «Երաւի մեծաւ ուրախութեամբ ընթերցայ զայն նամակն զրաֆ Դիբիչին առ Իվան Ֆէօգորովիչն (Պատկեվիչն), յորում յայտ առնէ թէ կայսրն մեր վասն վարձահասայց առնելոյ զօդաւկար աշխատանս և զվաստակո, որ Զերդ որբազնութիւն կրեալ է յայսմ միջոցիս, կամի ընծայել Զեղ զնշան ո. Աղէքսանդր Նեվսկու առաջին աստիճանի, և խնդրէ միայն զնամաձայնութիւն Իվան Ֆէօգորովիչին, որպէս զլսաւոր վառափարչին, և ժենեռալս մեր (Պատկեվիչը) յօժար համաձայնութեամբ իւրով յայտնեաց զբարեկամութիւնա առ Զերդ որբազնութիւն:

Յոյժ հարկաւոր համարիմ ասել Զեղ, զի

*) Ակտե, II, Կր. 252, № 205;

**) Ամենայն Հայոց կաթող. Կր. 316,

կայսրն այ զգալ, որ ազգս Հայոց ի Աշամ Ջենոհակաղութեան իւրոյ զողորմութեանէ իւրոց, ի հարկէ, արդէն կազմեալ է գոնէ 2000 կամ 1500 զօրս, եւ այնու եղեալ է արժանի ապագայ ողորմութեանց նորա»:

Թէպէտ ես յոյժ ցաւիմ, զի պարագայք մինչև այժմ չթողին մեղ առնել երեւլի ինչ, բայց յուսամ զի անդադար ջանացողութիւն Զեր միաւորեալ ընդ ըզձանաց այլոց, որպէս և խմոյս, և փոքր միջոցիս կազմելոց են զվերցիշեալ Շեր գօրաց: Անհամբերութիւն իմ կամէր արդէն առաքել առ Զեղ և գ(կ) ոչումն (պլոկամացիս) իմ առ հայս (զօրք ժողովելու համար), բայց աներկբայ լինելով, զի Զերդ որբազնութիւն առաւելագոյն քան զայլս գիտէք զգրութիւն ազգիս մերոյ, զմնասն և զօդուտն նորա, — դիմեմ առ Զեղ և խնդրեմ խոնարհաբար տալ ինձ վասն այսմիկ գհարկաւոր խորհուրդ, որովք պահպանելով միանդամայն և զշահաւէտութիւնս ազգին՝ կարողացուք զրգոնել զնա առ ի կատարումն առաջարկութեանց մերոց:

Զոր ինչ հաճոյ և շահաւէտ թւեսցի Զերդ որբազնութեան վասն Հայոց յայս կողմանէ, խնդրեմ շնորհ առել և կարելի փութով առաքել առ ինձ, և ես ամենայն կերպիւ ջանալոց եմ զի զլսաւոր կառավարիչն համաձայնեացէ և հաստատեացէ»:

ՃԾԹ.

Լազարեանի այս նամակը կարդալով թերես

Ներսէսն աշխատէր, իրան յատուկ ոգեռութեամբ և անշըջահայեցութեամբ, զօրաժողով լինել, սակայն Լազարեանի նամակի երկըսրդ մասը նրան գլխի ձգեց վերջապէս, որ Պատկեփիչը իրան ձեռք է առել և պարացնում է Ահա նամակի այդ մասը.

«Եինելով միշտ հարազատ բարեկամ, — շարունակում էր Լազարեանը, — որպէս և հնապանդ որդի Զերդ բարձր սրբազնութեան, հարկաւոր համարիմ յայտ առնել և զայս, որ կուսական մեր (Պատկեփիչն) յոյժ անբաւական է որ մինչև ցայժմ ոչ որպիսութիւնք և ոչ եկամուաք Երևանայ յայտնի չեն նմա, ևս աւելի որ ըստ Երևելոյն՝ դուք յամենայնի համաձայն էք ընդ Կրասովսկուն և ոչ Երբէք ոչ ցուցանէք անցաւորաբար գմիտս կամ զիսործուրդս ձեր: Կարգեալ գոլով անզամ կառավարութեան Երևանայ և հաւասար ժենեռոալ Կրասովսկուն՝ պարտէ զի այնմ բանի՝ ուր միտք ձեր այլ են ընդ միտս նորա, գրել զձերն առ կուսական և դնելի ներքոյ քննութեան նորա, որով և կատարել զկամս նորա»:

Ամեն մի մարդու համար էլ, նամանաւանդ Ներսիսի համար շատ պարզ էր, որ Եթէ Պատկեփիչը Երևանի որպիսութիւնների և եկամուառների մասին տեղեկութիւն էր ուզում ստանալ, նա այդ կարող է ի պաշտօնէ հրամայել և ստանալ: Կամ Եթէ նա Երևանի կառավարութեան գործերի նկատմամբ՝ զեղծում կամ օրինազանցութիւն էր նկատել, կարող էր իբրև իշխանա-

որ, բացատրութիւն պահանջել, յանցաւորներին պատժել, պատուհասել:

Սակայն Պատկեփիչի նպատակը բոլորովին այլ բան էր:

Նա մտքումը դրել էր Կրասովսկուն տապաւել: Ժամանակն եկել, հասել էր արդէն: Կրասովսկուն այլս նա պէտք չունէր:

Սյժմ ուզում էր նրա տապալումը Ներսիսի ձեռքով կատարել. նրան իր բարեկամի հետ թշնամացնել, կուտացնել, որպէսզի ինքը յետոյ առաջ Կրասովսկուն տապալէ և ապա իրան Ներսիսին:

Բայց, ինչպէս ասացինք, Լազարեանի նամակի Երկրորդ մասը Ներսիսի աչքերը բացին և նա չկամեցաւ այլս նրա ձեռին կոյը գործիք լինել, նրա ածած դուդուկովը պարել:

Ներսէսը ոչ մի առիթ չունէր Կրասովսկումասին գանգատաւոր լինելու, այն էլ թագնարար, անարդաբար, ինչպէս որ Պատկեփիչը՝ յանձին Լազարեանի՝ խորհուրդ էր տալիս:

Ներսէսը հասկացաւ վերջապէս, որ Պատկեփիչը թշնամացել է Կրասովսկու հետ՝ յատկապէս Օշականի պատերազմի պատճառաւ՝ յատկապէս էջմիածնի և առնասարակ հայերի շահերը պաշտպանելու պատճառաւ, հետեւբար հալածելով Կրասովսկուն՝ Պատկեփիչը հալածում է Ներսիսին և նրա պաշտպանած հայկական շահերը:

Կրկնում էնք՝ Ներսէսը այս բանը վերջապէս հասկացաւ, ուստի և Պատկեփիչի առաջարկը չլսելու տեհծ, լուսութեամբ մերժեց:

Ներսիսի այս վարմունքը, ի հարկէ, փառասէր,
դոռող կոմսին՝ Պատկեվիչին՝ դիւր չեկաւ:

Եւ նա ինքն ուղղակի, առանց այլոց օգնու-
թեան, Կրասովսկուն Ռուսաստան քշելուց յե-
տոյ՝ ձեռնամուխ եղաւ Ներսիսի և դրանով նրա
պաշտպանած էջմիածնի կամ առհասարակ հայ-
կական շահերի տապալմանը:

Սակայն նախքան այդ տապալման մանրա-
մասնութիւններին դիմելը՝ մենք պէտք է այս-
տեղ մեր ընթերցողներին յայտնենք, որ Աբբաս
Միրզային ուռաց գաշնակից ընդունելու ծրագի-
րը*) որ Պատկեվիչն առաջարկել էր Պետերբուրգ,
այնտեղ ընդունեց, չյարգւեց:

Արքունիքը գտաւ, որ ոռւս զօրքը առանց
պարսից գահաժառանգի օգնութեան էլ կարող
է օսմանցիների հախիցը գալ: Ուստի և հրամայ-
ւեցաւ Պատկեվիչին՝ իր բանակով սահման անցնել:

Եւ նա 1827 թ. յունիսի 14-ին Գումրիի
մօտով՝ մտաւ տաճկաց սահմանը:

Սկսւեցաւ ոռւսատաճկական պատերազմը, ո-
րին առ այժմ թողած՝ մենք գառնանք Ներսիսի
տապալման պատմութեանը՝ պասմութիւն, որ եր-
կու դարուց ի վեր կրկնվում է մեր, այսպէս տ-
սած, քաղաքական գործիչների հետ՝ առանց մա-
զաչափ խելքի և գիտակցութեան բերելու նրանց,
ինեն նրանք անհատական անձինքներ, թէ ամ-
բողջ կազմակերպութիւններ, — այդ միւնոյն է:

*) Ակտы, VII, Եր. 693 № 678.





8pm

30

«Ազգային գրադարան»



NL0418228

6892